


PNEVMALOGIE,
OV DISCOVRS
malins
 DES ESPRITS EN TANT
 QV'IL EST DE BESOING, POVR
 entendre & resouldre la matiere dif-
 ficile des Sorciers, comprinse en la
 sentence contre eux dōnee en Aui-
 gnon l'an de grace, 1582.

Faict & composé par le Reuerend P. F. sebastien
 Michaëlis Docteur en theologie de l'ordre de S.
 Dominique au couuent de Marseille.

A Monseigneur le Reuerendissime Euesque
 de Marseille.



A PARIS.

Chez Guillaume Bichon, rue S. Iaques à l'en-
 seigne du Bichor.

1587.

*livre singulier et fort
 curieux, il est annoté par
 la main d'un savant*

EXTRAICT DV PRIVILEGE
DV ROY.

PAR grace & Priuilege du Roy, Il est permis à Guillaume Bichon Marchant Libraire en l'vniuersité de Paris d'imprimer ou faire imprimer vendre & distribuer vne fois ou plusieurs, vn liure intitulé Pneumalogie ou discours des esprits faict & composé par le R. P. F. Sebastien Michaelis docteur en theologie de l'ordre de S. Dominique au couuent de Marseille & defence à tous Libraires & Imprimeurs d'imprimer ou faire imprimer vendre ne distribuer ledict liure sinon que de ceux que ledict Bichon aura faicts imprimer & iusque au temps & terme de six ans à commencer du iour que ledict liure sera acheué d'imprimer sur peine de confiscation desdicts liures qui se pourront trouuer & d'amende arbitraire comme il est plus amplement déclaré esdictes lettres de Priuilege donnez à Paris ce vingtnueufiesme d'Octobre, 1586,

Par le Conseil DE LAVETS.

Nous soubz signez docteurs en theologie de la faculté de Paris, confessons auoir leu vn liure intitulé Pneumalogie ou discours des esprits auquel liure n'auons trouué rien qui ne soit tres-Catholique & digne d'estre mis en lumiere pour tous ceux qui font profession de religion chrestienne tesmoins noz seings cy mis ce deuxiesme iour d'Octobre, 1586.

F. Anthoine Berthomier. F. Augustin le Duc.



A MONSEIGNEUR LE
REVERENDISSIME EVESQUE
de Marseille , M. Federic
Ragueneau.

MONSEIGNEUR ie pro-
teste avec Tertulien qu'au faict
des forciers (qui est le subiect
de ce traicté) Ie n'ay oncques
affecté par curiosité l'intelligē-
ce , pour estre une science laquelle ne feist ia-
mais que troubler mon esprit , comme estant
ennemie à mon ame qui se déplaist de telle co-
gnoissance , & de faict c'est chose commune
à toutes gens qui ont la pieté en recommanda-
tion. Ainsique ce saint & ancien pere en
baille une docte & generale deduction en
beaux termes , disant. Nos spiritualia ne-
quitia, non quidem socia conscientia,
sed inimica scientia nouimus: nec inui-
tatoria operatione , sed expugnatoria
dominatione tractamus, multiformem
luem mentis humanę, totius erroris ar-
tificem, salutis pariter animęque vasta-

Tertul. li.
de anima.

EPISTRE.

Marc. 16. torem. Enquoy il a tres-veritablement parlé. Car que pourroit on que par ceste pestifere science, entendre autre chose sinon Vne Vraye peste du genre humain, Vn pur auenglement de tout erreur, & finablement Vn Vray precipice de corps & d'ame és abismes des enfers? Neantmoins la cognoissance de telle science & theorique est necessaire à noz Ecclesiastiques, d'autant qu'il nous est expressement commandé par Iesus-Christ en la personne des Apostres d'exorciser repousser & chasser en la vertu de son nom tous malins & immundes esprits, voulant que nous soyons diametralement (ainsi qu'on dict) contraires aux magiciens, qui doucement & avec supplications les euocquent & appellent à eux. Mais quant à nous (comme dict est) Non inuitatoria operatione, sed expugnatoria dominatione ipsas tractamus. Si que les admirables effectz de telle & si digne charge, seruoit de toute responce & solution à la demande des payens, qui demandoient (par maniere de reproche) Aux premiers chrestiens, qu'elle plus grande cognoissance auoient ilz des esprits malins que les autres? Ausquels respondoit le mesme bon pere Tertulien, qu'il falloit bien que les chrestiens en eussent plus grande congnoissance, puisque (comme la preuue en

Tertul. lib
de testim.
animæ.

EPISTRE.

rendoit tesmoignage) s'estoient les seuls Chre-
 tiens qui auoient puissance & autorité de
 les chasser de toutes parts avec violence &
 en despit d'eux. Comme doncques un sieur &
 maistre, qui est tousiours apres à dompter son
 esclauue plain de rebellion il y a vne plus am-
 ple cognoissance de sa proteruité que non pas
 les autres, ausy & tout du mesme les Chre-
 tiens à l'endroit des esprits immundes. Dæ-
 monia itaque affirmamus esse, inquit,
 fanè quasi non & probemus qui ea soli
 de corpore exigimus. Et de là nous pou-
 uons tirer que pour mieux dissiper & ruiner
 le regne de Sathan, telle science est necessaire-
 ment requise aux gens d'Eglise de mesme que
 la cognoissance des heresies est necessaire aux Hier. lib.
 Catholiques docteurs pour mieux les confu- 13. comm.
 ter, & les maladies pestilentieuses aux mede- in Elai.
 cins pour les abbattre. Ce pendant ie deplore ad ca. 47.
 en ce faict icy nostre maniere de faire, comme
 faisoient iadis les Stoiques la façon de parler
 du monde, tenans à grandissime abus de nom-
 mer les choses turpes par noms honnestes, &
 les choses honnestes & saintes, par noms
 turpes: au lieu d'exprimer chacune chose par
 propres dictions & vocables: Les vertueuses
 & louables par termes ne sonants & signifi-
 ants que leurs decentes vertus & louanges, &

EPISTRE.

les vicieuses & vituperables par leurs noms
 & conuenables epithetes sonnant l'horreur
 de leur ordure & contumelie. Ce que ie ne dis
 sans iuste cause, pource que la malice de nostre
 temps a faict que les noms des choses sacrees
 sont adaptés à ce qui est abiect & ridicule.
 Ou au contraire on a voulu honorer de beaux
 noms ce qui est de soy turpe & indigne des
 Chrestiens. D'où est aduenu que plusieurs se
 sont de tant oubliez qu'ils tiennent pour bar-
 bares & inciuils ceux qui vsent du propre nō
 Grec, Sçauoir Diable, ou du nom Hebrien,
 qui est Sathan, qui signifient aduersaire &
 calomniateur. Noms si vsitez pour leur con-
 uenance que l'escripture sainte en est toute
 plaine. Neantmoins refusans & comme aiās
 en horreur ces noms ils vsent pour l'ornement
 de leur langage, du doux nom de Demon si-
 gnifiant docte & sçauant. Comme en effect
 Platon & plusieurs grands Pöetes & Philo-
 sophes l'ont vsurpé pour le nō de Dieu qui est
 tout sçauant. Ainsi que l'enseigne Tertullien
 ou toutesfois ils pourroient user de la copiosi-
 té des noms fort frequents en l'escripture &
 recitez au long par S. Hierosme, qui sont,
 Diable, Sathan, Belial, Aspic, Basilisc, Liō
 bruyant, le grand dragon, Apostat, Preua-
 ricateur & autres semblables noms qui font

Tertul. li
 de anima.

Hiero. li 8

Esai .ad ca

put. 27.

EPISTRES

manifeste expression de sa sanglante malice. Parquoy ie souhaite que quelque gentil esprit nous controuue en nostre langue françoise nō conuenable à l'ordure & infame de la miserable condition de ses auengles & plus que bestiaux sorciers. Attandu que ce terme de sorciers, ne signifie de soy autre chose qu'un personnage qui vse de sort, chose qui se peut prendre en bonne part & estre bien & saintement exercee, comme en font entiere foy ces passages de l'escripture, Mittēs super vtrūque hircum sortem. Cuius fors exierit domino offeres. Iosue sorte terram diuidet sorte exul vt in censum poneret. Cecidit fors super Mathiā. Si bien qu'on en peut encores vsfer au besoin, voire au ministere des choses ecclesiastiques qui sont de plus grande importance comme fort bien l'enseigne saint Thomas apres saint Augustin. Qui est la cause que ie desire infiniment que ce nom de sorciers soit deormais esteint pour eux en controuuant quelque vocable qui ne sonne point si bien, ains que comme ils sont les plus sales & brutaux du monde, ils ayent aussi un nom qui soit de soy si odieux aux gēs qu'il ne sonne que pure vilenie. Ainsi que saintement le vouloient les Stoiques & Platon aussy, quand il s'efforçoit de prouuer

Leuit. 16.

Deut. 1.

Luc. 1.

Act. 1.

S. thom. 2

2. quæst. ar.

Plato in

Crauil.

EPISTRE.

que les premiers noms signifioient naturellement & non à la volée, & de faiēt il le monstre par experience, Car disoit il quand ie dis moy, ie retire ma voix par deuers moy & quand ie dis toy, ie la retorque contre celuy a qui ie parle. Et sont traiēts de Philosophie qu'on experimente veritables, non seulement en la langue Grecque en laquelle escripvoit Platon, Mais encores es deux autres principales Hebraique & Latine. Si doncques on vouloit nommer telle maniere de gens par ces noms Diabolo-lâtres ou Sathano-lâtres ou pour le moins Diabolistes Sathanistes ou autres semblables appellations qui leur conuiennent, on feroit sonner plus naturellement leur nom qu'en les appellât sorciers qui deriue du mot Latin *fortilegus*. Attendu qu'en ses pauvres miserables, on ne sçauroit remarquer apparence aucune de vertu ou bonté, fors en la seule subsistance naturelle, comme aux Diables: & de faiēt ils sont les plus sales ydolâtres qui iamais feurent ny pourroient estre, puis qu'ils adorent le diable en sachant bien que c'est le diable ou iadis les ydolâtres l'adoroient pensant toutesfois qu'il feust Dieu. Et pource comme sainēt Augustin diēt que le simple peuple des ydolâtres n'offensoit point si griefuement comme les do-

Aug. lib.
20. cont.
faust. ca.

EPISTRE

Êtes Philosophes, pource que le peuple igno-
 roit la source & causes de telles idoles, ou
 les Philosophes sçauoient fort bien l'origine
 qui venoit de l'impudicité vices on inueniōs
 des hommes, aussi faut il estimer qu'en cela
 les chrestiens sont sans comparaison beaucoup
 plus damnable. Mais apres le discours des
 noms, ie viens au faict. Ie sçay bien qu
 plusieurs ont cy deuant exercé leurs esprits à
 discourir des forciers, si que à bon droit ie me
 repete indigne d'en traicter apres eux: neāt-
 moins l'excuse de Lactance Firmien me serui-
 ra à ce propos, qui s'excusant surce qu'il en-
 treprenoit descrire contre les gentils en fa-
 ueur de la religiō chrestienne, Ores que tant
 de grands & doctes personnages Iustin, Ori-
 gene, Tertulien, Arnobius, en eussent aupara-
 uant escript: Ie le faiets dict-il comme par
 contraincte, & pour contenter la varieté
 des volontés des hommes, estans obligez nous
 accommoder pour la commune vtilité aux
 doctes & aux vulgaires. Les vns donc dict-il
 ont escript contre les gentils par seule autho-
 rité de l'escripture, enquoy ils n'ont contan-
 té les ydolatres qui ne les reçoient, ains
 seulement les chrestiens & en partie les Iuifs:
 autres ont seulement argumenté & soubstenu
 par raison naturelle le iugement de leurs cō-

EPISTRE

ceptions: surquoy ceux qui sagement preferent
l'escripture à toute humaine raison y desiroiēt
quelque autre chose. Et si encores dict-il nul
ne lis a confondus par leurs propres auteurs:
ce que restoit à faire: Ainsi conclud Laëtançe
qu' s'il vient à faire un meslange de toutes
cē choses, il pourra donner contentement à
en chacun, voire iusques aux atheistes i'en dis
out autant pour legitime excuse. Car aucuns
ont traité des sorciers sus un simple recueil
des histoires ou procédures criminelles contre
eux faictes & sus leur propre tesmoignage &
confessions. Les autres y ont procedé puremēt
scholastiquement, ne sortans presque poinct
des commentaires faictz sus les quatre liures
des sentēces les troisiemes sensuyuants de ceste
façon de proceder ils ont mieux aymé en par-
ler suyuant la doctrine qu'ils auoient laissē
aucuns anciens Philosophes payens, comme
Mercurius, Proclus, Iamblicus lesquels ils
ensuyuent bien souuent mesmes contre l'au-
thorité de la sainte escripture. Surquoy m'ap-
perceuois ie qu'il y auoit encores à desirer
une autre maniere de proceder beaucoup plus
seure & legale, scauoir qu'elle fust tiree de
la mesme escripture sainte & de la leçon des
anciēnes peres de l'Eglise en prenant sur cela un
fondement principal, bien qu' autres auteurs y

EPISTRE.

*fussent amenez. Car quant aux premiers, ils
 reiectoient les faiëts simplement; Mais ils ne
 les prouuoient point. Les secondes en donoient
 des resolutions scholastiques, Mais les cha-
 touilleux de nostre temps ny vouloient enten-
 dre. Quant aux autres qui sont au tiers rang
 nous leur opposons par maniere d'admonition
 ce que disoit Tertulien. Dæmonem soli no-
 uerunt christiani, vel quæcunque apud
 dominum secta. En vn autre liure il preu-
 ue ceste sentence en ceste maniere? Cui veri-
 tas comperta sine Deo? Cui deus cogni-
 tus sine Christo? Cui Christus explora-
 tus sine spiritu sancto? Cui spiritus san-
 ctus accommodatus sine fidei sacramen-
 to? Par laquelle gradation il faiët assez en-
 tre que nul n'a iamais exactement & sans er-
 reur manifeste cogneu que c'est que de l'ame,
 ou des esprits bons ou mauuais (car cest de quoy
 il parle aux susdicts passages) S'il n'auoit beu
 de l'eau de Iesus-Christ. Les Philosophes, dict
 il, ont bien escrit quelques veritez, mais ou
 elles n'estoient point en fin sans estre entremé-
 lees de quelques erreurs, ou bien ils auoient
 cela prins de l'escriture, ou veritablement
 il leur aduenoit quelquefois comme à vn
 homme qui seroit perdu dans des catacombes,
 lequel s'il trouuoit en fin quelque issue,*

Tertul. li.
 de testi.
 animæ.
 Tertul. lib
 de anima.

EPISTRE

ce ne seroit que par rencontre. Et ainsi ilz n'auoient point assurance aucune en rien qu'ilz disent ou inuentaissent de nouveau. Et pource les Academiques aimoyent mieux dire librement qu'ilz ne sçauoient rien de certain. Sainct Augustin conformément à Tertullien. Si Mercure Trimegiste ou autres ont rien dict de bon, Tout cela ne nous peult, dit-il, seruir d'autorité pour enseigner vne saine doctrine, Mais seulement pour en battre & rembarrer les autres payens. Et quant à ce qu'ilz ont bien dict conformément à la Verité il y a non moins de difference entre leur autorité & celle des Prophetes, qu'entre celle des diables & des bons Anges. Or les diables ont quelquefois dict Verité, nonobstāt il ne faut sur cela fonder vne doctrine catholique. Il est donc question d'en sçauoir selon iouxte ce que la sainte escripture & les anciens peres de l'Eglise en ont enseigné. Qui est le seul but auquel ie tends en cest oeuvre, auquel seront aussi admenées (quand le propos le requerra) les Philosophes en tant que ie les trouueray se conformer à l'escripture & aux anciens peres. Et ceux qui auront contreuenu, y seront rembarrez par raisons naturelles pour contenter, atirer, ou confondre du tout les Atheistes le nombre desquels est

Aug. lib.
13 con. fa.
manic. ca.
15.

EPISTRE.

plus grand qu'il n'en seroit de besoin: & en-
 cores (à nostre grand regret) est il beaucoup
 plus grand de ceux qui symbolisent avec les
 sorciers, & leur adherent par infinies super-
 stitions, enquoy bien souuent les plus riches
 s'embarquent. Si bien que ie puis dire avec
 Sainct Chrysostome que s'il estoit facile (à
 l'Eglise & autres) faire iustice des grands
 aussi bien que des petits, toutes les prisons se
 trouueroient incontinent remplies des magi-
 ciens & sorciers. Encores ailleurs Ce bon pere
 deplore (avec grande effusion de larmes) l'a-
 ueuglement de telles personnes, quand il dict
 Lachrymis & gemitib⁹ digna, vaticinia,
 obseruationes genesis, signa, ligaturæ,
 diuinationes, incantationes, & cætera
 huiusmodi. Quæ omnia magno profe-
 cto scelere præsumuntur, Denique iram
 prouocare consueuerunt atque eò ma-
 gis quò post ingentis beneuolentiæ &
 insignis miserationis indicia, postquam
 ille filium suum pro redimendis ho-
 minibus misit hæc nefario ausu admit-
 timus. Saint Augustin de bonne grace nous
 enseigne à ce propos, que c'est un moyen que
 Dieu permet pour nous faire embrasser
 plus estroictement Iesus Christ nostre
 mediateur puis que nous entendons que si

Chrysosto
 hom. 2. in
 epist. ad
 heb. Chri-
 st. hom.
 10. in pri
 mam epi.
 ad Timot.

Deiqz

Augu. lib
 18. de ciuit
 cap. 18.

EPISTRE.

impudemment & manifestement le Diable nous retire & tire comme par force de luy comme faiët le loup affamé la pauvre brebis, Quantò quippe in hac ima (inquit) potestatem demonum maiorem videm⁹, tantò tenacius mediatori est inharendum, per quem de imo ad summa contendimus. Restoit encores. Monseigneur traicter si telles choses qu'on dit des sorciers aduiennent par songes & illusions, ou si elles sont reallement veritables : Mais craignant telle prolixité vous estre en ceste epistre plus tost ennuyeuse que delectable, Iay remis & accommodé ce discours & la conclusion de ce liure, m'estant venu en souuenance ce que disoit saint Augustin, que le lecteur voyant la fin d'un liure ou d'un chapitre il est autant aise comme le passager voyant le logis. Vous suppliant tres-humblement d'excuser les faulces & rudesse de language, que iay submis soubz vostre faueur, & en faire cens- sure comme il vous semblera/que s'il vous semble bon ieter vostre verge dor sur ce mien discours, receuray le tout comme de la main d'un Assuere ou d'un Aristarque. M'asseur- rant (Monseigneur) que si vous y trouuez chose digne ce sera muraille suffisante & fortteresse pour opposer aux risées & detra-

Aug. lib.
1. cont. Iad
uer. leg. &
leg & pro
phe. c. 24.

EPISTRE.

Etions populaires, & mesmes de ceux qui se
sentent atteints de la lepre & contagion de
laquelle nous traitōs. Sur ce vous baisant tres
humblement les mains ie prieray Dieu vous
donner

Monseigneur en parfaite santé treslongue
& tres-heureuse vie. De Vostre maison de
Marseille ce treiziesme Iuillet mil cinq
cens quatre vingt & quatre.

Vostre tres-humble & tres-
obeissant seruiteur & orateur

Michaelis

SONNET A L'AVTHEVR.

VOYANT Michaelis Rembarrer les sor-
ciers

Et par fortes raisons renuerſer leur doctrine
Q'un chacun à bon droit deteſte & abhominé
Comme le Nautonnier les perilleux rochers.
Alors il me ſouuient des beaux exploits Guerriers
De l'Archange Michel lequel mit en ruïne
Enfuytte & deſarroya legion mutine
Des diables deſguiſez en dragons laicts & fiers.
Et comme Sainct Michel de ſa main rude & forte
Les a tous deſconfictz: ainſi de meſme ſorte
Puiſſe Michaëlis deſtourner cet erreur
Alors L'au theur ta louange & ta gloire
Eſgallera de prez de l'Ange la victoire
Voyla comme en ton nom il y a du bon heur.

AD EVNDEM AVTHOREM
Epigramma eiufdem argumenti.

Angelicum nomen claris virtutibus a quas
Conueniunt rebus nomina ſæpe ſuis.
Angelus vt domini magna virtute draconum
Turbam deuicit, corpora foeda necans;
Sortilegos tua ſic vincit Doctrina Michaël
Quæ clarè illorum dogmata falſa probat.
Angelicæ laudi tua credito gloria par eſt
Dæmonis aſtutiam fortis vterque fugat.

aſtutus, aſu.

aſtutia, & productus

ſeñda natura.

BAPTISTA BADERVS
pariſienſis in eodem pariſienti
ſenatu patronus.



PNEVMALOGIE,
OV DISCOVERS

DES ESPRITS, EN TANT
qu'il est de besoin pour entendre & resoul-
dre la matiere difficile des sorciers, com-
prinse en la sentence contre eux donnee en
Avignon, L'an de grace 1582.

CHAPITRE PREMIER.

S'il y a des Esprits, ou non.

C'EST l'ordinaire en tou-
tes choses qu'on veut
sçauoir de s'enquerir de
la cause d'icelles, aultre-
mēt on auroit tousiours
occasiō de douter de l'effet, ou au moins
de le desguiser, ce qu'est naturel à l'hō-
me, singulierement quand il void cho-
se inusitee & extraordinaire ainsy que
l'exemple proposē par Aristote le de-
monstre, des rustiques qui voyās Ecli-
Lib. 1. me-
taph c. 2.
& lib. 1.

pſe de Soleil ou de la Lune ſoudaine-
 ment ſe tournēt en admiration. Com-
 me les enfans d'Iſraël voyans la man-
 ne, & demandant qu'eſt cela? Et telle
 admiratiō (diēt Ariſtote) a eſtē la four-
 ce de toute la Philoſophie: car voyans
 les gēs de bō Eſprit choſes admirables
 ilz ſe ſont mis en debvoir d'en ſçauoir
 la cauſe, Ainſi fault il proceder en ce
 faiēt icy qui eſt d'aultant plus admira-
 ble & à pluſieurs incroyable que plus il
 eſt eſlongné de la cognoiſſance & ex-
 periēce de la plus part & plus ſaine par-
 tie des hommes il fault ſçauoir la cauſe,
 laquelle no⁹ eſtāt venue en euidēce in-
 clinera facilemēt noſtre entendemēt à
 croire que telles choſes non ſeulement
 ſont poſſibles, mais auſſi pl⁹ frequētes
 qu'on nedit. Et pource que la cauſe ſont
 les anges, ilz eſt de beſoing ſçauoir pre-
 mierement ſil y a des eſpritz ou non.
 Or y a il trois manieres de gens qui ont
 nié les eſpritz les premiers ſont aucuns
 Philoſophes, les ſecondz ſont les Sadu-
 ciens, les troiſieſmes ſont les Atheiſtes.
 Quant à Ariſtote maistre des Peripate-
 ticiens il n'accorde point autre choſe
 ſinō qu'il y a vne ſupreme cauſe laquel-

Lib. 8. Phy-
ſic.

Lib. 12.
methap.

le est sans corps & avecq' icelle il met
huiet ou neuf espritz pour le plus selon
le nombre des cièulx qu'il a cogneu cō-
siderant bien que les corps celestes ne
se pourroient mouuoir nullement s'il
n'y auoit avecq'eux quelque esprit de
vie: Or soit qu'il aye cela desrobé de
l'escripture saincte, ou pour le moins de
son maistre Platon qui l'auoit leüe où il
est dict en Ezechiel parlant des corps
celestes qu'il appelle roües : *Spiri-* Ezech. 1.
tus vitæ erat in rotis, ou qu'il ait esté in-
uenté par les experiences qu'il en voy-
oit, en cela il dict fort bien, hors mis en
ce qu'il met l'exclusion, disant qu'il n'y
en a point d'auantage. Car il deuoit aussi S. Tho. lib.
considerer que si besoin estoit de telz 2. cont. gēt.
espritz pour le mouuement ordinaire c. 92.
& continuel des corps celestes & par cō-
sequent pour le seruice de l'homme qui
est *Quodammodo finis omnium*: à plus forte Lib. 2. Me-
raison il estoit seant à ceste premiere & taph.
suprême cause qu'il appelle seul Princi-
pe d'en auoir vn grād nombre pour son
seruice en admetant le dire de Daniel Daniel. 7.
qui nous enseigne que *Millia millium*
ministrabant ei, & decies Centena millia as-
sistebant ei Et de Dauid qui en donnoit

DISCOVRS

uement du ciel les contraignant à celà:
 (car vne tant bōne œuvre & tant neces-
 faire ne sçauroit proceder que de bōne
 part) qu'il y en a aussi de mauuais, atten-
 du que d'iceux plusieurs choses mau-
 uaises en procedent. De ceux cy faict
 mention Porphire, *In Epistola ad Ane-*
buntem, cité par sainct Thomas, disant
 qu'ils sont les maistres des forciers, &
 tous autres qui vsent de malefices, &
 que iamais ils n'induisent personne à
 bien faire, mais aydent bien ceux qui
 sont en volonté de faire quelque mal.
 Platon & ses sectateurs accordent aussi
 y auoir grand nombre d'esprits, qui ha-
 bitent en la supreme region de l'air,
 comme font les oyseaux en la basse &
 moyenne region, & comme les pois-
 sons dans l'eauë: mais ils y entremes-
 lent plusieurs absurditez, comme nous
 verrons cy apres. En somme nul n'a ia-
 mais sçeu que c'est que des esprits, ex-
 cepté ceux qui ont receu & entendu la
 saincte escriture. Or contre tous Phi-
 losophes & Payens, nous auons l'expe-
 rience; contre les Saduciens, & hereti-
 ques entre les Iuifs (comme diët Ter-
 tulien) nous auons les cinq liures de

s. Tho. lib.
3. cont. gēr.
cap. 107.
¶ 108. ¶
Aug. lib.
10. de ci-
uit. c. 11.

Tertul. de
prhscrip.
heretic.
Hellas in
Thisbi di
Etionum
Quarain.

Moÿse qu'ils reçoient seulement ; & pour les Catholiques & Chrestiens nous auons toute la saincte escripture tant celle du vieil que du nouueau testament. Sainct Thomas au liure troisieme, contre les Gentils dispute fort doctement contre toutes raisons des Philosophes, qui disoient que quand il aduient quelque chose prodigieuse, Il faut cela rapporter à l'influence des corps celestes qui peuuent plusieurs choses à nous ocultes, il est vray, dit-il, que nature peut beaucoup, Si est-ce pourtant qu'elle est limitée, & si fort que le plus souuēt elle ne produict qu'un seul effect, soit ou pour la propriété de la cause agente, ou bien pour l'imbecillité de la matiere, laquelle n'est susceptible que d'une chose, comme le Soleil ny tous les cieux ne sçauoient faire produire au sep de vigne autre chose que raisins, ny au pommier que pommes : Et pourtant il faut accorder qu'il y a plusieurs choses qui sont cōtre tout pouuoir de nature. Cōme que les oracles qui n'estoient que statues aient iadis parle & faict responce à ceux qui les interrogoiēt en leur declarant plu-

*S. Thom.
cont. gent.
lib. 3. cap.
104. 105.*

*Mercurius
Trimegiste
in Asclepio*

*Lactan. li.
inst. cap.
& aug.
lib. 10.
de ciuit. 16*

sieurs choses absentes, occultes, & futures. Que aucuns hommes ayent soudainement & sans aucun estude parlé Hebrieu, Grec, & Latin, Syrien, Chaldeen & tous autres langages, citans les sentences des poëtes & orateurs desquels ils n'auoient iamais eu cognoissance ny des lettres que les bœufs & asnes ayent parlé & autres semblables choses aduenues contre toute puissance naturelle, partie recitee par Lactance Firmien. Comme d'une vierge vestale laquelle estant soupçonnée d'impudicité en tesmoignage de sa chasteté. Il porta deuant tous les Romains vn crible tout plein d'eau. Et Claudia pour la mesme occasion traina vn gros nauire à contre fil de l'eau avec sa ceinture, Aëtius Næuius avec vn rasouer couppa vne pierre à esguiser. On a trouué par experience & de cela en est faict mention aux loix des douze tables, qu'une terre estoit transportée d'un lieu en autre. On void d'abondant que ceux qui font telles choses, ils vsent de certaines parolles, caracteres, prieres, prostrations & autres façons de faire qu'on ne peut presenter que follemēt & en vain

excepté aux substances qui ont entendement ou raison. De la, il conclud que tous ces prodiges faut qu'ils procedent des esprits, Il y a donc d'Esprits. Et s'il faut adiouster icy l'escriture / laquelle ils pourrôt receuoir comme vne autre histoire pour le moins) on ne sçauroit dire que le Soleil se soit arresté, & le ciel reculé du temps de Iosué & de Ezechiel par aucune vertu naturelle, car mesme l'Aristote dict que cela est impossible, mesmes à l'intelligence qui tourne le ciel, autant cōme il est impossible à l'ame de sortir hors du corps à sa volonté ou veut donner vie au corps pendant qu'elle y est, y ayant en cela vne necessité naturelle. Cela est donc aduenü par autre voye que du mouuemēt du Ciel. Et ainsi il faut accorder que plusieurs prodiges doiuent estre rap- portez non au mouuemēt du ciel, mais à d'autres causes qu'il faut inuestiguer. Vray est que Mercure Trimegiste a² 3. voulu bailler solution à l'argument des oracles. Disant qu'il est vray que Dieu a faict autant d'esprits qu'il y a, & que les hommes auoient fait les Dieux en dresseant les oracles mais que c'estoit

*Aristot. lib.
8. phis. &
lib. de celo
& mundo*

*vide Aug.
lib. 8. de
ciuit. cap.*

DISCOVRS

par certaine influence du ciel, car dit-il
telles statues peuuent estre si bien ac-
commodees à certains aspects du ciel
qu'elles pourront parler, deuiner, pre-
dire, faire venir maladies & les guerir
& en somme faire miracles. Mais en ce-
la il luy en a prins comme à Plutarque,
lequel voulant donner la raison pour-
quoy les oracles auoient cessé de faire
toutes ces choses (ne voulât recognoi-
stre l'aduenement de Iesus Christ, par
lequel il a entierement ruiné le regne
de Sathan) Il a faict vn liure expres de
leur taciturnité, Mais en fin il se treuue
court, car il ne ameine point aucune rai-
son laquelle ne puisse estre facilement
conuaincue d'insuffisance, autant tout
pareillement en est aduenü à Trimegi-
ste, quand il veut donner la cause de
leur babil, il s'intrique luy mesme, car
on luy pourra facilement demander,
Premierement pourquoy auourd'huy
les hommes nē peuuent ils faire de mes-
me par semblables obseruations du ciel
attendu qu'on est bien plus experimē-
té auourd'huy aux mouuemēs celestes
qu'on n'estoit iadis, puis qu'on trouue
que Ptolomee est corrigé d'erreur, &

*Plutarch,
lib. de ta-
cituris. orat*

Aristote encores dauantage par les recens Astrologiens? Puis comment vne cause peut estre moins excellente que son effect? Que si l'homme (comme il confesse) a faict tels oracles de son industrie: Il s'enfuiuroit par cela en bonne philosophie que a plus forte raison l'homme feroit toutes ces choses que si on allegue l'influence du ciel qui est concurrente, pourquoy telle influẽce ne pourra aussi bien tomber sur l'homme comme sur vne statue de bois? Et bien encores dauantage: car il est plus susceptible de raison, de parolle, & de toute autre action. Puis donc que iamais homme ne fust oracle, il faut conclurre que telle raison est du tout insuffisante, car il est assure que dez tout temps, il ya eu gens qui n'ont rien mieux pourchassẽ que de soy faire deifier, retenans en cela le venin du serpent qu'il getta contre nos premiers parens en disant, *Eritis sicut dii*, dont Gregoire Nazianzene en baille assez bon nombre d'exemples cõ me de Aristeus Empedotinius & Trophonius qui se cacherẽt dans terre pour estre estimez dieux. Empedocles aussi se ietta dans la montaigne Sulphurique

Genes. 3

*Greg. nazi
an. oratio-
ne prima.
& secunda
in Iulian.
Apost.*

DISCOVERS

de Sicile qui est tousiours plaine de feu
& Iulien l'Apostat pouffé de mesme cu-
pidité, dont il brusloit de desir, se vou-
lut getter dans vne grosse riuiera. Ari-
stote a voulu donner raison naturelle
de toutes choses mais en fin ne scachant
trouuer la cause suffisante du fluement
& refluemēt du canal de mer. Euripides
de dueil se precipita dedās cōme disant
puis que Aristote ne peut cōprēdre ce
fleuve, il fault que ce fleuve comprenne
Aristote (Ainsi qu'escript Sainct Au-
gustin martir) il a voulu donq de mes-
me dōner la raison naturelle des choses
admirables en l'hōme qu'on ne peult
rapporter à aucune cause naturelle fors
à Dieu ou aux esprits, & a dict que les
Sibylles & les excellens Empereurs &
les grāds Philosophes auoient vne hu-
meur melencolique par lequel ils disoi-
ent & faisoient choses admirables vou-
lant en cela preuenir comme il semble
l'argumēt, qu'on pourroit faire des de-
moniaques & possédez, qui est vne expe-
rience toute manifeste & inuincible à
tous Philosophes du monde, car il est
asseuré que deuāt Aristote, il y en auoit,
puis que Salomon a enseigné des exor-

*Iust. mart.
oratio. pa-
renetic. ad
gentes.*

*Arist. in
Problema.
sect. 30.*

*Tertul lib.
de testimo-
nio anima*

cifines pour chasser les diables des corps humains, tefmoin Iosephe & autres. Il rapporte doncques tout cela à la melancholie, Mais Aristote oferoit il bien cōfesser que ceste humeur crasseuse & corruptible, feust plus excellēte en l'homme que l'entendement & la raison? Il accorde qu'il ny a rien plus noble en l'homme que la raison, comme il est vray. Or si la raison par quelque moyen que ce soit ne peut descouvrir des choses qu'il n'a apprinses, ny faire parler la langue autre langage que celui qu'elle a de l'ongue main conceu en soy, ny deuiner choses absentes ou futures, ny alleguer ou interpreter sentences qu'elle n'ait apprinses. Comment cest humeur terrestre pourra il faire tout cela? Attendu mesmement que ce sont effects appartenans proprement à la raison? Et puis quand on demanderoit la cause pourquoy telle humeur peust atteindre, ce qui est fort esloigné de nous de lieu & temps plustost que la raison, on n'en scauroit donner aucune. Puis ce sont choses qui aduiennent aussi tost à ceux qui ont autre complexion que melencolique. Car il est vray semblable

*Ioseph. lib.
antiquit.*

DISCOVRS

- que le Corinthien fornicateur, qui fut possédé du diable n'estoit d'humeur melencolique, ains plus-tost homme plaissant & de bonne chere: & non sans cause si sainct Paul reprent les Corinthiens de ce qu'ils s'en rioient avec luy deuant qu'il feust possédé, qui est vne coniecture pour nous faire entendre
1. *Corin.* 5. qu'il estoit facecieux, cōme aussi estoient ordinairement tous les Epicuriens, qui souloient dire, *Comedamus & bibamus, cras enim moriemur, & post mortem nulla voluptas.* Toutesfois Alexādre & Hymenée qui estoient telz furent possédez. Ce seroit d'abondant chose ridicule de vouloir dire que quand les diables furent chassiez hors d'un corps humain, & entrerēt dans les porceaux, que telle melancolie de l'homme se feust trāsportee aux porceaux, resulte dōc que ces experiences susdictes sont suffisantes pour conuaincre tous Philosophes qu'il y a des esprits qui conuersent secrettement avec nous, & quelque fois se demonstrent visiblement: ce que Aristote ne scauroit nier de Socrates precepteur de Platon, auquel souuent s'apparoissoit à luy vn certain esprit, mesmes des son
1. *Corin.* 15.
- Marc.* 4.

enfance. Comme Tertulien l'a recueilly, lib. de *Anima* en ces paroles, *Socratem puerum adhuc Spiritus demoniacus inuenit.*

Tertul. lib.
de anima.

inuenit

Or il nous faut maintenant venir aux Saduciés desquelz il y en a encores au iourd'huy bñ nombre entre les Iuifs de Constantinople, & aussi au païs de Perse, presque tous les Iuifs en font. C'est chose admirable d'eux qu'ils ayent nié les esprits, attendu qu'aux cinq liures de Moÿse, qu'ils reçoÿuent seulemēt, il n'y a rien plus frequēt que celà, & plus souuent en est parlé qu'à tous les autres liures de la Saincte escripture. Nous dirons cy apres pourquoy Moÿse n'a faiēt aucune mention de leur creation ou de leur cheutte; tāt y a qu'au beau commencement du liure presque, il met en auāt vn serpēt qui parle & discourt avec toute prudence & finesse, & telle qu'il en a conuaincu l'entendement & fleschy la volōté de la femme & de l'hōme. Or il est beau à voir que ce n'estoit vne beste irraisonnable qui parloit de sa teste, car il n'y a rien plus eslongné des bestes que la raison & la parolle: & pource elles sont par les Orateurs appellées proprement *Animalia muta*, à cause que la

D. Gene-
brad. in
Cronolog.

Gen. 3.

DISCOURS

parolle c'est l'explicatiō de la raison interieure, & ne peut proceder d'ailleurs: Mais prenōs le cas qu'ils feussent si stolidés de dire qu'en ce temps là les bestes parloient, comme il semble que Plutarque ait voulu insinuer en son liure qu'il a intitulé, que les bestes ne sont point sans raison, & comme les lourdaux prennent les fables d'Esopé & autres, conduits peut estre de ceste raison de saint Basille, qui tient qu'au parauant la tentation, le serpēt auoit des piedz & marchoit sur ses piedz cōme les quadrupèdes, & qu'après qu'il luy feust dict, *Supra pectus tuum gradieris.* les piedz luy furent coupez, & à toute sa semence, à cause que telle malediction se rapporte à la posterité. Comme il est dit, *inter seminum tuum & semen illius.* Mais où trouuerons nous ie vous prie, que Dieu ait dit au serpent, tu ne parleras plus d'hors en la tu seras muet, & n'auras plus de raison ny de discours? Ce que toutesfois il eust dit à plus forte raison, car ce ne fut la forme externe du serpent qui trompa noz premiers parens: mais ce furent les raisons qu'il leur amena, & les promesses qu'il leur fit. Or de celà l'escripture n'en

S. Basil. in
Examer.
hom.

n'en dit vn seul mot, car aussi outre ce que ce seroit chose ridicule de l'estimer ainsi, aussi seroit ce chose repugnante à l'escripture: laquelle dit que Dieu a créé les animaux, mais apres il a formé le seul homme à son image & semblance, laquelle gist à ce seul poinct que d'auoir vne raison pour diriger foy & toute autre chose, comme Dieu cōduit tout par sa sapience & prouidence. Et c'est (comme a bien remarqué saint Augustin) ce qui est dit tout quant & quant apres: *Ut præsit piscibus maris & volatilibus cæli & vniuersis animantibus quæ mouentur super terram.* C'estoit donc necessairement vne substance intellectuelle qui faisoit parler la langue de ce serpent, ce n'estoit point homme ny femme, car il n'y en auoit encores d'autres que le seul Adam & Eue. Cōme dit le texte, *Erant autē ambo nudi.* Puis apres il est parlé d'un Cherubin qui fut cōstitué à garder l'huis de Paradis, de peur qu'homme n'y entraist plus pour mager du fruiet de vie, & tenoit vn glayue flamboyant pour intimider l'homme. Ce n'estoit vn homme comme nous venōs de dire, c'estoit dōc vn esprit. D'abondant il est si souuent

Aug. lib. 5.
de gen. ad
lit. 6. 12.

faict mention des Anges de Dieu qui se presentoient aux hommes, comme à Abraham, Loth, Iacob, & infinité d'autres, leurs predifans les choses que l'homme ne sçauroit cognoistre, cōme q̄ vne femme vieille & sterile cōceuroit, que Sodome & Gomorre seroient subuerties & autres semblables; cōme q̄ le peuple d'Israël feust conduit par vne nuee, & aussi par vne colomne de feu: on ne sçauroit autre chose respondre, sinon que c'estoiēt esprits enuoyez de Dieu. *Præcedet te* (dit Dieu à Moÿse) *Angelus meus*. Et Moÿse repliquoit, disant: *Nisi tu ipse præcedas nos*. Aussi il appert que telz esprits estoient messagers de Dieu. L'experience aussi des possédez est suffisant argumēt contre les Saduciens. Et c'est (cōme dit Iansenius) pourquoy Iesus Christ a voulu permettre de son temps que les diables enuahissent non seulement les hommes, mais aussi les porceaux, pour conuaincre (dit-il) d'erreur les Saduciens, lesquels faillloit cōduire par le chemin de telle pedagogie: sçachant bien Iesus Christ que l'homme qui croit qu'il y a des espritz il croit quant & quant qu'il y a vn autre mon-

Exo. 13.
23. 33

Iansen. lib
concord.
Euang.

de où ils habitent ordinairement: & de là il ne fait difficulté d'admettre l'immortalité de lame, ny la resurrección des corps. Au cōtraire qui ne croit qu'il y a des espritz il ne peult croire qu'il y ait vn autre monde, que l'ame soit immortelle, & que la resurrección soit chose possible mesmes à Dieu. & c'est pourquoy S. Luc recitant les erreurs principaulx des Saduciens il met ses trois poinctz ensemble.

Quant est des Chrestiens & Catholiques outre les liures sus-nōmez, ils ont sainct Estienne aux Actes des Apostres, & sainct Paul, Ad Gal. 3. qui tesmoignent que la loy a esté baillee à Moyse & au peuple pour leministère des Anges, que les bons Anges sont deputez de Dieu pour nous garder des inconueniens de ce monde, & infestations des malins esprits. *Psalms* 90. Mesmes qu'ils nous aydent & secourent iusques à batailler pour nous. Nul (disoit vn Ange à Daniel) ne m'a aydé pour ce peuple d'Israël, fors Michaël Prince de ce peuple. Et qu'ils soient en grand nombre, l'histoire d'Helizee le monstre assez, quand il fit voir toute la terre plaine d'anges à

Act. 23.

Theodoret.
lib. 5 in epi-
tom. diuin.
decret,

act. 6.

ad galat. 3.

psal. 90.

Daniel. 10

4. Reg. 6

DISCOVRS

son disciple, qui auoit peur de la grande armee des Syriens. *Plures* (dit-il) *nobiscū sunt quàm cum illis*. Autant en dit Iacob, se voyant enuironné d'une armee celeste, lors qu'il auoit belle peur de son frere Esaii. *Castra* (inquit) *Dei sunt hæc*. Leur estat aussi est de loier Dieu incessamment ainsi que le d'escriuent Esaie & Ezechiel: l'un partant des Seraphins & l'autre des Cherubins. Ce sera vn Archage qui sonnera de la trompette pour exciter les morts & tout quand & quād apres les Anges viendront en terre en grād nombre pour recueillir les esleuz de tous les quatre coings du monde & les assembler en vn lieu. Et quant est des malins esprits, il y a en l'histoire de Achab, qu'un esprit se presenta pour estre esprit de menfonge, c'est Sathan qui a instigué Dauid à denombre son peuple par orgueil & qui a faict tant de maux en Egypte cōme estant le bourreau de Dieu: *Immissiones* (dict Dauid) *Per angelos malos*. Dieu prohibe souuent en la loy de sacrifier aux diables, ce qu'il ne feroit s'il n'y auoit des diables, c'est Sathan qui a tant affligé Iob en sa personne, biens, enfans & seruiteurs, qui a

geneſ. 32

Eſaye. 6.
Ezech. 1.

ad theſſal.
4.

Marc. 13.

3. reg. 22.
2. paral. 18
2. reg. 24.

psal. 77.

Iob. 1. 2.

Math 4.

auſe tâter Ieſus Chriſt, ſoy voulant faire adorer à luy comme Dieu ; qui a eſté ſouuant expulſé des corps humains à ſon commandement & au commandement de ſes Apoſtres, & pour concluſion (car les lieux ſont infinis) il dira au dernier iour aux reprouuez *Ite maledicti in ignem æternum. Qui paratus eſt diabolo & angelis eius.* Eſtât donques aſſeurés qu'il y a des eſprits bons & mauuais tant par raiſons naturelles que par experience inuincibles & principalement par la ſaincte eſcripture il fault maintenant ſçauoir ſilz ont corps ou non.

CHAP. II.

Si les Eſprits ont corps.

CESTE queſtion eſt vne des plus difficilles qui ſoit tâten la Philoſophie que en la Theologie, apres la queſtion de la diuine nature, en premier lieu pource que de plus pres approchent les Eſprits de la nature de Dieu que toute autre creature ; & d'autât auſſi qu'il nous eſt impoſſible de les voir & comprendre ſi ce n'eſt par

DISCOVRS

les effects seulement, cōme on cognoist par la vestige du pied laissē sur le sablon qu'un homme y est passē, sans pouoir pourtant imaginer de la vertu, science, force, beauté, ou couleur d'iccluy. & c'est pourquoy tant de bons esprits s'y estant trauaillez presque tous y ont errē. Car si comme l'enseigne sainct Augustin, vne des choses plus difficiles du monde, c'est de cognoistre l'essence de l'ame, & l'Aristote le donne assez entendre en son premier liure de l'ame, où infinité d'opinions y sont recitees & toutes exorbitantes de la voye de verité: à plus forte raison cela est bien plus difficile des esprits. Attendu que des ames il ny a nul qui prenne tousiours & mesmes en donnent experience manifeste. Que me faiēt dire apres saint Thomas d'Aquin que Themistius Philosophe a plus lourdement failly en ce point que tous autres. Car il tenoit pour vray que non seulement en ceste vie mortelle nous pouuōs auoir entiere cognoissance des Anges: mais aussi que telle cognoissance estoit plus facile que toute autre, à l'occasion de leur fermeté & stabilité naturelle que faiēt qu'ils ne sont

Aug. lib. de
orig. ani-
mae

Arist lib. 1.
de anima

S. Thom.
lib. 3. con-
gent. cap.
4. excom-
mentatore
comment.
63. & lib.
3. de anima

muables comme toutes choses elementaires. A quoy s'oppose doctement S. Thomas, remonstrant que toute la cognoissance que peut auoir l'homme en ceste vie mortelle (car apres ceste vie il y en aura vne sans comparaison bien plus excellente par la contemplation de ce grand miroir qui comprend toutes choses) fault necessairement qu'elle procede des sens extérieurs: moyenant lesquels il conçoit vne espeece de ce qui c'est présenté aux sens, comme on peut voir d'un aueugle nay & sourd aussi, lequel n'a cognoissance de chose quelconque. Or puis que les espritz n'ont point de corps ilz ne scauroient estre veus des œilz, ny experimentés par aucuns des sens extérieurs, & de là vient qu'on ne peut faire aucune imaginatiō si ce n'est seulement par ce que nous en voyons par les effectz & mesmes S. Augustin confesse que c'est vne des plus difficiles questions du monde, n'ayāt honte d'vser de ces paroles *Fateor excedere vires intentionis meae.* & comme demonstre Aristote, cōme preuenant Themistiustelle obscurité ne vient de la part des espritz mais de l'imbecilité tāt de noz sēs

Aug. lib. 3.
de trinit.

cap. 1.

Arist. lib. 2.

metaph.

DISCOVRS

que de nostre entendement: lequel (cō-
me il dit) est sēblable à l'œil de la chou-
ette, Lequel ne peult voir la clarté du
Soleil, biē qu'elle soit la chose plus visi-
ble des autres, à cause de quoy tous ceux
qui se sont mis en deuoir pour donner
les moyens comment cela se pourroit
faire, ils ont esté semblables à ceux qui
ont voulu par demonstration mathe-
matique demonstrier *Quadraturam circu-
li*, car ny pouuant venir ils sont esté cō-
straincts de faire vne infinité de faulces
hypotheses & suppositions. A ce reng
sont les deux Philosophes Arabes. A-
ben Rois (que aucū appellent par cor-
ruption de langage Auerrois) & Aben
pacé qui sont bien au long & ample-
ment rembarrez par Sainct Thomas: &
pour venir à ceux qui ont plus aproché
de la verité, Aristote accorde & preuue
q̄ ce peu d'esprits dōt il a eu cognoissā-
ce, sont veritablement sans corps & su-
stances separées des elemens: car il voy-
oit bien qu'il fault que vne chose cor-
porelle soit proportionnee au corps
qu'elle veult mouuoir. Si dōc les intel-
ligences qui mouuent le ciel estoient
corporelles il faudroit que leur corps

s. Thom.
lib. 3. cont.
gent. cap.
41. 42. 45.

Arist. lib. 8.
physic. &
lib. 12.

feust faiçt à la proportion de la quātité des corps celestes & mesmes du plus hault qui est si grand qu'il comprend deffoubz luy tout le mōde & n'est point en aulcun lieu quant à sa superficie supreme. Or si les espritz estoient formés à telle grandeur ilz seroiēt merueilleusement monstreux & hideux à voir/ce qu'il ne fault estimer de ces substances que sont des autres les plus nobles & excellentes. Ilz mouuēt donq les cieulx comme faiçt l'ame raisonnable nostre corps:c'est par la seule volonté,à laquelle le corps ne peult resister quant au mouuement corporel,pourueu qu'il en soit disposé,*mouet voluntate non tactu*. Et ainsi c'est vn moyē tout admirable & à nous incomprehensible puis que tel moyen est spirituel & non pas corporel/il y a plusieurs autres raisons qu'on peult voir en Aristote, mais pource qu'elles sont prinſes de la Physique & on ne les ſçauroit entendre si on n'estoit verſé aux maximes de Philosophie,il se faut contenter de celle que nous venons d'amenner. Platō a Philosophé plus hautemēt ſil ſemble,mais non ſans erreur,car ayant leu la ſaincte eſcripture & prenant

DISCOVRS

les motz à la rigueur de la lettre, il a dict
 que les nobles espritz auoient vn corps
 fort subtil de feu ou d'air, ayant esgard
 à l'escripture qui les appelle faietz de
 vent ou de flamme de feu, les propofant
 auffi en leurs apparitions vestus de telle
 matiere comme quand il est parlé de
 l'ange qui conduisoit le peuple au de-
 fert il est dict que c'estoit comme vne
 colomme de feu, & de iour comme vne
 nuee auffi en la montaigne de Sinay on
 voioit des esclairs, des lampes & flam-
 beaux de feu ioinct que les deux cheru-
 bins du propitiatoire estoient comme
 iouuanceaux ayans des esles & le rauif-
 sement d'Helie au ciel feust fait par le
 moyen de cheuaux de feu. Mais Platon
 n'entendoit pas que c'est l'ordinaire de
 la saincte escripture de nous proposer
 les choses haultes par vne metaphore
 des plus basses que nous sont plus fami-
 lieres. en telle maniere tous les quatre
 clemens, les sept planettes, & mesme le
 ciel Empyré où sont les bien heureux
 avec Dieu, sont representés au propi-
 tiatoire par choses artificielles, les sept
 planettes par les sept lampes, entre les-
 quelles l'une estoit au milieu plus lui-

Psal. 103.

Exo. 13. 20.

1. par 18.

4. Reg. 2.

Exod. 25.

26.

sente & plus eminente que les autres, representant le soleil & ainsi des autres choses/comme aussi aux vestementz du grād prestre Aaron y estoit representé tout l'vniuers & mesmes la maiesté de Dieu, comme dict le saige *Sapientia.18. in veste Aaron erat descriptus orbis terrarū.* Les chausses delin representoient la terre: non seulement par ce que la terre produict le lin, mais aussi daultāt que c'est le moindre des estoiffes qui sont là descriptes, la ceinture large dōt le prestre estoit ceinēt represētoit la mer Occéane qui ceinēt toute la terre, la tunique de velours bleu avec les clochettes & pommes de grenade, l'air qui a telle couleur, les tonnerres & les foudres. Le roquet de toute varieté de precieuses couleurs qui estoit sur ses espaules, les cieux iusques au firmamēt où sont toutes les estoiles: les douze pierres precieuses qui y estoient inferées, les douze signes du Zodiaque: la mitre ou Thiare sur sa teste le ciel empiré, & la lame d'or où estoit insculpé le nō de Dieu ineffable qui estoit par dessus tout, represētoit la maiesté de Dieu, en telle maniere de faire Dieu nous est re presenté ayant

Sap. 18.

S. Thom. 1.

2. 4. art. ex

probatiss.

rabin. &

Clemens

Alexan. lib

5. Stromat.

S. Th

DISCOVRS

Cassian.
collatio. 10
Cap. 2. 3.

Psalm. 102.

des œilz, des oreilles, des mains: c'est à dire voyant ouyant & pouuant tout: ce que ignorans les Anthropomorphites soustenoiēt (en cela s'abusant avec Platon) que Dieu auoit vn corps: mais si cela estoit, ce seroit vn corps monstrueux, puis qu'il est par tout. Et si par mesme moyen il faudroit dire qu'il feust Aigneau, Lyon, Ours, & plusieurs aultres choses dont l'escripture vse par Metaphore. Ainsi donc quād les Anges sont descriptz ayant des esles estant vestus de vent ou de feu, cela ne nous peult signifier autre chose sinō qu'ilz sont fort prōpts, & agiles à exequuter le vouloir de Dieu comme l'explique le Psalmiste parlant des Anges & disant *Potentis robore seu Virtute ad audiendam Vocem sermonum eius*. Et mesmes les Ethniques ayant cela desrobé des antiquitez iudaiques (comme les appelle Iosephe) c'est à dire de la saincte escripture, ils descriuēt Mercure ayāt des esles: & aussi le vêt en façon d'un hōme qui a des esles pour la vifstesse & celerité qu'ils pensoient & voioient estre en ces choses: cōme aussi Homere descript tousiours Dieu qu'il appelle Iupiter, descendāt en terre cou-

uert d'une nuee ayant cela desrobé des liures de Moyse où Dieu est tousiours representé descendât en nuee *Exodi 33. Psal.*

Descendebat columna nubis ad ostiū tabernaculi. Et cōme disoit le Roy David *Descē-*

dit dominus & caligo sub p̄tibus eius. Le

Psal. 17. + pedibus

ventaussi à eux c'est vn hōme ayant des

ēsles, car il est escript *Qui ambulat super pennas ventorum.* Et pour mieux faire

entendre l'antiquité & maiesté de la

saincte escripture, & la source de l'opi-

*Clemens
Alexandr.
in Strom.*

nion de Platon laquelle les plus cele-

bres Philosophes & Theologiens ont

*Orig. con-
tra Celsum
Euseb.*

fuiuie en partie, cōme nous dirons tan-

*Tertul de
præscript
& in apo-
logetico.*

toſt: Il est icy neceſſaire de remarquer

*Chrysoſt.
hom. de a-
ſcenſion.
Helie.*

briefuement ce qu'ont amplement de-

monſtré noz anciens, ſingulierement

Clement. Alexandrin, Origene, Euse-

be, & Tertulien: c'est que tout ce que

iamais les poëtes & Philosophes grecs

ou latins dirent iamais de beau & de

bon ilz l'auroient desrobé de la façon

de faire du peuple d'Israël. Nous auons

sainct Chryſoſtome qui loüe l'inuen-

tion des poëtes quand ils deſcriuent le

Soleil eſtre porté dans vn chariot ar-

-dent par quatre cheuaux courās en po-

-ſte: ce n'eſt pas tout fable (diſt-il) ſi cela

DISCOVRS

est bien entēdu, car le soleil en grec est appelle Helios. Ayās donc treuue que Helie feust transporté au ciel dans vn chariot de feu par quatre cheuaux, De là ilz ont controuue d'en dire autant du

1. *paral.* 28. soleil estimans que l'escripture parlast par Metaphore voulant par Helie signifier Helion c'est à dire le soleil/&

abach. 3. aussi d'autāt *Primum Paralip.* 28. on trouue les cherubins comme estans à vne charette. Abacuc au 3. Chap. les appelle les cheuaux de Dieu quand il diēt *Qui ascendis super equos tuos.* Ainsivōloient dire les poētes que les cieulx estoient cōtournés & reuolus par les anges, tout ainsi comme fils estoient portés par cheuaux fort veloces pour aultant aussi que les Iuifs auoient dans leur temple

Numeri. 2. deux manieres d'oracles, l'un d'estoit vocal, & l'autre muet ou sans voix: le premier c'estoit quand Dieu parloit du milieu du tabernacle à Moÿse *Num.* 2. l'autre quāddes pierres precieuses del'Ephod du grād prestre sortoit vne certaine splendeur qui signifioit bon heur: de laquelle est parlé 1. *Regum.* Ainsi les gentils voulant en cela imiter les Iuifs ils ont eu deux manieres d'oracles, l'un

1. *Reg.* 3.

qui parloit & estoit appellé *oraculum Dodoneū*, l'autre qui ne parloit poinct & estoit appellé *oraculum Hammonium*: lequelmot d'oracle en hebreu ne signifie autre chose sinon vn locutoire, ou lieu où on donnoit des responce. Car il est appellé debir, en Grec peult estre appellé *λαλήειον*, en latin *loquutorium* comme a remarqué Sainct Hierosme, *Hieron sub finem lib. in epist. ad ephes.* & aussi cōme est escript en la loy qu'on presenteroit à Dieu en sacrifice des gasteaux, mais que nul sacrifice ne seroit sans sel (comme dict Pline des gentils) *Omnibus sacrificiis adhiberi solita molam salsam*. Et Ouide pareillement dict *Antè Deos homini quod cōciliare valeret Far erat, & puri lucida mica salis*. Voila doncques la coustume des gentils laquelle a suiue Platon plus excellemment & subtilement que les autres, dont il en a acquis le surnom de diuin cōme lon dict *Diuinus Plato*. Qui est cause que ne nous debuons esmerueiller si Platon a dict que les anges ont vn corps de feu ou d'air, puis que si clairement & si souuent l'escripture le reppete & pourroit bien estre aussi que il l'entēdoit au sens de l'escripture, c'est à dire par meta-

Ouidius in fastis lib. i

phore, pource qu'ils ne sont point pe-
 sans cōme les corps humains, qui endu-
 rent lassitude au mouuement: ains plus-
 tost ils sont semblables aux oyseaux, ou
 aux nuces de l'air, ou veritablement
 pource qu'ils se representent aux hom-
 mes en telle maniere: Car s'il a esté per-
 mis à Moysé de dire, que Dieu c'est vn
 feu, *Deus noster, inquit, ignis consumens est,*
 par ce qu'il s'est ainsi représenté à luy au
 buisson & à la mōtaigne: pourquoy ne
 fera-il permis à nous de dire, que les es-
 prits sont d'air, ou de feu, à cause qu'ils
 se demonstrent tousiours ayans prins vn
 corps de l'air, ou du feu? Et à ce sens faut
 prendre sainct Augustin, quand il sem-
 ble dire, que les esprits ont vn corps. Et
 aussi S. Bernard, c'est à dire lors qu'ils se
 veulent à nous représenter: Car autre-
 ment ils ne sçauroient, par ce qu'il n'y a
 point de proportion à nostre œil avec
 les substāces spirituelles. Ou bien veri-
 tablement aucuns ont ainsi parlé, vou-
 lans signifier que les esprits n'estoient
 pures qualitez, mais choses subsistantes
 d'ellesmesmes: cōtre l'erreur des Sadu-
 ciens, qui en disoient autant, reduisant
 toutes les apparitions recitées aux cinq

liures

Aug. lib 3.
 de Trinit.
 cap.

Bernard. in
 Cant. can-
 tic. & lib.
 de Cōfide-
 rat. ad eu-
 gen.

De fait icy de quelques mots en lignes on finit
 en cinq lires ainsi - redisant, toutes les apparitions - de Moysé
 de Moysé ad imagination - etc.

ginations, ou phantasies des hommes: ou au contraire les anges entendent, parlent, instruisent les hommes conduisent & gouuernent les prouinces & royaumes; & comme dict nostre Seigneur, ils voyent tousiours la face de Dieu le pere qui est au ciel. En ceste maniere faut entendre Tertulien quand il dict que Dieu a vn corps non qu'il soit materiel, mais vn corps veut dire, C'est vne chose qui est veritablemēt subsistāte s'accōmodāt à la petitesse de l'entendement des gens rudes & possible de certains Antropomorphites, qui (comme dict Cassianus) par grande simplese ignorance & rusticité ils ne pouuoient comprendre que aucune chose fust veritablement ayant vn estre subsistant si elle n'auoit vn corps, ne pouuant iuger plus loing, comme lon dict, que de leur nez. Toutesfois l'experience de l'ame seroit suffisante pour les faire penser plus haut, puis qu'elle faict ses discours mesmes quād le corps est opprimé d'un profond sommeil: attendu que Adam estant profondément endormy, il vid quand Dieu luy tira vne de ses costes pour en former la femme, & que l'ame

*Augustin.
Tertulianus lib. de
hæresibus
hæresi. 86.*

DISCOVRS

sort hors du corps à la mort laquelle toutesfois nul ne peut voir à cause que c'est vn esprit (comme disoit Iesus-

Mathei 26. Christ à telle heure, *Pater in manus tuas*
Ioan. 19. *commendo Spiritum meum & puis. Et incli-*

nato capite emisit Spiritum. Or qu'il faille prendre en bon sens telles phrases de parler il appert par ce que nous auons dict cy deuât qu'on ne peut faillir d'vfer des mots de l'escriture pourueu que tels mots soient prins au sens de l'escriture comme tresbien Iesus Christ le

monstre en saint Iean chap. 10. disputant contre les Pharisiens qui estoient trop chatouilleux des mots cōme sont plusieurs[#] capiteux d'aujourd'huy. Secōdement par ce qu'ilz estoient grāds personnages de grand sçauoir & n'est à ceste occasion vray semblable qu'ilz ayēt ignoré les textes du nouueau testamēt qui dient clairement qu'ilz n'ont point de corps. En troisieme lieu pour autāt que bien souuent ilz se sont expliquez

Athanasē eux mesmes: cōme entre les autres saint
lib. de cō- Athanasē lequel voulant bailler vne
muni essen diffinition des anges il dict tout court,
na patris *Angelus est animal rationale.* Mais pour ce
et filii. que ce mot (animal) signifie vne cho-

capiteux

se corporelle il a dict apres pour s'expliquer, *Est autem expers materie.* En quoy il semble y auoir contrarieté ? mais a voulu dire qu'on ne peut faillir d'ainfi les appeller apres la saincte escripture qui les appelle animaux en l'Exode & en Abacuc, *In medio duum animalium.* Au reste qu'il faut entendre cela par Metaphore & par consequēt qu'ilz sont sans corps; ainfi Didymus precepteur de saint Hierosme preuue qu'un ange ne peut estre qu'à vn lieu; & de peur que de là on n'estimast qu'il fust donc corporel, car c'est le propre d'un corps, d'estre environné d'un lieu, il adioute au mesme passage qu'il n'est toutesfois circūscript ou environné d'aucun lieu: s'expliquant & faisant entendre qu'il ne vouloit dire pourtant qu'il eust vn corps, autant en voyons nous en saint Hierosme qui dit avec saint Paul que les ames & les anges flechissent les genouils deuant Dieu: mais il ne faut entendre, dit-il, qu'ils ayent des membres comme nous. Or doncques deuant que venir en preuue de l'escripture il faut voir si l'opinion de ceux qui prennent à la rigueur les mots tant de l'escripture ^{que} des anciens

Abacuc 2.

Didymus
lib. 1. de
spiritu san
cto.

Hiero. lib.
1. commēt.
in epist. ad
ephef. ad
cap. 3.

D I S C O V R S

peres peut estre veritablement souste-
 nue. *sainct Thomas* preue bien que
S. Thomas non. Premièrement fils auoient vn
cont. gent. corps d'ær, comme disoit Apuleius ilz
vbi supra. ne feroient immortels ains tomberoiët
 en fin en pourriture comme nous, par
 ce que ce qu'est composé de telles qua-
 litez elementaires faut qu'il soit com-
 posé de choses contraires & par conse-
 quent qu'elles s'entrerüinent & de cela
 on n'en sçauroit donner aucune [#]recep-
 tion. En second lieu l'ær est vn corps
 qu'on appelle homogenée, c'est à dire,
 duquel toutes parties, voire les moin-
 dres, sont de mesme nature; comme tou-
 tes l'eau de la mer ou des riuieres: il
 faudroit donc dire que tout l'ær ne fust
 autre chose qu'une grãde substance an-
 gelique. En troisieme lieu les mem-
 bres d'une chose viuãte faut qu'ils soiët
 organisez, ce que ne peut estre de l'ær,
 & s'ilz estoient d'ær ilz pourroiet estre
 resoluz en eau, comme les nuées se-
 roient aussi humides & chaudes comme
 l'ær, & s'il estoiet de feu ilz brusleroiët.
 Estre d'ær pour autant qu'ils habitent
 pour la plus part en l'ær, pour ce *sainct*
Paul escriuoit à ceux d'Ephese qui e-

[#] exception.

estoient grands philosophes. Toutes ses
 absurditez monstrent assez qu'ilz sont
 dictz par aucuns doctes Philosophes
 & adonnez à la magie, comme remar- Hiero. in
epist. ad
ephe. in
prologo.
 que saint Hierosime, il leur faiet entē-
 dre que ce n'est point opinion contre-
 uenāte à la pieté chrestienne, ains qu'il
 faut tenir qu'il y en a grand nombre en
 la region de l'air contre lesquelz il faut
 batailler comme voulant insinuer qu'à
 ce sens ilz peuuent estre appelez aérées
 pourueu qu'on entende qu'ilz sont es- Ephes. 6.
 prits n'ayans ny chair ny os. *Non est no-*
bis, dict-il, colluctatio aduersus carnem &
sanguinem, sed aduersus principes & potesta- Ephes. 6.
tes aëris huius. Et d'abondant il les appel-
 le *Spiritualia nequitie in cœlestibus*. On psal. 8.
 peut bien dire (dict-il) qu'ilz sont aerees Luc. 8.
 ou celestes, mais il faut tousiours enten-
 dre qu'ilz sont esprits à ce sens les He-
 breux appellent les oyseaux animaux
 celestes, & les hommes sont appelez
 terrestres, non que les oyseaux ayent
 vn corps de l'air: car ilz sont esté faiets
 de l'eaue, ny que les hommes ayent vn
 corps de vraye terre: mais pour ce qu'ils
 habitent en ces dictes regions de l'air,
 & de la terre. Pour conclure ce qu'il en

DISCOVRS

faut tenir, il est de besoing d'ouir ce
 que enseigne la sainte escriture & pour
 l'ancien testament le Roy Daud les ap-
 pelle esprits quand il dict, *Qui facis an-*
gelos tuos spiritus. Comme s'il disoit vous
 auez ainsi ordonné seigneur, que ceux
 que nous appellons anges soiét esprits.
 Or il y a antithese entre vn corps &
 vn esprit si bien que la consequence est
 tousiours necessaire negatiuemment de
 l'un à l'autre: tellement que si vne chose
 est corps il s'ensuiura quand & quand
 qu'elle n'est point esprit, & au contraire
 si elle est esprit elle n'est point corps,
 qui est la consequence laquelle faisoit
 Iesus Christ à ses Apostres quand ilz
 estimoient qu'il fust vn esprit apres sa
 resurrection touchez dit-il, & regardez
 que ie suis (avec mon vray corps ressu-
 scité) car vn esprit n'a ny chair ny os
 comme vous voyez que i'ay & quant
 il ny auroit autre texte il seroit suffisant
 pour prouuer qu'un esprit n'a point de
 corps, & de peur que nous n'entrions
 en opinion avec certains Stoiques d'une
 diuersité d'espece qui soit aux anges
 tellement que les vns ayent vn corps
 les autres non, saint Paul nous en bail-

psal. 103.

Luc. 24.

le vne maxime generale que n'a point d'exception quand il prononce ceste sentence disant: *Omnes sunt administrato-rii spiritus;* & ailleurs il dit que entre les creatures de Dieu il y en a d'aucunes qui sont visibles, les autres qui sont invisibles, comme sont throsnes, dominations principautez & puissances, à quoy nous pouuons adioindre ce que nous auons cy dessus allegué de l'epistte aux Ephesiens, où il faict vne antithese de ce qui est chair & sang avec ce qui est vn esprit. Et quant aux diables ilz sont aussi appelez esprits: mais à la difference des bons, il y a tousiours quelque restriction, comme en l'histoire de Achab, l'vn d'eux parle en ceste maniere, *Ero spiritus mendax in ore prophetarum,* & aussi souuent Iesus Christ les appelle esprits immundes ou anges du diable, comme sainct Paul anges de Sathan, ce qu'il faut entendre d'imitation, non de creation: Mais (dit on) ilz portent vn corps, & tant veritablement que Abraham leur l'aua les pieds, ils prindrent Loth par la main & le ietterent hors avec violence de bras; & Iacob lui cta toute vne matinée

Hebre. 1.
Colloss. 4.

3. Reg. 22.

Matth. 12.
2. Cor. 12.

Tertul. de
carne chri
sti.

DISCOVRS

avec eux. Il est vray qu'ils apportent vn corps autrement ils ne pourroient estre veuz, car ils sont (cōme dit saint Paul) inuisibles, ce pendant il ne faut pourtant nier la saincte escriture laquelle nous enseigne clairement qu'ils n'ont point de corps. Pourquoy il faut dire avec Tertulien, *Habere corpora, sed peregrina, non sua.* Ce sont corps, dit-il, empruntez & non pas de leur propre nature. Nous voyons qu'un esprit s'apparut à la premiere femme ayant forme de serpent; toutesfois il n'y eust iamaïs homme si hebeté qu'il ait escrit que le corps des anges soit vn corps de serpent, il faut donc bien dire qu'il auoit forme d'ailleurs & de l'un des quatre elements, non de feu: car il brusleroit, ny de l'eauë, car cela se diffoudroit apres en eauë, ny de terre: car telle terre apres demeureroit solide & la pourroit ou voir; il faut donc que ce soit de l'air, tant pour ce qu'ils habitent en haut, (les bons esprits au ciel, les mauuais en l'air) que aussi à cause que tel element reçoit facilement toutes couleurs & formes, comme on void en l'arc au ciel diuersité de couleurs, & aux

tertu^{l.}. lib.
de carne
christi.

nuees par fois de formes de Dragon, serpent & autres semblables choses. Ioint que telles especes se resoluent au lieu d'où elles ont esté prinſes, dit Tertulien. *Eadem ratione Species illa intercepta est qua & edita fuerat: si non fuit initium* Tert. lib. de carne christi.
visibile nec finis. Ce que nous voyons en la columbe qui descendist du ciel sur Iesus Christ, elle auoit esté formée en l'ær & non pas en terre. Car il est dit, Matth. 3.
Descendit spiritus sanctus corporali specie sicut columba in ipsum. Autant en est il dit des langues de feu & du vent qui entrèrent au Cenacle le iour de Pentecoste, Aetor. 3.
Factus est repete de coelo sonus tanquam aduenientis spiritus vehementis. Ces especes donc venoient d'en haut, & aussi la nuee par où Dieu le pere parla à la trāfiguration, elle estoit en haut, & disparut aussi en haut, avec Moyse qui auoit aussi vn tel corps d'ær, & disparut avec la nuee: car ayās leué leurs œils en haut, ils ne veirent rien plus que le seul Iesus Christ, quand pareillement vn ange s'apparust à Manuel pere de Samson, il monta au ciel tout ensemble avec la fumee du feu, ayant encores ce corps visible: mais peu à peu ils le perdirent de

DISCOVRS

veüe, ce corps se dissoluant peu à peu en sa premiere matiere, autant est il dit de l'ange qui auoit accompagné Thobie, il est tēps, dit-il, de m'en retourner à celui qui m'a enuoyé, & soudainement s'esuanouyt d'eux. Aucuns aleguēt l'experience, & tresbien disans que si on veut coupper tels corps, il aduient tout de mesme comme au rayon du soleil lequel se reunist soudainement sans y laisser aucune vestige de telle abscision, chose qui est fort propre à l'element de l'ær, fort conuenable pour conuaincre d'erreur Psellus, lequel au septiesme chapitre de son liure, tient qu'ils ont vn corps naturel, & toutesfois au vingt & troisieme, il accorde que tel corps estât balafre, à l'instant il se reioint comme font les parcelles de l'ær, il deuoit donc cōsiderer que c'estoit vn corps prins de l'ær, & non pas propre aux anges. Car quant à la raison qu'il amene que s'ils n'auoient vn corps, ils ne pourroient estre tourmētez au feu. Il est asseuré que par diuine puissance cela peut estre fait, & qu'un corps touche & opere à l'endroit d'un esprit, & au contraire ce que aucun Chrestien ne peut nier estre fait

*Psellus lib.
de energia
dæmonum
.c.7. & 23.*

par diuine puissance au sacrement de baptême, ou l'eauë comme estant instrument de la diuine bonté, vient à lauer & nettoyer realement & veritablement l'ame qui est vn esprit. & quant aux œuures de nature, on void assez par experience que les imaginations, qui sont choses corporelles, apportēt grande tristesse à l'ame, voire iusques à la mort comme mesme Iesus Christ le disoit. Outre que par telle raison il faudroit aussi dire que les ames des reprouuez estant parties hors de ce monde ne sont enuoyces au feu d'enfer: car elles n'ont point de corps, qui seroit tomber en l'heresie de ceux qui disoient que les ames dormoient iusques au iour du iugement qui est chose manifestement contreuenante à la sainte escriture, laquelle nous enseigne d'une part, que les ames des gens de bien s'en retournent à Dieu qui les a creez pour estre là en repos entre ses mains, & sous sa protectiō ainsi comme le disoit Iesus Christ, *Eccl. 12. Sapientia. 3.* & apres luy saint Estienne! *Domine suscipe spiritum meum,* & saint Paul souhaitoit la mort non pour autre occasiō, que *Luc 23 Act. 7. Philip. 3.* pour estre avec Iesus, *Cupio, inquit, dissol-* *Apoca. 14.*

DISCOVRS

Luc. 16.
Math. 3.

Iud. in Ca-
nonic.

ui & esse cum Christo, aussi saint Iean l'a confirmé en l'Apocalypse disant, les ames d'hors en là se reposent de leurs labeurs, à cause que leurs bonnes œuures les ensuiuent, & le mourir (disoit saint Paul) me sera vn lucre, d'autre part elle enseigne au contraire que les ames des reprouuez sont cruciées au feu d'enfer, comme il appert par l'euangile du mauuais riche, & pour ce que saint Iean Baptiste disoit aux Pharisiens que desia la coignée estoit appliquee à la racine de leur arbre, & qu'apres tel arbre qui n'auroit porté bon fruiet, seroit iccté dans le feu. Or saint Iude dit cela estre desia aduenü aux Sodomites, Choré aussi Dathan & Abyron & leurs complices descendirent tous viuans en enfer. Quant à la question qu'on faict comment peuuent ils former tels corps à leur volonté. Saint Augustin respond que les esprits peuuent par vne certaine agilité & puissance naturelle, faire tout ce qui ce peut faire par nature: car ils ont cognoissance, non seulement des effets de nature: mais aussi des causes par la grande subtilité d'esprit qu'ils ont, moyennant laquelle ils les appli-

quent si bien que ce que nature faiēt
suceſſiuemēt & tout à loisir ils le font
à vn moment. Or on void en l'ar di-
uerſes couleurs & figures pour certai-
nes cauſes:& en eſté l'on void ſouuent
que auec la pluye tombent des crapaux
& grenouilles par certaine corruption
d'ar ſ'engendrēt des papillons, chenil-
les & autres vermines, le tout par ope-
ration ſuceſſiue de nature, les eſprits
doncques en peuuent tout autant fai-
re en faiſant venir & vnir les cauſes, leſ-
quelles neceſſairement enſuiuent les
effets, ainſi liſons nous que le diable au
commencement print vne forme de
ſerpēt: ce qu'on ne peut nier. & les ma-
giciens de Pharaon par le moyen de
Sathan faiſoient venir deuant le peu-
ple des ſerpens & des grenouilles. au-
tant leur eſt il poſſible de former toute
autre figure & meſmes d'homme, com-
me il eſt tout manifeſte par les appari-
tions recitées ſingulierement au liure
du Geneſe. Il faut donc neceſſairemēt
conclurre qu'il repugne tant aux rai-
ſons de nature que à l'autorité de la
ſaincte eſcriture, que les eſprits ayent
des corps & qu'il faut accorder qu'ils

DISCOVRS

font incorporels & inuisibles : mais il
reste à sçauoir quand est-ce qu'ils ont
esté créez , puis que Moyse n'en faict
point de mention & aussi d'où est venu
qu'il y a vne difference entre les esprits
que les vns soient bons, les autres mau-
uais.

*De la creation , bonté ou malice des
AnGES.*

CHAPITRE III.

*Athanasie.
q . i. ad
Antroc.
princip.*

SAINCT Athanasie voulant
donner vne entiere resolutiō
des esprits au prince Antio-
chus, pour la premiere question qu'il
faict, il demande à sçauoir si les anges
ont esté créez, ou non, attendu que
Moyse n'en faict aucune mention au
premier chapitre du Genese; où tou-
tesfois il fait estat de magnifier la puis-
sance & bonté de Dieu, par l'œuure de
la creation & à bon droict & iuste cau-
se, il commence par là ses questions.
Car vn des plus grands arguments que
puissent produire les Saduciēs & athei-
stes, c'est que Moyse parlant de toutes

les creatures de Dieu & mesmes des
cieux, il n'a fait aucune mention des
anges à cause dequoy nos anciens sy
sont exercez en mettant peine d'en
donner suffisante resolution. Comme *Chrisosto.*
sainct Chrisostome, sainct Athanase, *home. 2.*
Theodore & autres. Sainct Chrisosto- *in gen.*
me singulierement en deux passaiges *& hom.*
s'arreste à cecy. Je sçay bien (dit-il) par- *de ieiunio*
lant au peuple, que vous estes coustu- *& gen.*
miers à demander. Pourquoi n'est-il *lect.*
dit, *In principio creauit Deus angelos &*
archangelos, aussi bien comme il est es-
crit, *In principio creauit Deus cœlum &*
terram: attendu que les anges & archa-
ges sont sans comparaison, plus nobles
que le ciel ny la terre, Il faut sçauoir
(dit-il) que la saincte escriture, ce n'est
autre chose sinon vne lettre missiue
laquelle Dieu nous enuoye de sa part
par ses ministres: & non moins que,
quand nous lisons que Helye fust en- *2. paral. 21.*
uoyé de l'autre monde portât vne let-
tre missiue au Roy d'Israël de la part de
Dieu, où il fust corrigé de ses fautes &
instruit de la volonté de Dieu. Or quād
vn grand seigneur escrit lettres missi-
ues, il s'accommode à la qualité & ca-

pacité du personnage auquel il adresse ses lettres, autrement il faiët escrire à vn prince, autrement à vn Philosophe d'une autre façon, à sa femme, & d'autre maniere à ses enfans qui sont à l'es-

Exode **I.** **chöle.** Donc la premiere lettre missiue que Dieu par sa bonté a mandé aux hōmes a esté le Pentateuque de Moyse lequel il a adressé au peuple d'Israël. Ce peuple d'Israël auquel s'adressoit icelle lettre, c'estoit vn peuple fort rude & ignorant à cause qu'il venoit de sortir
 freschement de la dure seruitude d'Egypte, où ils auoient esté par l'espace de quatre cens ans cruellement opprimez, estant contraints trestous de vacquer à œuures mechaniques, comme à amasser de la paille, de l'argille, & porter la hofte sur leurs espaules pour faire cuire des tuilles, puis les porter aux lieux où l'on bastissoit les villes & pyramides d'Egypte: sans auoir presque loisir de respirer, ny recognoistre Dieu seulement vn iour: comme on peut aisémēt voir par le discours fait au commencement de l'Exode, tellemēt qu'on peut proprement appliquer à tout ce peuple ce qui est particulierement dit
 de

de Ioseph, *Diuertit ab oneribus dorsum eius, manuseius in cophino seruierunt*, *Psal. 80.* qui fust cause qu'ils estoient gens sans lettres. aussi c'est le propre d'un Tyran, comme *Arist. polit. lib. 5.* permettre que ses subiets vacquét aux lettres; ce que Iulien l'Apostat a voulu pratiquer à l'endroit des chrestiens, Ils *Socrates lib. 3. 10.* estoient donc trestous ignorans, fors Moyse, qui fust priuilegié à cause qu'il estoit nourry au Palais du Roy, estant adopté par la fille de Pharaon, ce que remarque saint Estienne disant, *Erat Act. 6. Moyses doctus in omni scientia Egyptiorum:* il estoit docte en l'Astrologie, Geometrie, & Mathematique: mais le reste du peuple estoit ignorant & ne pouuoient imaginer aucune chose, excepté ce qu'ils pouuoient voir de leurs œils, comme c'est l'ordinaire des gens rudes & illiterés qui ne peuuent esleuer leurs esprits plus haut que de la terre, ils ont de coustume de se mocquer des Philosophes qui disputent de la magnitude du soleil & de la hauteur du ciel & rotondité de la mer & de la terre, & c'est pourquoy Moyse dit à Dieu en ce sens, *Exode 3.*
helas seigneur, ie m'asseure qu'il ne

DISCOVRS

voudront rien croire de tout ce que ie leur diray, car quand ie leur parleray de vous seigneur, de quel propos pourray-ie vser pour signifier vostre maiesté attendu leur grossiereté d'esprit, Dieu luy respondit, tu te cōtenteras de luy dire que celuy qui est, t'a parlé, ne voulant qu'il leur parlaist plus haut que du seul estre qui est la chose plus basse qui soit & que conuient à la moindre creature du monde, combien que les mots entendus par nature & non par participation facent vn sens bien haut; toutesfois il n'a vſé de telle distinction s'accommodant à eux & c'est le propos qu'en tiēt sainct Didymus, remonstrāt que selon la diuersité du temps & des personnes les prophetes & autres estoient venus diuersement au nom de Dieu les vns avec le nom du tout puissant, autres avec le nom de celuy qui est tout plein de bonté, autres avec le nom de rigueur implacable, & ainsi (dit il) Moysē a esté mandé au peuple rude avec ce nom de celuy qui est, ne leur voulant exiger pour lors autre chose, sinon qu'ils sceussent que le Dieu de leurs peres estoit & n'estoit point com-

*Dydimus
lib. 2. de
spiritu san-
cto.*

me les dieux faux d'Egypte, qui n'estoient point en verité & n'auoient le seul estre, qui est le moins de ce qu'on peut auoir. En ceste maniere quād Iesus Christ s'adresse aux sept eglises d'Asie, il met diuers noms de sa maiesté au commencement de ses lettres, iouxte la diuersité des personnes. En ceste maniere aussi saint Paul preschant à Athenes entre les philosophes, il n'a voulu aucunement toucher la Trinité des personnes, soy contentant seulement de leur dire qu'il y a vn Dieu createur du ciel & de la terre, *Deus inquit, qui fecit* Apoc. 2. 3.
mundum & omnia quæ in eo sunt, cæli & terræ dominus, non in manu factis templis habitat. Et sainct Pierre aussi pour son premier sermon fait aux Iuifs, il ne leur dict que Iesus Christ fust vray Dieu: mais s'accommodant à eux, il se contente de leur faire croire que Iesus Christ fust homme pur & innocent enuoyé de Dieu; *Iesum, inquit, Nazare-* Act. 17.
num virum approbatum à deo signis & virtutibus: mais apres il leur parle bien autrement quand ils ont esté capables d'une plus haute pedagogie, ainsi Dieu a déclaré par succession de tēps à ce peu-

ple qu'il y auoit des anges & qu'ils auoient esté créez de luy, comme nous verrons tantost, & plus expressement encores au nouveau testament où les hommes ont esté plus instruits aux secrets de Dieu. Voila quant à la raison de saint Chrisostome qui est fort peremptoire. Saint Athanase en donne vne autre, disant que ce peuple estoit fort prompt à croire pluralité de dieux: ayant cela tiré des Egyptiens par vne longitude de temps, qui engendre volontiers vne habitude & coustume, laquelle en fin se change presque en nature: & c'est le propos qu'ils tenoiēt au desert, disans au nombre pluriel, *Hi sunt dii tui Israël qui te eduxerunt de terra Egypti.* Et pour ceste occasion Dieu s'est arresté d'auantaige à expliquer le premier commandement de la loy, qui dit, *Dominus deus tuus deus vnus est*, qu'à tous les autres: le peuple estant plus enclin à ceste pluralité de dieux, & mesmes ayāt freschement forgé & adoré le veau. Ce que doiuent remarquer ceux qui, quād il est dit apres, tu ne te feras aucune semblance des choses qui sont au ciel ou à la terre, ou à la mer, pensant que

*Athanasie.
41. ad Ant.
prin.*

*Exode. 32
Deut. 6.*

Exod. 20.

ce soit le second commandement & demandent pourquoy les curez ne le prononcent ils au profne; ne voyans que ce que faict le curé, ce n'est qu'un petit sommaire des commandemens de Dieu & que ce dont ils se querellent ce n'est commandement: mais vne plus ample explication du premier commandement, contre lequel ce peuple auoit de longue main & tout freschement plus offencé. Pource dit fort bien saint Athanase qu'il n'estoit besoin de leur parler des anges: car ils les eussent quāt & quant estimez estre dieux. Ce qu'ot faict Carpocrates, Basilides & autres disciples de Simon Magus, ainsi que ont laissé par escrit saint Hirenée & Tertulien. Nous pouuons adiouster vne troisieme raison qui est tirée des plus recens Theologiens: & c'est que la fin & le but de la loy c'estoit Iesus christ qui deuoit prendre la chair d'Adam & non la nature des anges, ainsi qu'est escrit par saint Paul, *Finis legis christus: & nusquā angelos apprehendit, sed semen Abrahamæ apprehendit.* N'estant doncques Iesus Christ redempteur des esprits, comme il deuoit estre des hommes, à bon droit

*Sap. lib. 1.
Tertul. de
praescrip.
haeret.*

*Iacob. christopolita-
nus. episco.
in psal. 81.*

*Rom. 1. 10.
Hebreo. 2.*

DISCOVRS

Moyse a passé sous silence les anges s'arrestant aux creatures visibles, sur lesquelles l'homme auoit domination, pour conclurre en fin que le seul homme a esté en ce priuilegié d'estre faict à l'image & semblance de Dieu, pour estre en fin deifié & faict consort de la diuine nature par Iesus Christ. Enquoy il veut adresser & conduire l'homme à recognoistre la grace de Dieu enuers luy, puis qu'il a eu plus de souuenance de luy, que mesmes des anges, lesquels à bon droit on pourroit passer sous silence, si on a esgard à la nature humaine tant honorée par le verbe diuin, si bien qu'à ceste heure & à iamais, celuy qui est le vray Dieu & de tous adoré, c'est vn homme comme nous, autant veritablement homme comme ie suis homme, & autant veritablement homme, comme il est veritablement Dieu. Et c'est ce que veut cōclurre saint Paul, parlant des anges, contre les Iuifs desquels ils faisoient grand cas, *Nusquam* (dit-il) *angelos apprehendit sed semen Abrahae*, & par mesme moyen nous voyons qu'il n'est iamais parlé à l'ancien testament du peché de Lucifer & ses com-

plices, sinon indirectement & en passant seulement, pour faire comparaison des hommes orgueilleux à luy, comme en Esaye 14. cap. où est parlé de Nabuchodonosor Roy de Babylone, & en Ezechiel 18. où est fait discours du Roy de Thir, tous deux merueilleusement hautains & orgueilleux contre Dieu. Ce sont (dit l'écriture) d'autres Lucifers : mais de propos deliberé, il n'en est faite aucune mention; seulement, cela est mis en auant, *Per accidens*, comme l'on dit. Car Iesus Christ n'a point racheté les malins esprits: comme il a racheté les hommes, ains il prononce clairement que le feu d'enfer est préparé, *Diabolo & angelis eius*, pour toute eternité. Toutesfois combien que Moyse n'en eust parlé clairement, il les a assez insinuez tacitement, quand il dict, de tous les sept iours, qu'ils ont esté reuolus, le ciel faisant son cours & causant la nuit & le iour, le soir & le matin; ce qui ne se fait point sans le ministere des anges, & d'abondant quand il a conclu, *Igitur perfecti sunt cœli & terra, & omnis ornatus eorum*. Or par l'ornement parfait du ciel, il faut en-

Esaie. 14.

Ezechiel

28.

Math. 25.

Gene. 1.

Genese. 2.

- tendre les anges. Car le plus beau ornement qui soit au ciel, c'est le mouuement, sans lequel (comme mesmes a cogneu Aristote) le ciel ne pourroit donner aucune influence en terre:& est insinué par sainct Iean quand il dit,
- Apoc. 10.* *Iurauit per viuentem in secula, quod non erit amplius tempus.* Et c'est comme si on disoit, voyla vn homme parfait, il faudroit entendre qu'il eust vne ame & que son corps fust disposé au mouuement naturel à l'homme & pource
- Chrisosto. hom. 10. in gen.* saint Chrisostome par cest ornement moneste qu'il ne faut entendre seulement la clarté ou les estoiles: mais aussi plusieurs autres choses hautes & basses, mais d'autant que telles loquutions sont fort obscures, Sainct Athanase, Theodoret, & sainct Chrisostome demandent s'il est point parlé claiement en
- Theodoret in epitom. diuin. decret. lib. 5.* l'escriture que les anges soiét esté créez de Dieu, & respondent tous que ouy. Premièrement le Roy Dauid a fait vn Pseaume exprés de la creation du monde, où il parle de toutes creatures generalement spirituelles, raisonnables, sensibles, terrestres, aquatiques &
- Psal. 103.* aérées qui est le Psalme 103. où il com-

mence à parler de la maieſté de Dieu en ceste maniere, *Confessionem (ſiue maieſtatem) & decorem induiſti, amictus lumine ſicut veſtimēto*. Apres il parle quād & quād des cieux diſant qui les a eſtendus ſur nous, Comme vne peau ou pauiſſon: & ſoudainement, il faiſt mention des anges diſant, *Qui facis angelos tuos ſpiritus*. Il faiſoit, (dit-il) ſes anges eſprits, ſur quoy eſt bon de noter pour mieux entendre ce lieu & autres de la bible que les Hebreux n'ont que trois tēps en leurs verbes, le preterit, le preſent & le futur & n'ont point comme les Grecs, & Latins, preterit imparfait ou plus que parfait à cauſe de quoy le preſent des Hebreux peut ſelon la cōmodité de la ſentence eſtre traduit au preterit imparfait: comme auſſi le preterit parfait, au plus que parfait; en ceste maniere font en ce paſſaige les Hebreux, comme qui diroit en Latin, *Qui faciebas angelos tuos ſpiritus*, c'eſt à dire, au temps de la creation, ſeigneur, vous veniez à faire & creer des eſprits pour eſtre vos meſſagers & miniſtres, & ainſi Dauid par ce lieu, non ſeulement il enſeigne que Dieu a creé

DISCOVRS

les anges : mais aussi contre l'opinion des Grecs & quelques Latins que les anges furent créez lors que Dieu crea le ciel & la terre & non point, comme on veut dire, plusieurs millenaires d'as deuant, car non sans cause apres auoir fait mention de l'essence de Dieu, il

Hieron. in epistolam ad Titum
8. *Thom. I.*
p. q. 61. ap.
3.
psalm. 148

met les cieux, tout quāt & quāt apres: & consequēment les anges, puis les autres creatures: Le mesme fait-il au Psalme 148. où il inuite toutes creatures à louer leur createur: il n'oublie point les an-

ges, ains les met au premier rang, disant, *Laudate eum omnes angeli eius, laudate eum omnes Virtutes eius*, & puis il cōclud que Dieu les a faits & créez avec toutes autres creatures par ces parolles. *Quoniam ipse dixit & facta sunt, ipse mandauit & creata sunt*. Le mesme ordre presque est gardé par les trois iouuenceaux esprouuez à la fournaise de Babilone, ils protestent en premier lieu de vouloir inuiter toutes les œuures de Dieu à benir leur createur, puis les voulans particulariser, ils amènent les anges, comme les plus excellentes creatures chan-

Daniel. 3. tans harmonieusement & disant, *Benedicite omnia opera domini domino, cantate*

& *super exaltate eum in secula. Benedicite angeli domini, domino, Benedicite cœli domino*, où est à remarquer, pour ne sembler enfreindre l'argument mis en auãcy dessus cõtre ceux qui ont estimé que la creation des anges eust long temps deuant precedé celle du ciel, que en ce lieu & certains autres, le ciel est mis apres les anges, & c'est pour demonstrier l'excellence des anges par dessus toutes autres creatures : mais de donner raison, pourquoy les cieux ont esté preferez aux anges, on n'en sçauoir donner facilement & liberallement autre raison. Sainct Iean Chrysostome dit que sainct Iean a fait mention de la creatiõ des anges, quand il a dit, *Omnia per ipsum facta sunt, & sine ipso factum est nihil*. Et saint Paul a par maniere de dire commenté ceste sentẽce de saint Iean, comme ayant esté rauy au ciel apres luy, quãd il a escrit à ceux de Collosse. *Quoniam in ipso cõdita sunt vniuersa in cœlis & in terra visibilia, & inuisibilia, sue throni, sue dominationes, sine principatus, sue potestates, omnia per ipsum & in ipso creata sunt*. Ce qu'estant hors de doute contre tous Manicheẽs, Marcionistes, & autres

Chrysosto.
 hom. de iei-
 iunio Ge-
 nesi lecti.
 Ioan. 1.

Colloss. 1.

DISCOVRS

disciples de Simon Magus, il faut par
mesme moyen conclurre que Dieu a
créé tous les anges; non mauuais : mais
bons; voire parfaits en toute bonté, de
nature & de grace: car tout ce que Dieu
a fait, il la trouué & approuué estre fort
bon, comme dit Moyse, qui donnant
aussi la raison au peuple, sur la fin de ses
Genese. 2. liures, *Dei* (dit-il) *perfecta sunt opera*, &
Deut. 32. depuis le sage nous fait sages, que Dieu
Sap. 11. a fait toutes choses en nombre poix &
mesure, & où l'on ne sçauoit trouuer la
Ioan. 8. moindre discorde ou macule : nous as-
Aug. lib. 11. seurâtaussi Iesus Christ que le diable n'a
de ciuit. voulu persister en verité, c'est à dire en
cap. 15. toute intégrité, cōme il auoit esté créé,
& d'auantaige qu'il auoit esté au ciel:
Iud. in ca- mais qu'il en estoit descheu comme vn
non. 2. pe- foudre. Saint Pierre & saint Iude d'a-
tri. 2. bondât donnēt la raison de telle cheu-
te; pour autant (disent ils) qu'ils ont cō-
mis peché contre Dieu, & tel qu'estant
enueloppé de malice & obstination il
a esté irremissible & indigne de pardon.
En ce mesme sens est dit en Iob 4 c. *In*
Iob. 4. *angelis suis repperit prauitatem*. Outre que
Matth. 25. quand il n'auroit autre texte à ce pro-
pos hors mis celuy qui est en saint Ma-

thieu, où Iesus Christ predit qu'il en-
 uoyera le diable & ses anges au feu eter-
 nel ce seroit argument assez suffisant
 (comme conclud fort bien Theodoret)
 pour faire à croire qu'il a esté créé avec
 bonté & perfection : mais que de son
 gré & expresse malice il a choisi le mal
 pour se rebeller cōtre Dieu, *Non est enim* Theodoret
 (dit il) *iusti dei propriū eū punire qui neces- lib. episo.*
tate malus sit. C'est certainement contre *diuino. de-*
 la nature bonté & iustice de Dieu le- *cret.*
 quel ne damne personne si par sa mali-
 ce il n'a deseruy telle peine, à bon droit
 doncques Porphyre philosophe est par
 saint Augustin redargué, par ce qu'il
 disoit y auoir vne certaine maniere
 d'esprits qui estoient naturellement
 mauuais & trompeurs, Non (dit-il) ce *Augu. lib.*
 n'est point par nature : mais par leur *14. de ciui.*
 propre volonté. Il reste donc à sçauoir *cap. 3.*
 de qu'elle espece de peché ils ont esté
 trouuez coupables, saint Augustin
 nous en resoult, puis qu'il est ainsi (dit-
 il) qu'ils sont esprits, il ne faut penser
 qu'ils soient fornicateurs, yurognes, ou
 adonnez à quelque autre genre de vi-
 ces qui procedent de la chair, mais il
 faut considerer qu'il y a deux manieres

D I S C O V R S

de pechez qui sont appelez spirituels,
 pour autāt qu'ils sont propres aux sub-
 stances spirituelles & tels sont orgueil
 & enuie. Sainct Augustin n'a dit cecy
 de sa teste, ains a eu esgard à l'escriture
 laquelle specifiant les pechez propres
 à Sathan fait mention de ceux cy com-
 me Esaye & Ezechiel voulās exagerer
 la grande outrecuidance & orgueil des
 Roys de Babylone & de Thire ils font
 vne comparaison d'eux avec Lucifer,
 comme aussi fist nostre seigneur voyāt
 que les Apostres s'enorgueillissoient
 de ce que à leur parolle & commande-
 mēt les diables s'enfuiſſoyent; ne vous
 esiouissez pas dit-il, pour cela, car i'ay
 veu Sathan tomber du ciel comme vn
 foudre, insinuant par ses paroles, que
 la cheute du diable auoit esté l'orgueil
 & apres luy, sainct Paul exhortant les
 Euesques à toute humilité, que l'Euef-
 que (disoit-il) ne s'esleue point en or-
 gucil de peur qu'il ne tombe en mes-
 me condamnation avec le diable, &
 quant est de l'enuie, il est escrit, *Inui-*
diā diaboli mors intrauit in orbem terrarum,
 Vray est que cela se rapporte à l'hu-
 main lignage; qui est pour nous don-

Job 40. a.

*Augu. lib.
de ciuit. 15.*

*Esaye 14.
Ezech. 28.*

Iuc. 10.

*1. Thim. 3.
cap. 2.*

ner entendre que le diable n'est tombé en enuie iusques apres la creation de l'hōme; & que l'orgueil a esté son propre peché au ciel. Or soit qu'il se soit tant prisé pour les dons de nature qu'il se aduisoit d'auoir, qu'il eust estimé pouuoir estre beatifié & fait cōsort de la diuine nature (qui est monter au pl⁹ haut degré qu'il est possible à la substance intellectuelle) par ses propres moyens & forces naturelles (comme le semble insinuer Es²ye, Ezechiel) ou bien qu'il n'eust voulu recognoistre pour chef le mediateur des hommes & des anges Iesus Christ, qui leur estoit par reuelation diuine proposé, comme il fist apres à Adam & à tous les peres de l'ancien testament, certain est que par grād orgueil il a rebellé à Dieu resistant à sa volonté, si bien qu'il y a eu bataille au ciel (en la maniere que les esprits ont de coustume de batailler en resistant à force de volonté l'un contre l'autre) si bien que les bons anges n'ōt voulu ad'herer à sa pernicieuse entreprinse, ains luy ont résisté de toutes leurs forces; accomplissant ce qu'est es- Psal. 102.
crit d'eux, *Benedicite dominum omnes an-*

DISCOVERS

*geli eius potentes Virtute qui facitis Verbum
eius ad audiendam Vocem sermonum eius.*

Ainsi par orgueil les mauuais esprits
ont esté deboutez du haut ciel, ou au
contraire les bons esprits ont esté bea-
tifiez par la communication de la face
& vision de Dieu, ce que aussi a donné
entédre Iesus Christ quād par orgueil
ses Apostres luy demandoient lequel
d'être eux seroit le plus grād au roya-
me des cieux & il print par la main vn
petit enfant (leur disant) si vous ne dō-
nez ordre d'estre comme ce petit en-
fant, vous n'y entrerez point & gardez
vous d'escandalizer les petits enfans,
car leurs anges voyent tousiours la face
de mon pere qui est és cieux, voulant
dire que les enfans à cause de leur hu-
milité naturelle il sont en cela sembla-
bles aux anges, lesquels par ce moyen
ils ont eu la vision de la face de Dieu.
Or depuis ce tēps là, il y a eu tousiours
bataille & contrarieté de volonté en-
tre les bons & mauuais esprits : comme
il est tousiours adueni entre les bons
& mauuais hōmes, Abel & Cayn, Isaac
& Ismaël, Iacob & Esau; & c'est ce que
propose saint Iean en son Apocalipse,
que

que vne grande bataille a esté donnée
au ciel entre Michel & ses anges, & le *Apoc. 12.*
Dragon avec ses anges aussi, comme *Iud. in*
aussi sainct Iude nous propose le mes- *canonic.*
me Michaël disputant & altercât con-
tre Sathan. Estant dōc mauuais & hors
de la grace de Dieu, il ne peut que vou-
loir faire mal, ce qu'il ne peut executer
contre les bien heureux & saincts de
Paradis; pour autant il a conuerti sa ra-
ge contre l'homme qui est fait à l'ima-
ge de Dieu & constitué icy bas en terre
pour l'adorer & recognoistre & seruir
de tout son cœur, aux fins que par tels
moyens il soit en fin participant de la
gloire & felicité diuine de laquelle il
en a esté priué (comme nous auons dict)
par son orgueil, &c'est ce qu'il nous faut
considerer au chapitre ensuiuant.

E

DISCOVRS

Des moyens qu'ont les malins esprits pour
Venir vers nous, en quelle region du mon-
de ils resident, comment ils sont liez, &
de leur façons de faire pour tempter les
hommes.



CHAPITRE. IIIL.

Du lieu où
residēt les
malins es-
prits.



R quand est des moyens qu'il ^{Satan}
a pour ce faire, l'escriture nous
enseigne que en tōbant du ciel
lesvns demourerēt en la moyēne regio
de l'ær qui est tenebreuse, pour autant
que les rayons du Soleil passent tout
outre sans rencontrer aucun corps soli-
de par le moyen duquel ils puissent fai-
re aucune reuerberation sans laquelle
ils ne luisent pointxōme on void dans
vne caue où l'ō n'apperçoit clarté quel-
conque excepté au lieu où le rayon
s'arreste, & quand nous n'aurions autre
preuue que la reigle generale de saint

Hier. lib. 3.
in epist. ad
epheſios. ad
cap. 6.

Hierosme elle nous deuroit suffire at-
tendu qu'il dit ces propres mots: *Omniū
doctorum opinio est quod ær iste qui cælum
& terram medius diuidens, inane appellatur,
plenus sit contrariis fortitudinibus.* Puis

doncques que iamais aucun docteur de
l'eglise n'en doubta, voire les premiers
& plus anciẽs, il faut bien estimer qu'ils
en auoient bon tesmoignage par l'escri-
ture, ils consideroient donc que nostre
seigneur en la parabolle de la semence, *Luc. 8.*
par les oyseaux du ciel qui mangeoient
le grain auoit entendu, & ensemble in-
terpreté, les diables; qu'il appelle oy-
seaux du ciel, c'est à dire de l'ær, selon la
phrase vsitée aux Hebreux, & à nous
aussi, qui auons coustume de dire que la
pluye viẽt du ciel, c'est à dire de l'ær: car
comme a bien remarqué saint Hiero-
me tous les Philosophes sont d'accord
que les nuées d'où procede l'eau de la
pluye ne sont point esleuées sur la terre *Hiero. vbi*
plus que de deux mille pas pour le plus, *supra.*
où il y a vne distance sans comparaison
biẽ plus grãde, du ciel à la terre, auquel *Ephes. 6.*
sens S. Paul a escrit aux Ephesiẽs q̃ no-
stre combat ne gist point cõtre les hõmes
principalement, mais cõtre les princes
de ce mōde qui sont esprits mauuais ha-
bitãs la haut aux parties celestes; & cõ-
me il explique toutes ses authoritez &
autres semblables au secõd chapitre de
la mesme epistre, par ces parties celestes

- il faut entendre l'ær, *Secundum seculum mundi huius* (dit-il) *Secundum principem nonic. vid. potestatis æris huius, spiritus qui nunc operatur in filios diffidentia* (autant en dit saint Iude en sa canonique) remonstrât que tels mauuais esprits sont constituez en l'ær caligineux pour estre reseruez au iour du grand iugement pour entendre ces parolles, allez vous en au feu eternel, qui est preparé au diable & à ses anges: voyci ses parolles, *Angelos qui non seruauerunt suum principatum, sed deliquerunt suum domicilium, in iudicium magni diei vinculis æternis sub caligine reseruauit.* A quoy se peut aussi rapporter ce qui est escrit en saint Luc, où est recité que les diables prioient Iesus Christ de ne les enuoyer point aux abismes (d'enfer) mais plustost aux porceaux: & ils se plaignoient par mesme raison, disans à nostre seigneur, *Vt quid venisti ante tempus torquere nos?* Comme s'ils disoient, nous sommes to⁹ asseurez de nostre totale damnation: mais le temps n'est encore venu: car cela sera executé entierement au dernier iour du grand iugement, il n'est encores venu; laissez nous donc encores en ces quartiers
- Iud. in ca-
nonic. vid.
2. petr. 2.
- Luc. 8.
- Maith. 8.

iufques en ce temps là de meſme peut eſtre entendu, ce qui eſt dit en l'Apocalipſe, *Veh terra & mari: quia descendit diabolus ad vos habens irā magnā,* & apres au meſme liure eſt dit que c'eſt aduerſaire a eſté mādē en l'eſtāg de ſoulphre & de feu. De reſouldre quelle differēce il y a entre les diables qui ſont deſia aux enfers à ceux qui ſont encores en l'ær, biē que à cela S. Hieroſme n'a voulu mettre la main pource q̄ce euſt eſté vn peu hors propos, & ſi il craignoit (comme il ſ'en excuſe) d'eſtre trop ennuyeux, pour ſ'arreſter par trop ſur vn paſſaige, ſi eſt-ce que nous en parlerons tantost à cauſe que le ſubiect le requiert, tant y a que c'eſt choſe aſſeurée qu'il y a vn grand nombre de malins eſprits qui habitent en la region de l'ær tenebreuſe & deſcendent cy bas quand Dieu le permet, Dieu l'ayant ainſi permis par ſa prouidēce. Premieremēt pour ſe ſeruir d'eux qui ſont ſes creatures: mais à vils offices, cōme vn Roy & la iuſtice ciuile ont de couſtume condamner certains mal-faſteurs non à la mort, mais à offices qui ne leur apportēt aucun profit, ains peine & trauail ſeulement, pour le bien tou-

Apoc. 12.

Hiero. lib.
3. commēt.
in epiſt. ad
epheſ.

DISCOVRS

tesfois du public, ainsi iadis aucuns estoient condânez à vne isle ou aux montagnes pour y couper les môtaignes de marbre au profit du prince estâs nonobstât tousiours enchainez de chaines de fer au pied & ayans bônes gardes: côme l'ô fait encores de ceux qui sôt aux gales. Secondement pour nostre exercice: & côme l'applique saint Bernard apres saint Hierosme, les Hiebusiens^{es} Philistins & autres peuples barbares qui furent delaissez par diuine permission aux limites de la terre de promission pour seruir d'exercice au peuple d'Israël, lequel sans cela eust facilement recalcitré contre Dieu, estoient vne figure des malins esprits lesquels Iesus Christ deuoit delaisser apres sa mort & passion en l'air pour nous exercer en bien: comme le sablon infructueux & sterile sert de nettoyer & clarifier les vaisseaux d'or & d'argêt qui sont soigneusement gardez en la grâde maison d'un pere de famille: ainsi a esté exercé Iob; en sôme tous gés de bien, iusques à saint Paul qui dit auoir enduré des soufflets de Sathâ, mais aussi il cõclud en l'epistre cy dessus alleguée où il fait mêtion de ce propos, que

Bernard.

Hiero. loco

citato &

Aug^a. cõ-

tra faust.

manich.

Iob. 1.

2. corinth.

12.

nostre redēpteur nous a voulu premièrement par le merite de sa precieuse mort & passiō armer trestous de cap en pied: cōme vrais champiōs de Dieu. Le glaiue (dict-il) est la parolle de Dieu; le heaume c'est l'esperāce; le halecret, c'est charité; & le bouclier, c'est la foy: cōme ^{1. Petr. 5.} aussi disoit saint Pierre, *Cui resistite fortes in fide*, en somme moyennant ces armures le diable ne peut rien, voire du tout riē sur nous, cōme le mōstre saint ^{Augu. lib. de nar. & gratia cap. 58.} Augustin, en premier lieu pource qu'il s'enfuit tout quant & quant de nous, si nous vsons de nos armes: comme dict saint Iacques, qu'il s'enfuit soudainement qu'on luy resiste, *Resistite* (dit-il) ^{1ob. 4.} *diabolo & fugiet à vobis*. En second lieu pource qu'il ne gaigne iamais aucū, excepté seulement ceux qui ne veulēt resister, brief cōme l'on dit, *Non vincet nisi volentem*. Estans aussi cōstituez en ceste maniere aupres de no^r, ils ont vne bride, la diuine prouidēce, laquelle soit par le ministration des bons anges, ou autrement cōme bon luy semble, cohibe tellement leur rage & malice qu'ils ne puissent faire tout ce [†] que seroit bien, mesmes en [†] *qu'ils feroient* leur puissance naturelle. & faut que

DISCOVRS

deuant qu'ils facent quelque chose, ils
Tertul. lib. de fuga. in persecut. en demandent congé à Dieu, comme
 estant ses esclaves: Ainsi voyons nous
Iob. 1. Sathan auoir demâdé cōgé à Dieu d'af-
 fliger Iob en sa personne & en ses biēs;
 & les diables, dont est faiète mention
 en l'euangile, n'auoiēt entrer aux por-
Matth. 8. ceaux sans auoir eu de cela congé parti-
 culier de Iesus Christ (comme le mon-
 stre bien amplement Tertulien,) & de
 telle bride parle sainct Paul, quand il
I. corint. 10 dit, *Fidelis deus qui non patietur vos tentari
 supra id quod potestis.* Il permet plusieurs
 choses à Sathan: mais tellement de me-
 sure que la tētation qu'il nous veut in-
 férer ne soit point par dessus nos forces,
 pource il ne faut disputer: pourquoy
 Dieu afflige plustost vn que autre, & en
 tant de façons diuerses: car il cognoist
 bien qu'un ieune adolescent cōme Da-
 uid a biē la hardiesse & le pouuoir d'en-
 trer au combat contre le Geāt Goliath,
 ou les pl⁹ forts & robustes d'Israël (mes-
 mes selon l'opinion du monde) y fuf-
 sent facilement succombez. Ce pendāt
 le diable en nous exerceāt en telle ma-
 niere par la malice qu'il a cōtre Dieu &
 l'enuie qu'il nous porte, il ne faiēt que

s'acquiescer tousiours nouvelle peine: si
 bien que les malins esprits qui offence-
 rent d'auantage apres leur creation, cō-
 me leur malice, orgueil & ingratitude
 & estoit plus grande & furent enuoyez
 aux infinies abismes d'enfer, ils ont des-
 ia toute leur peine qu'ils pourrōt auoir;
 mais ceux qui ont esté delaissez en l'air
 ayāt moins offensé, ils s'acquiescēt tous
 les iours nouvelle dānation, non quāt
 à la priuation de la vision de Dieu qui
 est cōmune à tous? mais quāt à la peine
 du feu, & c'est ce q̄ les docteurs du tēps
 de S. Hierosme souloient dire que, si vn
 chrestien resiste aux tentatiōs du diable,
 il fait nō seulemēt chose qu'est à sō pro-
 fit particulier: mais aussi il fait du biē au
 diable à son ennemy, quād par ce moyē
 le diable ne acquiert vn tormēt si grād
 cōme s'il auoit vaincu le chrestien: car il
 en seroit puny cōme ayāt esté occasion
 de tel peché & à ces mesmes fins voyōs
 nous que les diables craignoient d'estre
 enuoyez aux abismes, par ce q̄ fort lōg
 tēps ils auoiēt tourmētē corporellemēt
 vn poure luif. Ceste prouidēce de Dieu
 fait encores par mesme occasiō que s'ils
 ne sont enuoyez aux plus bas enfers, au

*Hiero. lib.
 I. commēt.
 in Matth.
 ad cap. 5.*

*Luc 8.
 de quel
 lien ils sont
 liez.*

DISCOVRS

moins ils sont liez en quelque quartier du monde, qui n'est autre chose à dire sinon que Dieu les condamne à ne bouger d'un certain lieu déterminé, sans pouuoir operer aucunement ailleurs, qui est vn des plus grâds tourmēs qu'ils puissent auoir, par ce qu'ils sont esprits & de nature genereuse, complantez & créez avec toute liberté pour operer promptement en tous lieux où leur volonté se plaist; & à cause de ce sont appellez par Tertulien, *Quodammodo volucres*, ayants vne agilité bien plus excellentē que tous oiseaux; & s'il faut ainsi dire par telle allegation, ils sont mis cōme dans vne caige ne pouuans voler ny çà, ny là, pour faire aucune chose à leur volonté, estans detenus par force & cōtrainte tremblans & violentés au commandement de Dieu, & ainsi doit estre entendu le passage du liure de Thobie, où est dict que Raphaël a prins le diable Asmodeus (qui signifie en Hebreu exterminateur) & la banny & lié au desert de la supericure Egypte, & aussi tant de passages qu'il y a en l'Apocalipse, où est souuent repeté que Sathā seroit lié puis qu'il seroit deslié, qui n'est autre chose

Tertul. lib.
de ani-
ma c. de
Somniis.

Tobie 8.

Apoc. 20.

à dire sinon toute puissance & exercice
 luy estre ostée par diuine puissance & a-
 pres luy estre restituée, il sera deslié aux *Apoca. 16.*
 derniers iours, quand il luy sera permis *2. ad*
 d'exécuter toute sa rage sur les gens de *Tessalo. 2.*
 bien par le ministere de l'antechrist ius-
 ques à faire des miracles: cōme faire des-
 cendre visiblement le feu du ciel & autres
 choses semblables descrites au long par
 S. Iean en l'Apocalipse. Et quant à tous *Apoca. 20.*
 ses effets il en est maintenāt lié, biē que
 naturellemēt il le puisse faire aussi bien
 maintenāt qu'il le fist du tēps de Iob & le
 fera au tēps de l'antechrist; aussi il a esté
 lié parla mort & passiō de Iesus Christ à
 ne pouuoir pl⁹ parler sensiblement aux
 hōmes par les oracles cōme on peut voir
 en l'Apocalipse, & l'expérience l'ēseigne: *S. Tho. in*
 mais sur la fin du mōde il sera tellemēt *quest de*
 delié qu'il parlera familièremēt aux per- *potent. q.*
 sōnes & paroistra à eux en forme visible. *6. art. 5. &*
 Tous ces discours sont sincopez en vn *Augu. lib.*
 mot par S. Thomas quād il dit, *Dæmones* *20. de ci-*
dicūtur ligari quando impediuntur agere quæ *uit. cap. 8.*
naturaliter possunt. & solui, quando permittū- *vid. locū.*
tur. Aiāt dōcques telle permission, cōme *de leurs*
 il est serpēt & caut en ses entreprin- *moyens*
 ses, pour nous *pour nous*
 il vse de plusieurs & diuers moyēs pour *tromper.*

gagner les hōmes lesquels nous pour-
 rōs entēdre tant par les deux apparitiōs
 visibles couchées en l'escriture, l'vne à
 l'ancien, l'autre au nouueau testamēt: qui
 nous doiuent suffire, comme par l'ex-
 periēce qu'en a prins vn bon & fort an-
 ciē pere Anthonius Monachus, duquel
 l'histoire a esté escrite au long par saint
 Athanase: car il semble à voir par le dis-
 cours qu'il en fait, que ce bon persona-
 ge soit esté esleu de Dieu, expressement
 pour endurer sensiblement (& qui plus
 est) visiblement, les assauts de Sathan:
 comme vn autre Iob les endura seule-
 ment sensiblement, & pour autant de
 luy deuons apprēdre les façons de fai-
 re de Sathan, & les moyens pour nous
 garder de ses embusches. Quant à la
 premiere apparition visible de Sathan,
 qui est descrite en Genese 3. chap. il ap-
 pert par icelle qu'il peut prendre vn
 corps visible pour se faire veoir aux hō-
 mes non pas toutesfois qu'il soit en son
 pouuoir de la prendre à sa volonté (car
 il y auroit desordre, *Representaret enim se*
uxori tanquam maritus, seruo tanquam do-
minus, religioso tanquam prelatus, penitenti
tanquam confessarius: & sic nullus esset se-

Athan. in
vit. Anth.

Genese. 3.

Chrisosto.
hom. 4. de
LaZaro.

curus & tentaremur supra id quod possemus.

I. Corint. 10. & esset contra prouidentiam dei:

Angu. lib.

en cela estant cohibé & empesché par la

2. de gene.

toute puissance de Dieu: comme saint

ad lit. S.

Augustin l'enseigne & saint Thomas

Thom. 2.

apres luy: mais quelquefois Dieu la

2. q. 165.

ainsi permis d'une part pour couaincre

art. 2. ad

nostre entendement à croire qu'il y a

2.

des malins esprits qui ne s'estudient ia-

mais à autre chose qu'à no^r perdre d'au-

tre costé pour nous faire cognoistre à

l'œil combien est ord & sale cest esprit

immunde depuis le temps qu'il s'est es-

longné de son Dieu & armé contre luy,

puis qu'il se fait voir le plus souuent en

une forme si hideuse que d'un serpent

ou autre beste brute & à ces fins il nous

est proposé au beau commencement de

la bible: cōme un vilain coleure, pour

la seconde raison: & pour la premiere

au beau commencement de l'euangile

presché par Iesus Christ: cōme un per-

sonnage qui a beau babil: mais duquel

la fin n'est autre que de nous faire preci-

piter & rompre le col. Et pource qu'il

est ainsi cauteleux il a de coustume de

s'accommoder aux gens en cela faisant

le singe de Dieu, qui s'est tousiours vou-

- lu demettre à nostre imperfection; & pratique le dire de S. Paul, *Omnia omnib^o fact^o sum ut omnes lucrifacerē*, si biē qu'à vne pauvre femmelette qui n'a point beaucoup de cognoissāce fors de sa sensualité, cōmencera à detracter de Dieu, & reuoker en doute s'il est de luy tout ce qu'ō en dict: puis comme il cognoist que ce sexe est fort amateur d'honneur & de grandeur il permet cela, puis qu'il luy reuiēt, pour la troisiēme, il permet aussi des voluptez charnelles cōme de manger & de boire, voire les viandes q̄ peuent plus attirer les personnes, toutes lesquelles choses on peut aisēment obseruer aux traits dōt il a vŕe à la premiere fēme qui iouē le personnage de toutes les autres qui mettent Dieu en oubly, estāt chose asseurée que s'il se fust adressé à Adā il eust vŕe d'autres moyēs
- Genese. 2.* biē plus couverts q̄ de ceux là & pource S. Paul rapporte la victoire à vne simplicité feminine, quād il conclud, *Ne sicut serpens seduxit Euā ita seducantur sensus vestri à simplicitate quæ est in Christo Iesu.*
- 1 cor. 11.* Au reste quād il a voulu tromper Iesus Christ il y procede bien tout autrement: car sans detracter aucunement de Dieu, (car vn homme rassis d'entendement &

de foy abhorre telle chose & estouppe
soudainemēt ses oreilles) il cōmēce par-
ce qu'il n'a nulle apparence de mal, ains
plustost semble auoir esté vſité par les
ſaincts perſonnages; cōme ayāt Moyſe
par ſa priere chāgé le ſang du fleue en
eauē, & le rocher auſſi, cōme il eſt eſcrit
Qui conuertit petrā in ſtagna aquarū, à cauſe
que le peuple eſtoit en grande neceſſité
de boire; ainſi il taſche à perſuader à Ie-
ſus Chriſt de chāger les pierres en pain,
à ſçauoir au grand beſoin de manger &
eſtant à vn deſert, auſſi bien que Moyſe.
Puis pour la ſecōde fois ſçachāt que Ie-
ſus Chriſt eſtoit verſé aux ſainctes eſcri-
tures & à icelles il ſe plaiſoit le plus, il
luy ameine des paſſages de la ſaincte eſ-
criture. Et comme il ne peut rien faire
par cela il luy propoſe d'eſtre monarque
du monde: car la ſcience enſle les per-
ſonnes qui n'ont charité, & leur fait à
croire qu'il ſont ſuffiſant de gouuer-
ner tout vn monde voire mieux que
tous autres. Somme il eſt tout ſem-
blable aux Crocodrilles d'Egypte: les-
quels ſ'apperceuans de quelque hom-
me qui approche du Nil pourſuiuant
ſon chemin il commencēt à contrefai-
re l'homme & à pleurer cōme ſ'il auoiet

Psal. 113.

Matth. 4.

grand besoing de secours, & le pauvre homme approchant à la bonne foy est
Athan. in soudainemēt deuoré. Ainsi recite saint
vita Ant. Athanase, q̄ vn iour il se dueilloit fort
aupres de la cellule de ce bon pere Antho-
Sathan nius: & cōme il demanda qui c'estoit
il respondit, se voyant descouuert, qu'il
auoit bien grande occasion de se plain-
dre, car tout le mōde le chargeoit d'estre
cause de tous les forfaits du monde, cō-
bien qu'il en fust innocent. Parfois aussi
il chantoit des psalmes se voulant accō-
moder à luy: mais il bouchoit pour lors
ses oreilles ne voulant escouter le chāt
de Sathā, & pratiquoit ce qui est escrit,
Ego autē tanquā surdus non audiebā, autre-
fois il se presentoit avec grāde splēdeur
foy transformant en ange de lumiere:
mais il fermoit les yeux, ne voulāt voir
la clarté de Sathā: & quād il voyoit qu'il
ne pouuoit le gaigner par tō^s ces beaux
moyēs, car il auoit obtenu par frequētes
prieres, larmes & ieusnes, le don qui est
appellé par S. Paul (*Discretio spirituum*) il
venoit avec grād bruit pour l'espouuā-
ter: maintenāt dit-il en guise d'vn Dra-
gon, tantost en guise d'vne autre beste
effroyable, par fois se presentoit à luy
cōme vn hōme ayāt enorme grandeur

*Die q̄s est le psalmiste
Sathan.*

Psalm. 37.

1. Corint.

12.

plus que celle d'un geant, si bien que la teste touchoit le ciel. Combien que les pieds fussent en terre, quelque fois aussi il faisoit un grand tumulte, comme si la cellule eust esté environnée de cheuaux, chariots & gens armez, mais pour lors s'estant à Dieu reCOMMANDÉ il se mocquoit de luy par-ce qu'il est escript

Psal. 19.

Hi in curribus & hi in equis nos autem in nomine domini nostri inuocabimus, Il n'oublioit aussi de mettre des lingots d'or par où il deuoit passer pour le tenter d'auarice, lesquels au signe de la croix dict saint Athanasé s'esuanouissent en fumée, & d'auantage il se presentoit aussi à luy en forme de femme pour le faire tomber en forme de peché de la chair, & quand par tous ces moiens il

** en enorme peché*

ne le pouuoit gagner, en fin il l'exhortoit de veiller long temps la nuit en prieres, vacquer à ieufnes, & tous autres exercices spirituels, ou bien pour

Vide Aug. lib. 2. de ciuit. c. 26.

le degouter de toutes ces choses comme estant suadé par l'ennemy de nature, ou aux moins aux fins qu'il semblast faire quelque chose pour luy, mais ce saint personnage qui pouuoit bien dire avec saint Pol, *Non ignoramus astutias*

2. Cor. 2.

DISCOVRS

eius) Ne laissoit de continuer ces sainctes
exercices, ains il augmentoit d'auanta-
ge sa deuotion; non pour ce que le dia-
ble l'auoit dit, mais pour ce que Iesus-
Christ nous la enseigné tant de faiēt que
de paroles; sçachāt bien que tout ce que
le diable faiēt & diēt le tout n'est qu'à
mauuaise fin: & pour ce d'autant plus
qu'il confessoit à haute voix que Iesus-
Christ estoit filz de Dieu, il luy impo-
soit silence le dernier moyen duquel il
souloit vser, c'estoit d'incrépation d'au-
sterité, en luy remonstrant que c'estoit
vne vie fort rude barbare & onereuse
& que c'estoit destruire la creature de
Dieu non pas l'ëtretenir en son seruice;
& que pourueu qu'ō n'excedat aux viā-
des cen'estoit peché que d'vser des crea-
tures de Dieu avec actiō de graces: fina-
lemēt aussi il le menaçoit de le biē bat-
tre & de le faire mourir en luy rompant
le col; Mais à cela il auoit sa respōce tou-
te preste, que s'il n'auoit peu aucunemēt
nuire à la moindre brebiette de Iob ny
aussi aux porceaux immondes, q̄ moins
pourroit il faire dōmage à l'hōme qui
est peculièrement soubs la protectiō de
Dieu, & duquel tous les cheueux sont

Luc. 4.

*Par le langage d'hermes
et d'hermes*

Iob 1.

Math. 8.

Luc. 8.

nombrés, tellement qu'un seul ne peut tomber de sa teste sans l'expres vouloir de Dieu.

Que le but du diable n'est autre que de se faire adorer cōme Dieu, & trōper les hōmes, Que le diable ne sçait point les choses futures, ny ne peut penetrer ou sonder le cœur humain.

*Le preten-
du du Dia-
ble est d'e-
stre adoré.*

CHAPITRE. V.

IL nous faut auoir tousiours souuenance des deux pechez qui sont propres à Sathan à sçauoir orgueil & enuie & ce pour toute chose que nous voudrōs def- *Is. 32. 6*
finir de luy: car de ces deux vices spiri-
tuelz cōme de deux sources procedent
tous ses effectz. Comme ainsi soit don-
ques qu'il ait avecq'ses Anges premiere-
mēt peché par orgueil, voulant par rapi-
ne vsurper l'equalité de Dieu, il persiste
tousiours en ceste mauuaise volonté
par la grande & impenitente obstina- *Esai. 14.*
tion qui est en luy & ne cesse de dire
en son cœur *Similis ero altissimo*. Ce qu'il
a practiqué au beau cōmancement, car
en regardant le iargon qu'il tenoit à la
femme, il ne pretendoit autre chose cō-
clure sinō qu'elle l'adorast cōme Dieu.

D I S C O V R S

Tout ainsi comme quād il y a vn tyrāt qui tache d'vsurper à soy vn Royaume, lors qu'il detracte du Prince naturel il ne faiēt autre chose sinon tacher de persuader aux gēs d'estre receu & recogneū comme vray Roy: quand donc Sathan proposoit à Eue que Dieu leur portoit enuie, & qu'il seroit bien marry qu'ilz mōtassent si hault qu'ilz pouuoient biē monter, il ne faisoit autre conclusion sinon que ce qu'ilz estimoiēt estre Dieu n'estoit vray Dieu, pour autant qu'un vray Dieu comme vray pere il tachera à sublimer ^{et eleuer} en toutes honneurs ses enfans autant qu'il luy sera possible, & d'auantaige puis qu'il se presentoit comme tel, c'est à dire ne demandant rien mieux que leur auancement, & à ces fins apparoissoit à eux & leur parloit familieremēt combien qu'il feust d'une nature inuisible & bien plus excellante que la leur comme les voulant diriger & conduire à vne supreme felicité iufques à estre comme dieux, par cela il cōcluoid qu'il estoit le vray Dieu, & cōme vray Dieu debuoit estre d'eux adoré, & au vray dire il n'a esté du tout frustré: car plusieurs peuples ont estimé que le

serpent de celuy qui parloit par le serpent estoit vray Dieu, tellement que les Grecs en ont prins l'ethimologie du serpent, cōme remarque fort bien saint Athanase, car (dit-il) ὄφης, c'est à dire serpent, est ainsi appellé comme qui diroit ὀφῆς, c'est à dire celuy qui parle, à cause qu'il auoit parlé à nos premiers parens, ayans opinion que ce feust pour leur grand bien & vtilité, & non seulement les Grecs, mais aussi tout l'empire Romain a esté abreué d'espuis qu'un oracle leur fist responce que la peste ne cesseroit à Rome filz n'enuoioient querir le Dieu Æsculapius. Or les Ambassadeurs s'estant transportez au lieu par l'oracle designé, treuuent vn grand serpent lequel ilz firent entrer en leur nauire & l'apporterent à Rome où il feust par l'espace de trois iours, dequoy Valerius Maximus en parle fort serieusement comme de chose appartenant à la veneration des dieux: & Ouide n'a honte de l'appeler son Dieu.

Athan. in
deffinitio-
nibus pri-
ei.

Valer ma-
xim. lib. 1.

*Cum cristis aureus altis
In serpente deus prænuucia sibi illa misit.*

Ouid. lib.
methamor
1.

Lucian.

Lucian en fait vn Opusculc, disant que les Oracles qui procedoient de la bouche d'vn certain serpent conduict par vn Magicien appellé Alexandre, c'estoient diuins Oracles: & bien plus venerables que ceux qui procedoient des prestres: car (dit-il) ceux-là sortoient de la propre bouche de Dieu, & qui est encores plus admirable à la primitiue Eglise, il y a eu d'heritiques qui en disoient autant, soy persuadans que ce serpent qui parla à Eue, fust vray Dieu, parquoy ils souloient faire monter sur leur autel vn serpent auquel ils presentoiēt leurs sacrifices & pour ceste occasion ils ont esté appelez Ophites c'est à dire serpentins ou gens qui adoroient le serpēt. Beaucoup mieux ont estimé les Syriens & Caldeens & autres peuples orientaux: lesquels disoient (comme il appert par ce que Pherecides Syrus en a escript) que le grand Dieu auoit chassé du ciel tous les Diables, desquels le Capitaine estoit vn nommé Ophianeus c'est à dire en Latin Serpentinus, & comme bien respond Lactance aux idolatres, en cela ils se sont abusez quand ils ont prins le noir pour le blanc, & le Prince des dia-

*Epiphan.
lib. 1. contra
hereses.*

*vide Plin.
lib. 8.
natural. hi-
storie.
Lactan. in
diuinis in-
stitutionib.*

bles pour le Prince des hommes qui est le seul Dieu. Toute ceste digression ne tend à autres fins qu'à demonstrier que *Matth. 4.* veritablement l'intention du Diable serpent, n'estoit autre que soy faire adorer comme Dieu; ce qu'il a bien clairement demonstté par le progrès des tentations dont il a vü contre Iesus Christ. Car pour le dernier propos il luy garde ce mot qui estoit son vray but, *Si cadēs adoraueris me.* Et c'est pourquoy il s'est faict bastir des temples, dresser des autels, ordonner des festes, inuiter des prestres, presenter des sacrifices, aiant veu que Dieu en auoit voulu autant auoir pour son seruice, non comme remonstre saint Augustin qu'il se plaist aucunement à l'odeur du rost des animaux ou autres choses sēblables: mais c'est pour autāt qu'il s'esioit fort qu'ō lui exhibe les hōneurs deuz à Dieu: en cela aiāt vn cōtētemēt fantasq̄ quād il est estimē dieu en aparēce, iāçoit qu'il soit dāné & tourmētē sās cesse en verité. *Le Diable*
Demonēs nō cadauerinis nidorib⁹, (dit S. Au ignore les
gustin) Sed diuinis honorib⁹ gaudēt. Or pour choses fu-
 estre tousiours entretenu en ceste grandeur il n'a point sceu trouuer meilleur

*† imiter, ou imiter
 affaire & sacre,
 imiter. fo. 49. 6.*

*Aug. lib.
 10. de ciuit*

*Le Diable
 ignore les
 choses fu-
 tures.*

DISCOVRS

moyen ny plus expedient, que de parler familieremēt aux personnes & leur dire choses occultes, ce qu'il a faiēt par les oracles; le premier desquels il faut nommer l'oracle du serpent parlant à Eue. Car dequoy importe il s'il est entré dans le corps d'un serpent pour parler, ou s'il est entré dans vne statue de marbre? Cela n'empesche de rien qu'on ne puisse dire que le premier oracle soit estē celui qui a parlé à la premiere femme, & pourtant Tertulien à bon droit met au premier rēg de tous heretiques, la premiere femme: considerant que de parler ainsi au Diable familierement cest apostasie. Apres le deluge les oracles ont estē plus frequentez & ont cōmencé à la posterité de Cham: de là viēt que le plus anciē oracle que nous trouuons entre les auteurs. C'est *Oraculum hammonium*, comme nous dirions *oraculum chammonium*, car le nom de Cham s'escript en Hebreu avec vne forte aspiration, & à ceste occasion nostre translateur la traduit plustost cham que ham tant y a que c'est tout vn, & que tel nom mōstre assez l'antiquité & la source aussi des oracles faiēts apres le deluge,

*Tertul. de
prescript.
heretic.*

c'estoit Cham le maudit de Dieu & 4.^{Reg.} 1.
de son pere qui trouua ceste inuen-
tion d'adorer le Diable pour conti-
nuer la cité du Diable: comme Cain l'a- Gen. 2.
uoit desia encōmencée pour oppugner
la cité de Dieu bastie par Abel & conti-
nuée iusques à Noé. Nous voyons aus-
si par l'escriture que les mauuais Roys
mandoient aux oracles des gentils cō-
me à Accaron & autres pour auoir res-
ponces de leurs doubtes & solutions de
leurs difficultez. Ainsi Sathā n'a iamais
oublié sa maniere de faire, car comme
il voulust raurir l'honneur de Dieu pre-
disant les choses occultes & futures à la
premiere femme, *Aperientur*, dit-il, *ocu-
li vestri & eritis sicut dii scientes bonum &
malum*; aussi par ce mesme moyen il a
voulu piper les hommes qui ont vn
souhait naturel de sçauoir les choses
occultes & futures: ayans ce mauuais
souhait de la nature d'Adam corrom-
pue, qui a souhaitté aussi d'estre comme
Dieu, duquel le propre c'est de cognoi-
stre les choses occultes, singulierement
l'interieur des pensees & aussi les cho-
ses à aduenir, l'escriture nous enseigne
clairement ces deux points: Premiere-

- ment en Hieremie *Inscrutabile est cor hominis & quis cognoscet illud? ego dominus probans renes & corda.* Et aussi pour le second il est dict en Esaie. *Annunciate nobis quæ ventura sunt & dicemus quia dii estis vos:* si bien que si nous regardons bien de pres les histoires, trouuerons que les oracles ne tendoient à autres fins que d'occasionner vne admiration aux hommes & leur dōner vn contentement de l'orgueil qui est naturellement en leur teste. Toutesfois les Diables n'ont iamais sceu ny l'vn ny l'autre: ce que nous monstrerōs pour faire entendre aux curieux de ce temps combiē ils sont abusez de penser paruenir à la cognoissance de ces deux choses par le moien d'vne secrette familiarité qu'ils ont avec les Diables, ou autrement par superstitions & magie. Les Theologiēs s'y sont fort doctemēt exercez au premier, tāt par la sētēce de Hieremie, que par-ce que S. Pol a dict. *Nemo scit quid sit in homine, nisi spiritus hominis qui in ipso est.* Et de Dauid qui souuēt attribue cela au seul Dieu: *Scrutans corda & renes deus.* C'est donc le seul homme qui sçait par nature ce qu'il pēse en son cœur & quāt
- Ieremie 17
- Esaie. 41.
1. cor 2.
- Psal. 7.

aux autres substances, il ny a nul que le
 seul Dieu, ce que feust fort verifié en
 l'histoire de Nabucodonosor qui auoit
 mis en oubly s^{on} songe & si vouloit qu'^{il}
 le luy deuinaist, mais il luy fust respon-
 du qu'il demãdoit chose impossible. *Ser-
 mo enim quẽ tu quæris rex, grauis est: nec re-
 perietur quisquã qui indicet illũ in conspectu
 regis, exceptis diis quorũ non est cũ hominib⁹
 conuersatio,* où est b^{on} de noter qu'il auoit
 assẽblé n^{on} seulement les philosophes &
 astrologiens, mais aussi les magiciẽs, c^{om}-
 me dit le texte expressement; & c^{om}bien
 qu'il soit certain que les magiciẽs aient
 familiarité secrete. avec les malins es-
 prits qu'ils estimoient estre dieux, si est
 ce qu'ils mettẽt differẽce entre les dieux
 qui c^{on}uersent quelquefois avec les h^{om}-
 mes & ceux qui ny conuersent aucune-
 mẽt, & confessent que ceux qui ont fa-
 miliarité avec les hommes ne peuuent
 aucunemẽt sçauoir ce qui est caché dãs
 le c^{oe}ur des personnes, parquoy en fin
 resoluti^on fut baillée par Daniel disant:
*Mysterium quod rex interrogat, sapiẽtes, ma-
 gi, haruoli, & aruspices nequeunt indicare
 regi, sed deus est in cœlo reuelans myste-
 ria qui indicauit tibi Nabucodonosor quæ*

Ventura sunt nouissimis temporibus. Didymus precepteur de saint Hierosme traite ce poinct à propos qu'il veut prouuer que le saint Esprit est Dieu, par ce qu'il penetre les cœurs & fait cognoistre l'interieur des pensées, & en donne la raison naturelle, car l'ame n'a poinct de quantité corporelle comme ont les corps qui sont par telle quantité terminés, mais elle est vne substance simple & spirituelle qui n'a poinct d'autres limites que sa pure substance, qui fait q si quelque chose penetrait telle substance faudroit ou qu'elle feust la mesme substance de l'ame ou bien la vertu viuente qui est avec icelle en donnant vie à telle substance, & c'est pour autant qu'il n'y a que ces deux choses tressimples en l'ame. Or le diable ne peut estre la substance de l'ame, n'y la mesme vie de l'ame, & ne peut donc penetrer au dedans: mais bien Dieu qui est celuy qui donne telle vertu de vie à l'ame, & sans la concurrence duquel l'essence & la vie de l'ame seroient soudainement redigées à neant, comme elle estoit au parauant la creation, & c'est ce que disoit, *Didymus, imparticipabilis diabolus est, non creator sed*

creatura subsistens, Introiuit ergo (in cor Iudæ) non secundum substantiam, sed secundum operationē quia introire in aliquē increata est nature: de là il viēt à cōclurre que quād

Act. 8.

nous trouuons que le diable est entré dans le cœur c'est à dire, la volonté de Iudas & qu'il a rempli le cœur de Ananias il faut entendre cela par suggestiō de malice & suasion d'iniquité, comme d'auarice & autres meschancetez qui ne peuuēt entrer dans l'hōme s'il n'ouure son cœur & ne preste consentemēt à telles tētations, & de fait le mot de tēter le dōne assez entēdre, qui ne signifie autre chose q̄ essayer quelq̄ chose, ainsi Sathā s'efforce de cognoistre nostre bōté ou malice. Et s'il y a coniecture qu'il y a de la bonté dans le cœur, il employe toutes ses forces pour l'esbranler par les obiects & moyens qu'il nous presente. Sainct Hierosme disciple de Didymus a fort bien declaré ce poinct & comme commenté en peu de paroles ce que son maistre auoit diēt assez obscurément: Ceux la, (dit-il) sont dignes de reprehension qui pensent que les pensees mauuaises viennent du diable & nō plustost de nostre mauuaise volonté, car

Hieron. lib

2. comment

in Mathe-

um ad cap

15.

DISCOURS

certainement le diable peut estre suggesteur & moyëneur des pensees mauuaises mais non pas l'autheur, bien est vray qu'il est le plus souuent comme vn boutefeux en nostre endroict allumant en nostre chair vn feu d'ardeur charnelle, mais non qu'il vienne pource à penetrer l'interieur de nostre cœur, ains seulement il en prend coniectures par l'habitude & gestes qu'il apperçoit en nostre maniere de faire comme quand il void, dit-il, qu'un homme regarde fort souuent vne femme & laisse tout autre chose pour ce faire, de là il prend coniecture de penser que nous commencerons à adulterer en nostre cœur, quand & quand il prend aussi occasion de nous instiguer à cela en mettant plusieurs phantasies en nostre teste, lesquelles ne voulant de nous repousser ains nous y delectans de nous mesmes & de nostre franche volonte les enuoions aussi en nostre ame. Le diable en cela abuse les personnes quand il leur fait accroire qu'il cognoist le cœur des gēs, il en peut bien auoir quelques coniectures : Mais l'homme estant de franc arbitre peut ~~ob~~mettre & quicter telles phantasies &

ainsi le diable se treuve le plus souuant
 menteur. De cecy saint Augustin en a
 faiët vn liure intitulé de *Scientia demonū*: *Aug. lib.*
 ou il monstre amplement ce discours: *de scientia*
 concludant qu'ils ne peuuent dauantai- *demonium*
 ge sçauoir les choses futures qu'ilz ne
 font l'interieur des pensées. Nonobstât
 par les oracles il a voulu predire les
 choses à aduenir. le Roy Ochosias man- *4. Reg. I.*
 da à ces fins ses seruiteurs pour sçauoir *1. Reg.*
 fil gueriroit ou non & **S**aul en voulut au *28.*
 tant faire pour sçauoir qu'elle yssue au-
 roit la prochaine bataille qu'il debuoit
 dōner contre les Philistins: contreue-
 nans à l'expresse parole de Dieu qui di-
 soit *Non accedetis ad magos, neque ab hario-*
lis aliquid sciscitabimini. *Leuitic. 19.* Aussi ce feust l'oc-
 casion de leur ruine & aduient ordina-
 irement par diuine permission que si le
 diable (soit de luy mesme en personne,
 ou par vn sien oracle mort ou viuant)
 predict quelque bon heur telle chose
 n'aduient poinët; mais s'il predict cho-
 se mauuaise elle sortira infalliblement
 à son effect en peine de telle apostasie
 ce qu'on peut aisément voir en l'hi-
 stoire de Saul laquelle nous doibt ser-
 uir de maxime ou reigle generale en

ce fait icy, & est remarqué par saint
 Chrysostome *Vide locum in fine huius ca-*
pituli. Or saint Athanase voulant re-
 soudre le Prince Antioche de ce point
 il procede sagement par l'experience.
 Il y a deux choses, (dit-il) que les anges
 mesmes soient bons ou mauvais ne peu-
 vent sçauoir, c'est l'interieur des cœurs
 & les choses futures bien est vray, dit-il,
 qu'on a trouué quelquesfois q̄ les magi-
 ciens (lesquels j'appelle pour auteurs
 oracles viuans du Diable) ont predict
 quelque temps ce qu'est apres adueni,
 les Diabes le leur ayant ainsi reuelé,
 mais il n'ont predict sinon ce qu'estoit
 desia fait, comme voians qu'il pleut
 desia aux Indes & que le temps est dis-
 posé pour porter les nuées vers les quar-
 tiers d'Egypte, il fait sçauoir à ses ora-
 cles qu'il pleura en brief en Egypte,
 & quand il void que grande abondance
 de neige a fondu aux montaignes, ou
 commencé à fondre, il predict aussi que
 le Nil ou autre grosse riuiera desborde-
 ra, mais il ne dict sinon ce qu'il void,
 seulement il y a vne agilité plus grande
 en luy qu'à nous, si biē que si les oiseaux
 auoient raison, ils en feroient bien au-
 tant

tant & le font selon leur naturel quand ils changent bien souuēt de climat par le moyen desquels plusieurs Philosophes ont esté en admiration deuinans ce qu'ils ne voioient: mais c'estoit par la cognoissance qu'ils auoiēt des oiseaux. Parquoy conclud sainct Athanase, deliberez vous de faire quelque chose dont on n'en puisse auoir aucune coniecture, & puis allez vous en aux oracles du diable qui sont les magiciens, & leur demandez s'ils sçauent point ce que vous auez deliberé de faire & trouuerez qu'ils en sont du tout ignorans. Sainct Athanase auoit ouy discourir Antonius Monachus sur ce point & est vray semblable que de luy (comme de celuy qui en auoit plus d'experience que homme du monde) il auoit retenu ses resolutions, car nous voyons qu'il recite presque les mesmes sentences en la vie qu'il a escript de luy, où il adiousté que c'est tout de mesme, comme si celuy qui a couru la poste nous disoit ce que ce faict biē loing de nous, ou comme si vn medecin touchant le poulse à vn homme il luy predisoit qu'il aura la fiebure, ou si vn agriculteur ayant veu l'inonda-

*Athan. in
vita Anton*

tion des eaux predisoit qu'il y aura peu de bled & en s'ome, dit il, ils sçauēt ce qui est desia & non pas ce qui est à aduenir, Toutesfois dit encores, voilà le cōmencement de l'idolatrie & des nouueaux dieux, le pauvre peuple ne sçachant la cause il les a estimez vrais dieux / laquelle sentēce qui est d'importance se peut tant par l'escriture que par les auteurs prophanes & externes verifier, car les plus celebres oracles qui furent iamais au monde, estoient du tēps de Cyrus en Affrique & en Grece comme l'escrit Herodote, auquel temps les prophetes cōme Esaye, Hieremie, Daniel & autres auoient ia predict clairement plusieurs chāgemens qui deuoient aduenir aux plus celebres nations du monde cōme estoient les Assyriens, Babiloniens, Grecs & Romains iusques à nommer mesmes les Grecs & voire aussi le Roy Cyrus par son nom propre, ioinct que les Sybilles en auoient desia autant fait de quoy les diables s'estans armez ils comencērent à predire ce qu'ils en auoient sceu par reuelation faicte aux prophetes & predisoient choses fort grandes. Au reste quand on les fortoit de

Herodot.
initio lib.

Esai. 23. 14

45.

Jeremie 23

Daniel 8.

10.

ces limites & commāçoit on a leur demander des menus affaires & particulieres negoces desquels ils n'auoiēt ny cognoissance ny coniecture, ils temperoient tellement leur langage par paroles ambiguës, que quoy qu'il aduint ils auoient tousiours belle eschapatoire.

De ce point ont escript plusieurs graues auteurs Grecs & Latins & entre nous Latins nous auons La stance qui en dit de beaux traiçts & aussi saint Hierosme qui en a specifiez aucuns disant. *Apollo Delphicus & Loxias Deliusque & Clarius, & cætera idola, futurorum scientiam pollicentes reges potentissimos deceperunt.*

Lacta. lib. diuinarum institutio.

Hieronim^o lib. 12. com

ment. in Esaiam ad cap. 41.

** Lycius Agrippa puto*

Et puis il donne les exemples comment ils couuroient leur ignorance, mais (dit-il) quand il ny auroit autre chose sinon qu'ils n'ont sceu predire leur ruine faicte par l'aduenement de IESVS-CHRIST, ce seroit assez pour preuuer qu'ils n'en sçauoient rien de l'aduenir/comme l'on recite d'un homme prudent qui voulant faire cognoistre la bestise qui estoit en vn magicien & chiromantien, luy presenta la main gauche pour luy deuiner sa fortune & cōme il estoit attentif à regarder

DISCOVRS

les lineamēs de la main il luy bailla de la main droicte vn grand soufflet en disant si tu cognois les choses futures, pourquoy ne les cognois tu premiere-ment pour toy mesme, autant en dict sainct Hierosme des oracles. Enquoy l'on void combien s'abusent ceux qui font pactes & accords avec c'est Esprit immonde, pource qu'il leur promet de leur faire sçauoir les choses à aduenir & aussi ceux qui s'adressent à telles gēs que n'est moins que de s'adresser comme iadis les idolatres à vn oracle, attendu que c'est le Diable qui faisoit & fait parler & l'vn & l'autre; & c'est à ceste occasion vne vraye apostasie de la foy prohibée sous grādes peines biē souuent en la Loy de Dieu. Mais disoit ce bon pere Anthonius quel profit y ail encela de foy faire librement abuser d'achepter coquilles pour carquans, outre qu'auec cela on s'esträge de sō Dieu & vend on pour telles vanitez & men- songes la pauvre ame au diable, & quād bien ainsi seroit qu'on nous dict verité nous ne la debuons sçauoir par le moi- en de l'ennemy de Dieu & de nostre na- ture, de peur qu'auec le miel il ne nous

*Atban. de
vita Anto.*

baille aussi du poison comme il a faict à nos premiers parens/ & à ceste occasiō nostre Seigneur a commandé au Diable de se taire encores qu'il dit pure verité, & comme disoit le bon moine Antonius s'il se presente à nous avec grande clarté, comme il se trāsforme quelquefois en Ange de lumiere il faut fermer les yeux & destourner la face pour ne voir la lumiere du diable. L'histoire de Saul porte qu'il auoit faict tout son pouuoir de sçauoir ce que luy importoit beaucoup, & s'estoit adressé à Dieu aux prestres & aux prophetes, en fin voyant que Dieu ne luy faisoit aucune response, cōme par necessité s'est adressé à vne femme forcieri, & a esté cause de sa ruine. il se faut donc adresser à Dieu, & si ne nous ayde si tost, esperer tousiours en luy & prendre patience, sçachāt que le tout se faict pour nostre grand bien, mais de cecy en parlerons plus amplement au chapitre prochain. Il y a vn autre point remarqué par S. Chrysostome. *Nemo, quum fallunt, attendit: sed solū si quid verum prædixerint, aspicit.* Et puis apres il dict, *quia homo se dedit diaboli potestati, deº id permittit accidere.*

Luc 4.

Chrysost.
Homili. 8.
in 2. episto.
ad Thimo.

DISCOVRS

Que les hommes sorciers sont autant detestables & autāt prohibez par la loy de Dieu comme mesmes les oracles des Payens & leurs idoles/que ce n'est fable ce qu'õ dit des sorciers, que les Princes y doiuent prẽdre garde, des diuers moyẽs dõt vsoyẽt les anciẽs sorciers, le tout prenuẽ par l'escripture.

Sorcelerie
peché enor
me & de
testable.

CHAPITRE VI.



OMBIEN que Pline ait esti
mé que la magie ne soit rien en
verité, mais chose n'ayant rien
que le seul mot, non plus que les chime
res amenant pour toutes raisons l'expe
rience de Neron qui estoit fort eschau
fé à y entendre quelque chose: iusques
à se faire ^{ains} imiter & consacrer à tel mes
tier; & ce nonobstant il ne peut venir à
bout de rien qu'il pretendit faire: iacoit
qu'il n'eust faite ny d'engin ny de vo
lonté, moins d'autorité & puissance,
richesses, & grands maistres fort sçauãs
en tel art, qu'il auoit faict venir de tous
costez d'Orient; si est-ce pourtant que
son opinion ne doit estre non plus re
ceuẽ entre nous, que celle qu'il amaine
contre la diuinité, d'isant qu'il ny a
point d'autre Dieu que le Soleil/ & la
resurrection de la chair, s'en mocquant

Plin. lib 30
natural. hi
sto. cap. 1.

imiter fo. 42. a

faulx

A niant

cōme de chose vaine & ridicule, en ces deux points singulierement iouant le personnage d'un atheiste (comme il estoit en verité) car la reigle de dialectique abbaist suffisamēt sa collectiō quād il dispute d'un particulier pour conclure vne proposition vniuerselle comme l'on dict, *Ex particularibus nihil concludi potest, & à particulari ad vniuersale consequentia nulla.* Nous luy pourrions bien admettre aussi l'histoire de Iulien l'apostat qui auoit autant d'autorité, richesses, engin, & maistres que Nero, & d'auantage de volonté; nonobstant moins d'effect s'en ensuiuoit apres qu'il s'y estoit fort eschauffé qu'auparauant. Dieu ne le permettant (& c'est pour respondre à Pline) à cause que leur but principal estoit de aneātir entieremēt la memoire de Iesus Christ & des Chrestiens & le faire trouuer mēteur en ce qu'il auoit dit *Ecce ego vobiscū sum vsque ad cōsummationem seculi.* Mais de nier pourtāt les effets du diable executez par les sorciers, ce seroit temerité grāde: atēdu que les auteurs voire les pl⁹ anciēs & plus celebres en sont plains, / & nous doit pour maintenāt suffire ce que cy dessus

Matt. 28.

DISCOVRS

en auons allegué apres Lactance & S. Augustin, qui ont donné la raison de tels effects admirables, les rapportant aux malings esprits, adioustant seulement ce que Philostrate a escrit d'une sorciere laquelle par le moié de son art appresta vn fort manifiq bâquet à Menippus son fauory: & cōme il estoit là avec plusieurs autres aians grâde auidité de bâqueter soudainemēt tous les mets s'euanouirēt & aussi furēt contraincts de sortir de table plus fameliques qu'ils n'estoient auparauant. Il vaut mieux le prouuer par l'escriture, de peur que personne n'estime avec Plin ce propos fabuleux. En premier lieu S. Pol fait mention de Iâmes & Iâbres desquels l'histoire est recitée au lōg au liure de l'Exode qui resisterent à Moyse & faisoient par magie tout ce que Moyse faisoit aussi par diuine puissance; ils changerent les verges en serpens, puis les serpens en verges, ils chāgerent l'eau en sang, puis le sang en eau, ils firent semblablement venir des grenouilles qui couuroient la terre d'Egypte. vray est qu'au troisieme signe, ils ne peurent faire comme Moyse, nō pour la raison qu'aucuns des

*Philostrat.
lib. 4.*

H. aig. i.

2. Tim. 3.

*Exod. 8.
Rabbi, Le-
uiben, Ber-
son in cap.
8. Exod.*

Hebreux ont voulu amener disans que le diable ne peut faire aucune chose qui soit moindre qu'un grain d'orge, car à faire choses petites (disent il) il y faut grande subtilité, & que pourautant les magiciens ayans fait de grosses couleures & des grenouilles, ils ne sceurent au troisieme signe faire venir de petits poulx comme Moyse: telle opiniõ n'est receuable, car apres ils ne sceurent faire venir des grosses mouches, ny des grosses tumeurs aux corps humains, ny faire descendre du ciel la gresle, ny le feu, ny faire souffler le vent, ce que toutes-fois le Diable fait au tẽps de Iob, mais ce fut pour autãt qu'à la troisieme fois Dieu lia la puissance à Sathã, & le cohiba de ne passer plus outre; cõme il le cohiba de Iob en cest effet de ne le mettre à mort, cõme il feist à ses enfans; & c'est ce que les magiciẽs furẽt cõtrains de cõfesser disã, *Digitus dei est hic*, Ainsi ceste histoire mõstre assez qu'il y a des gens qui õt secrete familiarité avec le diable qui leur fait faire choses admirables & le plus souuẽt fort mauuaises & mesmes le Roy Dauid prẽd la similitude de l'enchãteur qui enchãte par son art les ser-

psal. 57.

Leuitic 19.

¶ 20.

Exodi 22.

Deut 18.

pens/estant dōcques cela veritable plusieurs fois Dieu deteste & prohibe en sa loy telle maniere de gēs nō moins qu'il faict les ydoles & oracles du diable, car voĩat Sathā que le peuple de Dieu detestoit ses oracles mors & faits de main d'hōme, il s'est insinué parmy eux par autre moien plus subtil, parlant aux hōmes & soy faisant adorer couuertemēt à eux, & c'est ce qui est prohibé tāt estroictement au Leuitique. *Leuit. 10. 19. 20. Nō declinetis ad magos, nec ab hariolis aliquid sciscitemini, ne polluanini per eos.* Et aussi il repete peu apres. *Anima que declinauerit ad magos & hariolos, & fornicata fuerit cū eis pōnā faciē meā contra eam & interficiam eā de medio populi sui.* Et en l'exode est dict, *maleficos non patieris* Viuere où le mot Hebreu s'adresse aux forciers, en Deuterono. aussi il y a de beaux textes où Dieu dit à son peuple. *Quando ingressus fueris terram quā dominus deus tuus dabit tibi, caue ne imitari velis abhominaciones illarum gentium nec inueniatur in te qui lustrat filium suum aut filiam, ducens per ignē aut qui ariolos scitatur, & obseruat somnia atque auguria ne sit maleficus nec incantator, neque qui Pythones consulat nec diuinos, &*
Pythones

querat à mortuis Veritatē omnia hæc abhominatur dominus, & propter istiusmodi scelera delebit eos in introitu tuo perfectuseris & absq; macula cū domino deo tuo gentes istæ quarū possidebis terrā augures & diuinos audiūt, tu autē à dominodeo tuo, aliter institutus es. En sōme de ceste maniere de gēs il en est parlé fort souuēt en l'escriture: si biē qu'il ny a à peine liure en la bible où il n'ē soit fait mētiō: outre les passages ia citez on peut voir. Nū. 23. Iosue 13. 1. Reg. 15. & 28. 2. Para. 33. Esaye 47. & 44. Mich. 5. Nahū 3. Au nouueau testamēt il y a Simō Mag^o, Elimas Mag^o, Barieū Mag^o, il est aussi fait mētiō d'une fille qui deuinait à cause qu'elle auoit vn esprit familier, & par ce moyen elle faisoit gagner grande somme de deniers à ces maistres & aussi des Ephesiens lesquels estudioient aux arts de curiosité, qui ne est autre chose, selō les anciēs, que l'art magicque: mais aiās esté instruits par sainct Paul ils bruslerent tous leurs liures, qui furent appreciez à cinquante mille pieces d'argent. Le bon Roy Iosias voulant remettre la religion de Dieu en son entier & appaiser son ire par ce moien, il feist assēbler vn concile

Acto. 8. 13.

16. 19.

Hieronim.
prolog. in
epist. ad e-
phesios.

Cod. l.

Cornelius
Tacit.

Iosie 12.

general au temple de Hierusalem, où entre les autres choses necessaires à telle reformation feust ordonné que tous forciers & sorcier es seroiēt mis à mort. Ce que ce bon Roy a executé. *Pythones*, dit le texte, & *Ariolos* & *figuras ydolorū* & *immundicias* & *abominationes quæ fuerunt in terra Iuda* & *Hierusalē abstulit Iosias*, *ut statueret verba legis*. Depuis tous bons Princes n'en ont fait difficulté: la loy de Dieu y estāt toute manifeste, & mesmes au Code il y a plusieurs loix des malefices & mathematiciēs, saintement ordonnées par les Empereurs Chrestiens cōme Constantius & autres, Et pourquoy ne l'eussent ils fait, attēdu que les payēs en ont fait punitiō? Cornelius Tacitus recite qu'une loy fut faicte à Rome par laquelle tous mathematiciens & magiciens estoiet chassiez (cōme gēs excōmuniēz & indignes d'habiter entre gēs de bien) de toute l'Italie, laquelle executiō fut faicte du temps de Iesus Christ non peut estre sans mystere, car comme nostre Seigneur venoit en ce mōde pour en chasser les Diables, aussi voulut il que leurs speciaux seruiteurs & adorateurs fussēt par les princes tēporels chas-

sez hors de leurs terres (cōme appartenās au tribunal externe). Appollonius *Apuleius* Thianeus aussi grād magicien fust cité *viraque 4-* par deuāt l'Empereur Domitiā à cause *polog.* qu'il estoit forcier: & aussi Apuleius par deuant le gouuerneur d'Affriq̄ du tēps de l'Empereur Antonius pius; vray est qu'il s'ē purge aux deux apologies qu'il a faictes à ces fins, car autrement il eust esté mis à mort. Et ne faut faire comme l'on fait aujourd'huy à Genefue (source de tous ces atheïsmes & adorations des diables) où l'on n'accuse ny condāne à mort ou à peine quelconque fors ceux qu'on peut prouuer auoir geté quelque sort dōmageable aux hōmes ou aux bestes domestiques, encores que ils sçachēt biē qu'il soit de la Synagogue du diable, car pour tout vray le plus enorme peché qui se puisse trouuer en ce fait c'est d'apostater de la vraye religion de Dieu pour adorer le Diable/ce qui se void clairement en l'escriture laquelle ne vient point à aggrauer beaucoup ceste impieté d'autre forfait que de l'idolatrie peché qui est directement *Exod. 22.* contre la Maïesté de Dieu & non contre le prochain. Ainsi en l'Exode 22.

DISCOVRS

- peu apres qu'il a dit tu n'endureras poir
que les forciers viuent, il est adiousté qui-
conque imolera aux dieux, fors au seul
Dieu, il sera mis à mort. Au Leuitic. 18.
où il est dit, vous n'aurez point recours
Leuit. 18. aux magiciens, ny ne demanderez aucune
doute aux forciers de peur que ne soiez
souillez par eux, il est dit pour cōclusiō
de toute raisō, Je suis le seigneur vostre
Dieu; cōme voulant inferer c'est vn pe-
ché qui est grād, par ce qu'il est directe-
Leuit. 20. mēt cōtre la maiesté de Dieu. au chapi-
tre suiuant qui est le 20. on y void le mes-
me, l'ame (dit Dieu) laquelle declinera
aux magiciens ou forciers, & paillardera
auec eux, ie mettray ma face cōtre icelle
& la mettray à mort, l'ostant du milieu
de mō peuple/s'ensuit, foyez sãctifiez &
saints, car ie suis saint moy qui suis vo-
stre Dieu, en Deuteronomie 18. chap, Il
est aussi dit, gardez que personne de vo-
ne soit magiciē ou forcier, ou demãdât
Deut 18. cōseil aux enchanteurs & deuins, car
c'estoit le peché des gētils, lesquels pour
ceste occasion i'ay chassé de leurs terres
pour vous y introduire à leur place.
mais toy tu és autrement aprins du sei-
gneur ton Dieu/s'ensuit, Dieu auec le

téps vous fuscitera vn prophete lequel vous parlera familièrement & non pas comme ie vous ay parlé à la montagne avec du feu espouuentable : mais il parlera à vous & sera semblable à vous, vous l'orrez donc : & quiconque ne le voudra escouter i'en prendrai vengeance, il est beau à voir que par ce prophete est entédu Iesus-Christ tant par le texte *act. 7.* que parce qu'en a expliqué Saint Estienne aux actes des Apostres. C'est doncque a dire que telle meschâceté est directement contre la maiesté de Dieu, & singulierement contre la personne de Iesus-Christ nostre Dieu & redempteur, puis qu'on vient à adorer vne sustance inuisible lorsqu'elle se presente en forme visible, en celavoulant vsurper la gloire du fils de Dieu qui s'est fait visible pour estre aussi adoré visiblement / quand *Nota* **S**amuel veut grandement exagerer le peché de rebelliõ & mespris commis contre la diuine maiesté, c'est (dict-il à Saul) comme le peché des forciers & magiciens, il n'a sceu trouuer vn peché plus semblable, que le peché des forciers & *I. Re 2. c. 15.* magiciens, que de n'obeir au commandement de Dieu; l'experience le luy a

DISCOVRS

assez enseigné, car ayant Saul mesprisé
 le cōmādemēt de Dieu il a esté delaisié
 de luy qui depuis ne luy voulut fai re au
 cune respōce ny par les prestres ny par
 les sōges & aduertissemēs nocturnes, ny
 aussi par les prophetes. Toutesfois il e-
 stoit encores Roy d'Israël, mais depuis
 qu'il se fut adressé à vne sorciere, il tō-
 ba au comble de toute impieté: & des le
 lendemain il fut tué avec tous ses enfā:
 si bien que depuis nul de ceste maison
 n'eust autorité entre le peuple d'Israël.
 & ce que les Roys & Princes doibuent
 bien remarquer il est dit encores 4. Re-
 gum 23. que le bon Roy Iosias aiant fait
 tout son pouuoir de remettre la religiō
 de Dieu en sa premiere integrité, Dieu
 ne fut pourtant du tout appaisé sur ce
 royaume qu'il ne le voulust liurer aux
 mains des barbares Babyloniens pour
 accabler ce peuple: & ce à cause de son
 grand pere Manassés, lequel auoit touf-
 iours entretenu les magiciēs & forciers
 au Royaume d'Israël, estant luy aussi du
 mestier. *Nō est auers⁹ (dit le texte) domin⁹
 ab ira furoris sui magni quo iratus est fu-
 vor eius contra Iudam propter irritatio-
 nes quibus prouocauerat eum Manassés.*
 Or

1. Reg. 23.

4. Reg. 23.

4. Reg 23.

4. Reg. 21.

Or les meschancetez de ce Manasses sont descrites au 4. liure des Roys chapitre 21. entre lesquelles il y a qu'il faisoit les augures & s'appliquoit aux diuinations: & pource faire il auoit grand nombre de magiciens & forciers avec luy, & augmētoit ce mestier le plus qu'il pouuoit; faisant tousiours mal deuant Dieu & l'irritant de plus en plus, & qui est encores plus admirable pour ce mesme crime il a fort rigoureusement chastié les Roys de la terre qui n'auoient aucune cognoissance de la loy de Dieu, comme l'on veid en Esaye où Dieu menace de ruiner la grande ville de Babilone & tout son empire, à cause, dict-il, de la grāde multitude des malefices qui regnent dans toy, & de l'obstination de tes enchanteurs ou forciers, pareillement en Ezechiel le Roy de Babilone est là representé estant debout au milieu de deux chemins entremessant des fleches par art magique, pour sçauoir ce qu'il deuoit faire: mais, dit Dieu, il en sera griefuement puny. A ce propos nous pourrons bien parler aux princes chrestiens & leur dire avec ce grand Roy & Prophete Dauid, *Nūc re-*

Esaye 47.

Ezechiel.
28.

Psalmc. 2.

D I S C O V R S

*ges intelligite, erudimini qui indicatis terram
nequando irascatur dominus & pereatis de
via iusta.* Car il ny a peché au monde
qui plustost face perdre les coronnes &
royaumes aux Roys de ce monde, prin-
cipalement aux roys chrestiens, que de
tollerer telle impieté manifeste cōtre
Dieu & Iesus Christ son fils au milieu
de son Eglise, pourtāt conclud David
selon la fontaine hebraique, baisés ou
adorés l'enfant de peur que ne perissés
quand Dieu aura embrasé son ire: faire
baïser ou adorer l'enfant c'est faire ado-
rer avec toute purité & sincerité Iesus-
Christ, qui ne veut auoir aucune aliance
ou societé avec Belial (comme l'enseigne
Saint Paul) & ne point faire cōme nous
auons diēt de ceux de Geneue (suiuant
la relation, mesmes de ceux de leur re-
ligion qui ont long temps cōuersé avec
eux) car pour tout vray ce crime doit
estre à toute rigueur de iustice vengé,
à cause que c'est le plus grand crime qui
soit contre la diuine maïesté, bien est
vray que tel crime n'est iamais exercé
sans porter dommage au prochain, cō-
me nous entendrons cy apres par leur
depositions; toutesfois l'honneur de

1. corin. 6.

40. 53. a

Dieu doit estre à toute autre chose preferé & non pas tourner les choses au rebours & cōme lon dit mettre la charrette deuât les beufs. Il n'est toutesfois de merueilles, si ainsi on le pratique à Geneue: car outre ce qu'ils ont deprimé tāt qu'ils ont peu l'honneur de Dieu & des saints (cōme auoit esté pedit en l'Apocalipse qu'on viēdroit à blasphemer cōtre le nō de Dieu & son tabernacle, l'humanité de Iesus Christ & cōtre to⁹ ceux qui habitēt au ciel) C'est chose naturelle aux heretiques d'aymer les magiciens & forciers, cōme l'on peut voir du premier heretique Simon Magus aux actes des Apostres & de to⁹ les autres qui s'en font ensuiuis apres, en saint Irenée. Les Turcs, comme l'estime, n'en font nul cas: pour le moins les Sarazins permettoient qu'on enseignast ceste impieté publiquement, desia enuiron l'an mil, apres Iesus Christ. Et si des Turcs l'antechrist doit sortir, cōme il ya grāde apparēce, telle monarchie est signifiée en l'Apocalipse par Babylone & par la beste sauuage, laquelle doit receuoir du grand Dragon grāde vertu & puissance pour faire choses fort admirables, iusqs

Apoca. 13.

Act.

Ireneus.

lib. 1.

Genebrar.

princip.

vnd. secū.

da chrono

lo.

DISCOVRS

à faire descendre le feu du ciel, moyennant la puissance naturelle du diable
Apoca. 13. signifiée par le Dragon. Quant est des
 moyēs dont telles gens vsent pour faire leurs charmes, on n'en sçauroit bail-
 ler vn certain nombre, car ils sont infi-
 nis : comme le diable est caut & mali-
 cieux & comme l'on dit d'vn meschant
 homme, *Habet mille technas, mille nocendi*
artes, aussi il controuue tous les iours
 nouueaux moyens, iouxte ce qu'il void
 plaie d'auantage à vn homme pour le
 mieux tenir ferré en ses pattes, voyant
 bien que les vns se plaisent à vne chose
 autres à vne autre. En sōme si les moyēs
 ne nuisent aux gēs, ils nuisent au moins
 à l'ame du forcier ; car ils sont tousiours
 pleines de superstition, qui est vne es-
 pece d'idolatrie. Toutesfois tant que le
 diable peut il faiēt vser des moyens qui
 nuisent aux personnes : comme il est
 homicide & sanguinaire dès le com-
 mencement : mais voyant qu'il ren-
 contre quelque fois personnes con-
 scientieuses au fait du meurtre, ou d'au-
 trement endommager les gens, il se
 contente de s'accommoder à eux pour
 gagner au moins leurs paaures ames.

10fi. 8.

Et est vray semblable (attendu qu'ils sont tant diuersemēt nommez à la Bible Hebraicque) que comme les diables en l'escriture prennent leur denomination des effets qu'on cognoist en eux, que aussi les forciers sont diuersement appelez, selon la diuersité des effets ou moyens dont ils ont de coustume d'vser, Ainsi donc les magiciens de Pharaon pour faire leurs charmes, outre les verges qu'ils tenoient en leur main pour faire comme Moyse, ils vsoient (soit-il secretement, ou publiquement) des lames d'acier flamboyantes & nouvellement forgées : car leurs charmes sont appelez en l'Exode chap. 7. du mot lahatim qui signifie lames flamboyantes, ainsi est appelé le glaive flamboyant à la main du cherubin en Genese 4. chap. ce que a esté proprement remarqué par Raby Daud quimhi. Surquoy on pourroit bien faire vne belle moralité, apres saint Paul qui no⁹ enseigne que en ceste hystoire les magiciens representoient les heretiques, comme Moyse les docteurs catholiques, Moyse se contentoit de la verge qu'il auoit en sa main par cōmandement de

Exod. 7.

Genese. 4.

raby Da-

uid quimh

hi.

Esaye. 11. Dieu, & le docteur catholique tiét aussi la verge de la parole de Dieu ainsi appelée en l'escriture, l'heretique tient aussi en sa main la verge de la parole de Dieu: mais il ne peut rien effectuer s'il n'a d'abondant le glaive flamboyant qui sont les armes & l'effusion de sang, pourroit bien estre aussi à ce propos que en forgeant telles espèces ils y mettoient du sang humain: cōme il se pratique encores auioird'huy, & iadis on le pratiquoit aux [†]Theraphins, voyons des autres: Au Leuitique 19. & 20. chap. Ils sont appelez de ce mot Aob qui signifie vne cruche ou vn petit tōneau: & par aduerture il y auoit vne maniere de forciers qui vsoient des cruches: cōme font encores plusieurs qui iettent des noms propres par dedans vne cruche ou bassin plain d'eau pour deuiner quelque chose, aussi en Deuteronomie 18. sont appelez de ce mot Menahhesh, qui vaut autant à dire cōme vser de serpent, ou s'il faut faindre le mot, serpentiser; ils vsoient possible de serpens en leur maniere de faire cōme nous auons cité cy dessus des romains pour chasser la peste de *Leuit. 19.* Rome: vray est que Abé Esdras rappor-

4. p. 23

*vide Heli-
am Leuitā
in Thisbi
dictione.*

93. a

*Zeraphin.
Leuit. 19.
& 20.*

*Deut. 18.**Leuit. 19.*

te cela parties aux figures & caracteres qu'on fait & ainsi l'on dira que telles gēs faisoient des figures de serpens moyenant lesquels ils pratiquoyent leurs malefices. Le Roy Manasses, qui fust vn des *2. paral. 33* plus grāds forciers du monde, est accusé d'auoir esté mecasheph, lequel mot viēt d'un verbe qui signifie farder, ou par fard attirer & abuser les hōmes: qui est le propre des femmes lubriques. Cōme *Rabi Dauid Quimhi in Naun prophahin.* dit Raby Dauid quimhhi, sur Nahun, qui a esté cause que Abē Eshdras cité avec quimhhi tāt par Sāctes Pagninus, q̄ par Mūstere, a expliqué que ce sont gēs qui *sāctes Pagninus in Thesauro. Munsterus in lexico.* semblēt chāger vne chose en autre, trōpāt & abusant par ce moyē les gēs qu'ils facinēt par leurs prestiges, faisant voir & croire ce qui n'est en verité: comme font les fēmes mauuaises qui font voir vne blancheur qui n'est veritablemēt en leurs persōnes. Il y a vn autre verbe c'est quassam en Michée 3. lequel, pour autāt *Michée 3.* qu'il n'a point d'autre significatiō, Dauid quimhhi (cōme il est à presumer par les choses dessusdites) a dit qu'il signifie toute maniere de malefice & enforçemens. Cōbien dōques que les diables facēt vser de diuerses manieres de faire, cōme

il peut cognoistre que selon le temps la superstition en sera plus grande ou que l'esprit de l'homme se plaist, si ne faut il pourtant penser qu'il y gist aucune vertu naturelle ou autre à tous ces instrumens diaboliques, ou que les malins esprits se plaisent plus à vne chose que à autre pour en pouuoir estre alechez pl⁹ à faire facilement ce qu'on veut; mais il faut cela rapporter pour la troisieme & generale raisõ à la malice du diable, qui veut en toutes choses faire le finge de Dieu, comme le dict & le preue Ter-
 tulien, il void dõcques que Dieu a choisi certains instrumẽs corporels de sa pure & franche volonté pour effectuer ses graces & promesses aux hommes: cõme sont le pain & le vin au sacremẽt d'Eucharistie, l'eaue au baptesme, lesquelles choses toutesfois n'ont d'elles mesmes aucune force naturelle pour exhiber ce qui est par la puissance de Dieu effectuẽ; ainsi le diable de son plain grẽ choisist ce que bon luy semble pour accomplir ses promesses faictes aux hommes & executer ses forces qui sont grandes, & telle est la resolution qu'en dõne saint Augustin, *Dæmones, inquit, alliciuntur her-*

tert. lib.
 de bapt.

*bis non tanquam animalia cibis, sed tanquam spiritus signis, vn asne fera attiré quand on luy monstrera l'auoine; & la brebis aussi, quand on luy presentera vn rameau verdoyant: mais il n'est ainsi des esprits qui n'vsent des choses corporelles pour leur necessité: mais seulement ils en vsent comme de signes extérieurs pour signifier leur volonté aux hōmes, laquelle autrement leur est incogneuë; & c'est le propre des substances tant raisonnables que intellectuelles de notifier leur volonté par signes extérieurs: parquoyne faut estimer que le son de la harpe de Dauid chassast le malin esprit de Saul, n'y le foye du poisson de Thobie Asmodeus: car il ne craint les choses corporelles, tant qu'elles sont corporelles; aussi elles ne peuuent auoir aucune action sur luy, moins le toucher: mais bien entant que telles choses sont instruments deputez de Dieu & moyenenant la foy des gens de bien; comme il nous est commandé par saint Pierre, *Cui resistite fortes in fide*. Vray est qu'il obserue quelque fois la Lune, qui est notwithstanding chose corporelle, ce que nous voyons en saint Matthieu chapitre*

Matth. 4.
& 17.

*Hieron. in
Math. &
Chrysosto.*

*Augu. lib.
21. de ciui.
S. Thom. 1.
p. q. 115.
Art. 5.*

quatriesme & dixseptiesme d'un possédé qui estoit lunatique : mais dict saint Hierosme c'estoit pour donner infamie à la creature de Dieu, & faire à croire ou que c'estoit vne creature du diable (comme pensoient les Manicheens de plusieurs autres creatures) ou veritablement pour la faire adorer comme Dieu, & ayant toute puissance sur les hommes; ou bien il faudra dire avec saint Augustin, que comme il est fort sçauant & comme il en porte le nom, voulant appliquer les choses naturelles, les vnes aux autres, il a besoin, pour mieux & plustost faire, d'observer le cours de la Lune laquelle aide naturellement à tels effets : comme l'on void par experience aux lunatiques; & pour ceste occasion les doctes medecins l'observent aussi aux cures qu'ils font. Ce pendant il n'a que faire des choses corporelles sinon en tant qu'elles lient les personnes à son service; comme font les elemens externes des sacremens les chrestiens au service de Dieu; tellement que ce sont signes purement volontaires, encores que tels signes soient les vrayes effigies de ceux sur lesquels ils veulent exercer leur ma-

lesces, comme nous trouuons en Zonare qu'on auoit fait la propre effigie de Simon prince des Bulgariens, à laquelle aucuns ayāt couppé la teste ledit prince fust soudainement trouué mort. & pour semblable fait le Roy Loys fist brusler toute viue vne certaine femme nōmée Claude à cause qu'elle auoit fait sa propre effigie en cire & l'approchoit souvent du feu pour le faire tomber en langueur, secher & mourir peu à peu, comme ceste image se fondoit au feu. Or puis que ceste histoire nous a conduit là de parler des femmes il faut voir si elles si adonnent comme les hommes.

Zonare
tom. 3.

Genebrar.
lib. 4. chrono-
nolo.

*Des sorciers & que les femmes y sont plus
adonnées que les hommes.*

CHAPITRE VII.



I le diable a eu ceste puissance de pouuoir gaigner les hōmes en chose tant execrable,

DISCOVRS

Corint. II.

on ne doit s'esmerveiller s'il a aussi intriqué & prins en ses lacs, les femmes; attendu qu'il s'efforce tousiours à les gagner premierement, comme estant faciles à toute persuasion, pour la simplicité naturelle qui est en ce sexe, ainsi qu'il s'aint Paul le donne entendre, quand il dict gardez vous d'estre seduits par la simplicité qui est en vous, prouenant toutesfois de Iesus Christ, tout ainsi que le serpent a seduit Eve nonobstât qu'elle fust encores en iustice originelle, le diable s'en efforce aussi à cause qu'il cognoist bien que c'est vn organe propre à attirer l'homme à sa volonté, ce qu'il a dès le commencement pratiqué, & pour la troisieme raison ce sexe à cela d'estre fort ardent & tenace à quelque chose que ce soit bonne ou mauuaise, si bien que si la femme s'adonne à bien faire, elle y est plus feruente que l'homme: comme aussi au contraire si elle s'adonne à mal faire il y a plus d'obstination qu'en l'homme, ainsi qu'a bien remarqué s'aint Chrysostome en ces parolles, *Contentiosum est, inquit, hoc animal, & importunum, ac victoriæ amans, siue ad malum declinet siue ad bonum.* Si bien qu'on en

Chrysost.
hom. 4. de
s'ile Ann.

peut parler : comme des anges en commun & dire avec les Theologiens, *Cui adherent, immobiliter adherent*. Dequoy les histoires en sont toutes pleines, entre les prophanes suffira d'une qu'on trouue entre les histoires romaines, de Martine fort noble dame iadis à Rome, laquelle se delibera de ne parler n'y regarder homme du monde iusques au retour de son mary Torquat⁹, qui estoit mandé par les Romains en pais estrange, pour y conquerir des villes & prouinces, aduint vnze ans apres qu'à Rome fust mené vn homme sauuage n'ayant qu'un œil au milieu du front, trouué au deserts d'Egypte, ce qu'elle entendist par le rapport de sa chambriere dont elle fust esmeuë d'un tresgrand & tresardant desir de le voir; mais elle ne vouloit interrompre son dessein iusques qu'un iour ce sauuaige passoit au deuant de sa maison & luy fust intimé ^{figuré} par sa chambriere qu'il passoit, ioinct qu'elle entendoit aussi le bruit qu'on en faisoit parmy la rue, comme c'est la coustume d'un peuple quand il void passer quelque chose admirable, elle toutesfois cohiba tant ses passions qu'elle ne

Theodore
lib. hist.
cap.

voulust iamais soy monstrier à la fenestre pour le voir, dont elle en mourust peu apres. Entre les histoires Ecclesiastiques suffira aussi celle qui par Theodore^e recitée des femmes aussi romaines; lesquelles voyant que leurs maris senateurs & autres n'osoient parler à l'Empereur en faueur de Tiberius Pape de Rome qu'il auoit meschamment banny à cause qu'il ne vouloit condescendre à l'heresie, elles se delibererent d'y aller & tant crier & l'importuner qu'elles ne cesserent iusques à ce qu'il eust reuocé leur pasteur. L'escriture aussi en est toute pleine. Iudith & Hester nous doiuent suffire d'exemple, à propos de celles qui aimēt Dieu; & la maistresse de Ioseph avec Hicabel pour celles qui s'adonnent à mal faire. Comme donc on void par experience encores auioird'huy que les femmes de biē (iaçoit que leur naturel soit procliué à cōpassion) gettent les premieres pierres contre les forciers & crient plus haut qu'il les faut brusler; aussi void on par experiēce semblable, que plus sont obstinées & adonnées les femmes forcieres aux malefices, & aux moins de con-

science commettent choses plus execrables que non pas les hommes, tellement qu'on trouue que ce sont elles qui suffoquent les petis enfans, les portent & presentent au diable & font de leur graisse longuent, dequoy toutesfois les hommes forciers ne s'en messent point du tout ou peu souuent. Et c'est la raison pourquoy la premiere prohibition qui est faicte en la loy de Dieu de ses malefices, elle s'adresse aux femmes & non pas aux hommes; ainsi qu'a bien remarqué Sanctes Pagninus, disant que la où nous auons au nombre plurier en l'Exode 22. chap. *Maleficos non patieris uiuere*, il y a en la fontaine Hebraique, le mot Mechashepha, qui signifie vne femme forcier; & le sens est tel, tu ne permettras que la femme forcier viue, à cause dit-il, que c'est vn mestier bien plus ordinaire & commun aux femmes que aux hommes, ce qui est tout euident par l'histoire de Saul, lequel auoit faict mettre à mort tous les forciers & magiciens, nonobstant en fin se voyant abandonné de Dieu par ses iniquitez, s'estant delibéré d'auoir recours au

Exode. 22.

Sanctes

Pagninus

in thesauro.

1. Reg. 28.

DISCOVRS

diable, il demanda à ses seruiteurs y a il
 point aucune femme forcier? cherchez
 moy, dict-il, qui ayt vn esprit & que
 i'aille à elle, pour sçauoir par son moyē
 ce que ie veux, où est à noter que Saul
 ne demande pas s'il ya quelque homme
 forcier: mais s'il y a quelque femme:
 comme voulāt dire que quoy qu'il eust
 faict, ne pouuoit estre qu'il n'y eust en-
 cores quelque femme de ce mestier, & à
 la verité il est presque impossible d'en
 venir à bout d'elles, cōme on peust plus
 aisément venir à bout des hommes; &
 de faict il n'a esté frustré: car ses cour-
 tisans qui s'adrescoient volontiers à tel-
 les gens, (comme c'est leur coustume) il
 luy en nommerent promptement vne,
 à laquelle estant arriué Saul, elle faisoit
 ses protestations d'estre fort femme de
 bien & de ne vouloir entreprendre tel-
 le chose prohibée de Dieu & du Roy:
 mais estant vn peu flattée avec belles
 promesses, vous fist bien tost venir vn
 diable à son seruice, pour autāt les He-
 brieux ne se sont contentez de les ap-
 -peller des mots communs à tous for-
 ciers hommes & femmes, lesquels nous
 auons recueillis au precedent chapitre:
 mais

mais ils ont voulu leur bailler vn nom
 ſpecial qui ſ'entende proprement des
 femmes, ainſi qu'on peut voir en Helie
 Leuite en ſon thisby, lequel recite que
 ſelon les traditions des Hebreux il y à *Helias le-*
 des femmes qu'ils appellent meres des *uita in Thi*
 diables & les nōment du mot de Lilith, *sby.* 93. a/
 leq̃l mot viēt d'vn autre nō hebreu qui
 ſignifie la nuit & c'eſt pourautant qu'el-
 les vont de nuit, ce que ayant imité les
 Latins les ont appelez Striges ou La-
 mies; qui ſignifient oiſeaux & monſtres
 dangereux qui vont de nuit, & dit en-
 cores le ſuſdict Helie que vn grand ſei-
 gneur ayant demandé iadis aux anciēs
 peres de la Synagogue d'où venoit que
 les petis enfans qui n'ont gueres plus
 de huit iours ſont trouuez morts bien
 ſouuent, il luy fut reſpondu que c'eſtoit
 Lilith qui les mettoit à mort ce que
 nous appellons les forcieres, Car le
 mot Hebreu eſt feminin cōme il ap-
 pert plus clairement par le participe &
 adiectif feminin qu'il met avec ce mot
 Lilith: & parce auſſi que au premier il
 dit que ce ſont Naſhiim c'eſt à dire fem-
 mes. Ce qu'eſtant perſuadé entre les
 femmes des Hebreux, comme elles

DISCOURS

font sur toutes les femmes du monde superstitieuses, elles ont coustume de faire quatre cercles avec de croye ou de charbõ au dehors des quatres murailles de la chambre où gist l'acouchée, y faisant vn cercle en chascune muraille & metât à l'vne le nom d'Adam à l'autre le nõ d'Eue, à la troisieme le mot hhuts que signifie dehors & à la quatrieme le mot Lilith, comme filz disoient (ainsi que i'estime) Adam & Eue sont les premiers parens & progeniteurs de nature humaine, pour autât hors d'icy la fourciere. Au dedans de la chambre ils criuent les quatre noms des quatre anges qu'elles pensent estre protecteurs des petis enfans, à sçauoir Senoy Sanfenoy & Samangueloph; disans que ainsi l'appriust aux femmes des Iuifs Lilith deuant que mourir, & est à presumer qu'il y auoit quelque grande forcierie indis fort renommee entre eux, laquelle on appelloit Lilith pour autant qu'elle alloit de nuit & laquelle enseigna toutes ses superstitions deuant sa mort à ses filles ou autres, depuis telles femmes sont appelez Lilin. Comme que ce soit ce discours d'Elie Leuite monstre

assez l'antiquité des forcieres qui vont de nuit & suffoquent les petis enfans, & faiët entendre que ce ne sont fables, ce que auroit bien plus d'autorité si nous voulions accorder que Iesus fils de Sirac eust composé le liure qui faiët ample mention de toutes ces choses comme il luy est attribué au liure Hebraique. Tant y a que ce mot Lilith est trouué en l'escriture signamment en Esaye 34. par lequel sainct Hierosme a entendu & traduit la forcierre quand il dit *Ibi cubauit Lamia*: Threno. 4. signifiant les femmes qui vont de nuit. & aussi aux lamentations de Hieremie il a interpreté ce mot Lilith pour la forcierre, disant, *Sed & Lamia*, Lamia, dict Duris, c'estoit iadis vne femme laquelle estant ialouse de ce que son mary auoit eu vn enfant d'une autre femme & par grand despit donna ordre de suffoquer c'est enfant & tous les autres qu'elle pouuoit auoir en sa puissance: & depuis telles femmes sont par les latins appellées *Lamia*, lesquelles viennent (comme disoit Hieremie) à mōstrer & presenter leur mammelles

Esaye 34.

Duris lib. 2
de rebns Li
bicus.

DISCOVRS

*Isaye 34.
Threnor.*


aux petis enfans pour les garder de plover & les attirer doucemēt à elles pour les suffoquer plus secrettement. quand donc Dieu menaçoit ou Babylon, ou Hierusalem, que les forcieres y frequenteroient & qu'elles y viendroient à decouvrir leurs mammelles; ce n'est autre chose à dire sinon que tels lieux seroient redigez en solitude & faits deserts entierement, car tels lieux sont frequentez par les forcieres, lesquelles y viennent faire leurs assemblees, y estāt portees le plus souuent par le Diable pour plus librement y exercer le mystere d'iniquité, comme les brigans & meurtriers obseruent aussi semblables lieux. Quant à l'autre maniere de forcieres (qui n'est tant execrable par ce qu'il ny a point de pacte expres avec Sathā mais

*chryso.
hom. 13. in
1 ad Thim.*

seulement tacite) S. Chrysostome Homil. 13. in 1. ad Thimoth. nous enseigne qu'il y faut proceder d'autre façon. *Si quis (inquit) ligaturas inanes, aut aliud quippiam eiusmodi sciēs & prudens sequitur precepto atque imperio tantum arcendus est; sin vero ignarus in ea inciderit, docendus est.*

Responce à ceux qui demandent , quel danger il y a de soy seruir du Diable.

CHAPITRE. VIII.

 Est vne reigle generale à tous ceux qui mettent Dieu en oubly, s'ils negligent long temps d'eux retourner à luy, que de tomber en cecité d'entendement toute semblable à celle des damnez & des diables d'enfer, car comme il y a vne sympathie & simbolization des gens de biē avec ceux qui sont desia en Paradis (si bien qu'ils peuuent dire que cheminās en terre & habitans cy bas ils conuerſent en verité au ciel) tout de meſme en voyons nous aucuns qui ne ſont en riē preſque differens des damnez, voire (comme dit Theodoret) qu'on peut biē dire veritablement qu'il y a des meilleurs diables en enfer, eux eſtans plus meſchans que les Diables: car pour le moins comme dit S. Iaques, *Dæmones credunt & contremiſcunt* mais ceux cy ne croient ny craignent, qui eſt venir à ce que diſoit le ſage que quand l'impie eſt

*Theodoret.
heretic. fabulis.*

DISCOVRS

parueniu au profond & cōble de peché
il se rit & mocque de tout ce qu'on luy
dict, & sans diuaguer plus loing, on le
void par experience à ceux qui ont des-
ia rédu leur pauvre ame captiue au dia-
ble, lesquels pensent que ce soient fa-
ble; quand on leur dit qu'ils seront dā-
nez eternellement. Et quel danger y a
il, disent ils, de commander aux dia-
bles, Iesus Christ ne leur a il point com-
mandé? Dieu ne se sert il point d'eux?
les Apostres aussi n'ont ils pas vſé de cō-
mandement en leur endroict. Aufquels
nous pourrions faire la demande la-
quelle faisoit vn iour sainct Athanase
à Arrius, en luy demādāt, *Si quis Sathanā
adore, ne rectē an malē fecerit?* Auquel sou-
dainement Arrius (bien qu'il fust fort
aucugle d'entendement) respondit, *im-
pius & sine deo est, neque communem sensum
habet, nec meretur hominis appellationem.*
Doncques par la propre confessiō d'un
membre de Sathan nous auons quatre
choses de celuy qui adore Sathan. Pre-
mierement il est plein de toute impie-
té & meschanceté. Secondement il est
vray atheiste en troisieme lieu il faut ac-
corder qu'il a perdu sō sēs & pour le der-
nier il n'est digne d'estre appellé hom-

recte ne an malē

Atha. in di-
sputatione
cōtra Arriū
in Niceno
concilio.

me. En cela Arrius a fort bien dict conuaincu par la verité qu'il surmonte toutes choses. Car si nos premiers parens, sont tombez en tous ces Labyrinthes, & sont à bon droict appelez heretiques, aueugles, incensez, bestes brutes bien qu'ils fussent esté abusez par simplicité & ignorance, n'aians iamais ouy parler de l'astuce & malice du diable, à combien plus forte raison seroient dignes de telles & plus griesues appellations ceux qui ont premierement renoncé à Sathan & à toutes ses œuvres, instruits par la sainte escripture en infinis passages, admonestez si souuent par la bouche de Iesus Christ, des Apostres, de toute l'Eglise, laquelle ne crie iamais autre chose sinon qu'il nous faut fuir, couter, & resister à Sathan, prier Dieu incessamment que ne succombions à sa tentation: à cause qu'il ne dort point, ains est tousiours veillant sur nous comme vn lion affamé & bruiant aux deserts? Si bien doncques que nous sommes venus en ce temps miserable, que comme iadis on disoit que biē heureux estoit celuy qui n'auoit esté abreué de la doctrine d'Arrius, nous sommes

*Terul. lib.**2. contra**Marcio*

au contraire contraincts de souhaitter aux hommes aueuglez de nostre temps pour le moins vne tant bonne consciēce qu'elle estoit iadis à ce miserable & puant Arrius. Car voions ie vous prie en combien de manieres leur sophisme est plain de mensonge. Premièrement il n'est pas vray que l'homme doiue imiter Dieu en toutes choses, ny aussi Iesus Christ son fils. Ains comme disoit quelque bon & ancien pere, *In diuinis rebus quædam sunt credenda, quædam admiranda, quædam Verò imitanda.* Comme quand nous trouuons que Iesus Christ du pain en a fait son corps, c'est vne chose qu'il nous faut croire & non imiter quand il ressuscitoit les morts, cela nous est proposé pour admirer seulement sa diuine puissance, si bien que si quelqu'un attentoit d'en faire tout autant, il seroit iugé vsurpateur de la gloire de Dieu: qui est le vray but où le Diable pretend faire venir par ce sophisme ces pauures aueuglez, comme par ce moyen il a fait tresbucher nos premiers parens, leur persuadant d'aspirer deestre comme Dieu: tout ainsi cōme il auoit desia practiqué en luy mesme &

ſçachant que ce auoit eſté le vray moiẽ
 par lequel il auoit eſté expulſé à iamais
 de Paradis pource qu'il auoit dict en
 ſon cœur *Similis ero altiſſimo* ; & auoit
 auſſi perſuadé à l'homme & à la femme
eritis ſicut dii ; ainſi fait-il à l'endroit de
 ceux cy qui veulent auoir autant d'au-
 ctorité comme Dieu ; n'aduifant point
 que Dieu eſt authœur & createur de tou-
 tes choſes viſibles & inuiſibles comme
 le monſtre ſainct Paul, *Ex ipſo & per ip-
 ſum & in ipſo ſunt omnia ſue quæ in cœlis
 ſunt ſue quæ in terris ſunt, Viſibilia & in-
 uiſibilia ; & in ipſo ſelectitur omne genu cœ-
 leſtium terreſtrium & infernorum.* Et pour
 ce comme createur d'icelles creatures il
 en peut vſer comme bon luy ſemble, &
 ce par le droict de creation qu'il a ſur
 toutes creatures par lequel il eſt adoré
 d'adoration de ſouueraineté qu'on ap-
 pelle Latrie propre & peculiẽre à luy
 ſeul. *Adorate deum*, diſoit S. Iean. *Qui ſe-
 cit celum & terram mare & omnia quæ in
 eis ſunt.* Or en cela nos Luciferians (ainſi
 peuuent ils eſtre appelez pour eſtre i-
 mitateurs de Lucifer) veulent eſtre ef-
 gaux à Dieu comme s'ils eſtoient com-
 pagnõs de Dieu en la creation des ſub-

stâces visibles & inuisibles, & en veulêr
 vser & disposer à leur cōmoditez & bō
 plaisir; sans auoir esgard que Dieu cōme
 s'est reserué plusieurs choses ausquelles
 n'appartiêt en façon quelcōque à l'hō-
 me d'y toucher; comme sont sa propre
 gloire, de laquelle il dit, *Gloriam meā al-
 teri non dabo*: La cognoissance des pēsees
 interieures de l'hōme, la vengeance de
 nous ennemis, & la puissance de souue-
 raineté qu'il a sur toutes ses creatures, au
 nōbre desquelles sōt les malins esprits,
 qui sont soustenus & conduits sous sa
 prouidence, ne plus ne moins que les
 meschans hommes qui s'arment en ce
 monde contre luy, l'autre faute commi-
 se en ce sophisme est que la reigle ou ba-
 lance de toutes noz actions doit estre la
 parolle de Dieu, de laquelle il ne fault
 decliner ny à la dextre ny à la senestre.
 Or la parolle de Dieu nous prohibe si
 estroitement telle commerce ou fami-
 liaritez avec Sathan qu'elle commande
 que celuy qui s'adressera au Magiciē ou
 forcier, pour faire quelque chose que
 soit (ores qu'il ne parle au diable) qu'il
 soit sans misericorde lapidé, nous ensei-
 gnant par ce moyen que c'est vne vraye

Idolatrie, par ce qu'on laisse au besoin le vray Dieu pour auoir recours à son aduersaire, & en luy mettre son appuy & en luy mettre toute son esperâce, recognoissant qu'il reçoit tel bien de luy qui n'est autre chose que l'adorer/ & pratique, ce qu'il disoit quelquefois, *Hæc omnia tibi dabo si cadēs adoraueris me.* Qui a esté l'ocasiō de la ruine d'Ochofias, Saül, & plusieurs autres qui pouuoient aussi biē dire que nous atheistes & magiciēs, quel danger y-a-il de soy seruir d'eux au besoin, puis que Dieu s'en sert quand il veut. La troisieme faute, que tant s'en faut qu'on face cōme Iesus Christ, qu'au contraire on fait tout autrement. Car Iesus Christ tant s'en faut qu'il euoque à soy les diables, qu'il s'est muny & armé contre leurs tentations, par la successiō des Sacremens, prieres, & ieusnes admirables: & quād Sathan s'est à luy présentée sans estre demandé, il le repoulse en arriere avec rudes parolles disant, *Vade retrō Sathana; scriptum est, dominum Deum tuū adorabis & illi soli seruies.* Par lesquelles parolles le diable la quitte, ne pouuāt endurer si on viēt à luy resister, & pour autāt S. Iaques aiat esgard à c'est exēple

DISCOVRS

de Iesus Christ, Il nous baille ceste leçon disant *Resistite diabolo & fugiet à vobis.* Conformemēt S. Pierre qui disoit aussi, *Cui resistite fortes in fide*, voila ce que nous est commandé de faire à l'exemple de Iesus Christ prier & ieusner avec fins qu'il n'aproche de nous & au cas qu'il se presente de luy mesmes, de luy résister par le moien de la foy & le repousser aigremēt de nous, ainsi que fist sainct Martin comme recite Seuerus Sulpitius le voiant aupres de luy va dire, *Quid hic astas crucenta bestia?* & c'est le commandement qu'à esté faict à l'homme dès le commencement du monde, pour nous le rendre plus odieux, Dieu a voulu faire vne loy d'inimitié entre les hommes & le Diable, disant, *Inimicitias ponam inter te & mulierem inter semē tuum & semen illius.* Je veux (diēt Dieu) qu'il y ait inimitié mortelle entre le serpent & la semence de la femme, sçachant bien ce grād gubernateur & preuoyeur de l'vniuers que quelque beau pretexte qu'il puisse auoir il ne demande que la ruine de l'homme; cōme nous auōs desia dit des crocodilles d'Egypte, qui feignent la voix humaine pour de-

uorer l'homme. Il est dōc de besoin que l'homme apprenne en ce faict icy la sagacité & prudence des chiens d'Egypte lesquels cognoissant leur malice & rapacité sanglante quand il vont le long du Nil apres leurs maistres, ils ne s'arrestēt iamais à boire à ce fleuve: que si la soif les presse par trop, ils boient tousiours en courant sans si arrester aucunement: de mesmes l'homme doit euitier toutes œuures de Sathan: que si quelquesfois les pensées mauuaises se presentent, il ne faut nullement s'y arrester, mais passer outre en destournāt l'entendement de telles cogitations, autrement si nous y arrestions, serions en danger d'estre deuorez, car la conclusiō est veritable qu'il ne va iamais en lieu quelconque sinon pour deuorer quelque vn à ceste occasion nostre seigneur, qui n'ignoroit pas sa sanglante malice, n'a voulu permettre qu'il le confessast estre fils de Dieu; car il ne disoit cela, (comme a bien remarqué saint Athanase) que pour faire tort à Iesus-Christ & abuser le monde par ce moyen. La quatriesme faute est qu'on ne regarde point comme Iesus Christ a baillé puis-

*Erasme in
Chiliad.*

*Lnc. 4.
Athan. o-
rat. 1.
contra Ar-
rian.*

DISCOVRS

face à ses Apostres & à leurs successeurs par dessus les Diables. En premier lieu ça esté pour luy briser la teste & le mettre dessus nos pieds : comme il auoit esté predit que la semence de la femme luy casseroit sa teste venimeuse, ainsi disoit Iesus Christ à ses Apostres, *Vedi vobis potestatem calcandi supra serpentes;* & sainct Paul par apres, *Deus autem contrahat Sathanam sub pedibus vestris.* En second lieu telle puissance a esté baillee à l'Eglise par le merite de la mort precieuse de Iesus Christ à la charge de le chasser & repousser, en troisieme lieu aussi que le tout soit faict & exercé par l'inuocation du nom de Iesus Christ. lesquels deux points sont cōprins en ces paroles. *In nomine meo demonia eiicient.* Or les forciers & magiciens n'vsent point du diable pour luy casser la teste en luy resistant, mais ils le flattent & appellent à eux avec certaines choses que emportent vne subicction & recognoissance; & à brief dire ils l'adorēt premieremēt. Pareillemēt au lieu de les chasser & expulser ils les font venir pour leur demander aduis ayde & faueur: ou Iesus Christ ne vouloit endurer qu'ils parlassent &

Origen. ho
mi in nume
ros.

pour l'autre (cōme a biē remarqué Ori-
 gene) cela n'est point faict par force &
 violence en inuocquant le nō de Dieu,
 mais seulemēt par vne certaine familia-
 rité cōmerce & accord qu'ils ont avec
 eux; de maniere que le tout bien confi-
 deré ils font tout au rebours & contrai-
 re de Iesus Christ & des apostres, biē est
 vray que quelques fois ils font semblāt
 de pleurer encore qu'il n'en soit rien en
 verité: & à ce propos S. Augustin recite
 vne histoire d'un certain magiciē qui se
 vātoit de pouuoir cōmāder aux esprits,
 disant que quād ils estoient trop tardifs
 à faire ce qu'il vouloit, en les menaçant
 de faire descēdre le ciel si bas qu'il tou-
 cheroit la terre, ils executoient prōpte-
 mēt sa volōté: craignāt d'estre brisez en
 tre le ciel & la terre où ils demeurent, tout
 ainsi que le grain est brisé en piēces en
 tre deux meules de moulin: mais qui ne
 verroit que c'estoient regrets & pleurs
 de crocodilles, c'est à dire fictiōs sathani-
 qs pour piper les gēs, car premieremēt
 de faire descēdre le ciel en terre il n'est
 mesmes en la puissāce des anges, ausqs
 cōme dit S. Paul Dieu n'a point assue-
 ty l'vniuers de ceste machine ronde: *Nō
 enī* (diēt-il) *Angelis subiecit deus orbem.*

*August. lib
 10. de ciuit
 6. 11*

DISCOVRS

Tant s'en faut qu'ainſi ſoit qu'il ne ſeroit en la puiſſance naturelle de tous les malins eſprits de tourner le ciel de la Lune qui eſt le moindre de tous, car cōme Dieu a limité les mouuemens naturels du corps humain à l'ame raiſonnable, ſi bien qu'il n'eſt en la puiſſance des Anges de faire viure ce corps de vie vegetatiue, ſenſitiue, ou humaine, encores qu'il ſoit en leur puiſſance de y entrer dedans, comme nous voyons aux energumenes & poſſedez: ainſi Dieu a limité la puiſſance paſſiue du mouvement des cieux à certains anges qu'il y a deputez ioinēt que c'eſt choſe ridicule d'eſtimer que les eſprits puiſſent eſtre brifez/ils font dōc quelquefois des bons valets (comme ils ſont cauts & plains d'aſtuce) pour couper la gorge à leur maiſtre. Et c'eſt la cinquiēſme erreur qui les aueugle, puis qu'ils ont opinion que Sathan ſe rend à leur ſeruiſſe, car comment eſt il poſſible que le Diable ſe rēde ſeruiteur & eſclaue d'un hōme qui n'eſt qu'un ver de terre: attēdu qu'il ne veut par ſō grād orgueil, qui mōte touſiours, eſtre ſeruiteur de Dieu leq̃l il ſçait toutesfois eſtre ſō createur?

Comment

Commēt (di-ie) fera-il du laquay pour
 f'humilier à l'homme puis qu'il a mieux
 aimé estre priué de sa part de paradis &
 felicité eternelle, mieux aimé estre à ia-
 mais en vn feu, que de recognoistre Ie-
 sus Christ pour son chef luy ayant esté
 proposé qu'il seroit homme, non, dit-il,
 en son cœur deuât que recognoistre vn
 homme, vn verd de terre, j'ayme mieux
 estre damné; ainsi que tresbien la ex-
 pliqué ce deuot & ancien pere sainct
 Bernard. Il faiët donc le semblant de
 vouloir faire seruice à l'homme: mais
 c'est pour estre son maistre: car s'il se
 plaist de posseder corporellement vn
 homme à cause qu'il se rend maistre de
 son corps, à plus forte raison il se plaist
 d'auantage quand il peut posseder par
 ses ruses la pauure ame en luy ostant la
 cognoissance de Dieu: car quand il pos-
 sède le corps, tel tourment est souuent
 instrument de salut. Comme dict sainct
 Paul. *Tradidi huius modi Sathanæ, ut spiri-*
tus eius saluus fiat. Mais quand il possède
 l'ame l'ayât retirée de la grace de Dieu,
 c'est vn instrument de damnation. Pour
 autant la saincte escriture nous repre-
 sente Sathan tousiours par exemples de

I. Cor. 5.

choses autant pernicieuses à l'homme que espouuantables & dāgereuses, d'un serpent, d'un dragon, d'un lion bruiant: de peur que nous ne disions comme les atheistes que le diable n'est point si noir qu'on le paint: ains au contraire il est si espouuantable & dangereux qu'on ne le sçauroit assez représenter avec tous les centaures, chiens à trois testes & autres tels monstres representez par les poètes. Si donc quelqu'un vouloit familiariser & approcher de telles bestes furieuses seroit il pas biē hebeté & hors du sens? Ce que toutesfois font & pratiquent les forciers & magiciens. Ce point fust remonstré à Iob lequel auoit en partie experimenté la rage & malice sanglante de Sathan: mais non du tout, ne luy ayant esté permis de faire ce qu'il eust bien voulu. Dieu donc luy décrit Sathan par l'exemple du plus grand & horrible monstre du monde appelé Behemoth. Ceste beste (dit Dieu) c'est la plus effroiable & dangereuse beste du monde, son corps est comme tout maille qui est cause qu'il est plus dur q̄ pierre. & si on le pense briser à grāds coups de marteaux ou à grāds coups de lāces tout

*Hiero. 41.
uersus Vi-
gilant. Iob
40. 41.*

cela ne luy ſçauroit nuire non plus que paille. Si on tafche à l'affommer à grâds coups de pierre d'un rocher, tout eſt fait en vain & ne peut non plus l'endōmager que les eſtoupes : puis de ce monſtre, il dit à Iob, as tu bien opinion de le pouuoir prédre à l'ameçon en la maniere qu'on préd les poiſſons : ou que quād tu te presenteras à luy, penſes tu qu'il ait peur & crainte de toy, *Nunquid multiplicabit tibi preces aut loquitur tibi mollia* : fera il point cōme le chien qui flatte ſon maĩſtre & ſe met à ſes pieds de peur d'eſtre battu : puis s'il eſt queſtion de faire quelque accord avec toy, penſes tu bien qu'il le vueille, ou puiſſe faire ſinō à l'intētion de toy deuorer : *Nunquid feri* ^{feriet} *tecum p^{er}ſu^{um} & accipies eum quaſi ſeruū ſempiternū* : & puis as tu biē opinion de toy pouuoir iouer de luy cōme d'un oyſeau auquel tu mettras vn fillet au pied & le feras voler quād tu voudras ou le retiēdras à tō plaĩſir : *Nūquid illudes ei quaſi au!* En fin pour cōcluſion Dieu dit, *Memēto belli nec ultra addas loqui*, ayez ſouuenāce qu'il eſt homicide dès le cōmencemēt & qu'il eſt tō ennemy capital & te fait inceſſammēt la guerre & ne t'abuses point

a ces folles parolles, de dire que tu t'en
fers cōme d'un seruiteur : car pour tout
vray cela est impossible : car c'est par la
seule foy qu'on le peust maistriser &
non par conuention ou accord : car il est
mêteur & te trompera au besoin & puis
quand il t'aura fait rompre le col contre
sa promesse, deuant lequel iuge le met-
tras tu en cause pour auoir reparation
de sa tromperie, vne autre chose qu'il
faut considerer, c'est qu'estant menteur
& n'ayant eu honte de mentir manife-
stement à Iesus Christ en luy promet-

Matth. 4. tāt ce qui n'estoit en sa puissance disant,
Hæc omnia tibi dabo; il ne faut s'abuser de
dire qu'il rougira deuant l'homme en
luy promettant ce que n'est en sa puis-
sance : cōme de ne pouuoir estre tué en
bataille, ou le garentir, ou aussi deliurer

Grego. Na- de tous dangiers, dequoy nous auōs en
Zian. orat. Gregoire Nazianzene l'histoire de S.
in Cypria. Cyprien, qui se fist forcier & magicien
deuāt qu'il fust chrestien pour pouuoir
iourir d'une fille qu'il aymoist follement.
le diable la luy ayant promise, en fin il
fust cōtraint par cōmandement de Dieu
de luy confesser qu'il luy auoit promis
chose qui n'estoit en sa puissance, qui

*Athanas.
ora. prima
aduersus
Arrianos.*

fust l'occasion de sa conuersion en la religion chrestienne, saint Athanase qui s'estoit rendu familier à Anthionius Monachus, qui a esté vn autre Iob au nouueau testament, il décrit fort eloquemment les ruses de Sathan, il dissimule dit-il & couure ce qu'il est en verité, prenant vne belle espeece externe avec vn beau nom, comme il cognoist que les choses nous reuiennent à gré, en cela semblable à ces pirates qui rencontrent quelquefois les petis enfans au long du riuage de la mer & s'approchent d'eux & les mignardent, les appellant si doucement que son pere ou sa mere n'en feroient point d'auantage: ils leur presentēt des pommes & leur bail- lent certaines petites choses qu'ils sça- uent estre agreables aux petis enfans: mais les ayans attirez ils dresent leurs voilles & les retirent bien loing de leur pere & mere pour les faire esclau- es toute leur vie en estrange païs. A la mien- ne volōté que tous ceux qui se sont ain- si laissez abuser à Sathā qu'ils retinssent bien ce propos de ce grand personnage & qu'ils retournent comme prodigues en la maison de leur pere nostre Dieu

DISCOURS

en quittant ce dur & rude tyran qui ne leur sçauroit faire manger que pures escorces, c'est à dire promettre choses vaines, inutiles, friuoles & pleines de mensonge, comme il est le pere de mensonge que s'ils ne veulent retourner il faudra faire comme la loy de Dieu porte au Leuitique vingtiesme chapitre. C'est qu'ils soient mis à mort de mort non vulgaire: mais telle qu'elle puisse effrayer & seruir d'exemple à toute maniere de gens, ce qui a esté sainctement executé en Auignon la presente annee mil cinq cens octante deux, Ainsi qu'on pourra entendre par la sentence contre eux donnee, l'extrait de laquelle est au prochain chapitre, afin qu'un chascun entéde combien telles gens sont esloignez de la cognoissance de Dieu & dignes de feu. Seulement auons à noter pour resolution de ce discours, ce qui est enseigné par Tertuliã, à sçauoir que iamais Iesus Christ ny ses Apostres, ny gës de bien en l'eglise n'ont euoqué ou appelé à eux les esprits malings: mais seulement les ont chassiez & expulsiez

en vertu de la parole de Dieu; & quant est de Iesus Christ, il est dict en l'euangile, *Erat Iesus eiiciens demonium, si in digito dei eiicio demonia*, & en somme il appert par l'euangile que tout ce que Iesus Christ en faisoit en leur endroit c'estoit seulement pour cest effect qui est de les chasser & rendre odieux & abominables aux hommes, aussi n'a il baillé autre puissance aux Apostres sinon de les chasser: comme appert Mathieu 10. où est dict que les ayant esleuz pour les Apostres il les enuoya leur baillant puissance sur les esprits immondes, à cest effect, de les expulser & chasser, *Dedit eis potestatem* (dit le texte) *Spirituum immundorum, eiicient eos*, pareillement apres sa resurrection les enuoyant par tout le monde, il n'oublie de leur bailler puissance sur les diables: mais il declare que c'estoit seulement pour leffect susdict, à sçauoir de les chasser, disant, *In nomine meo demonia eiicient*, qu'on lise les actes des Apostres, & ne trouuera on autre chose d'eux sinon qu'ils

DISCOVRS

chassoient les malins esprits, & depuis eux en l'eglise de Dieu iamais vn homme de bien ne surpassa ceste limite; & ceux qui ont passé plus outre en cela se sont declarez n'estre de l'eglise de Iesus Christ: mais de l'escolle de Sathan, & c'est ce que Tertulien en disoit en ses parolles, *Nos non inuitatoria operatione sed expugnatoria dominatione tractamus*, & en vn autre endroit il dict q̃ les seuls chrestiens chassoient les diables, cōme voulant dire que les payens & magiciens auoyent quelques commerces avec les esprits malings, mais les seuls chrestiens ne s'en mesloient iamais sinon pour les chasser, suiuant la puissance qu'ils en auoyent receu de Iesus Christ, voyez les passages citez au commencement de l'epistre lumineaire de ce liure.



EXEMPLAR SENTEN-
TIAE CONTRA FASCINA-
rios lata Auenioni, anno
domini 1582.

Visis processibus contra N. N. N.
 &c. coram nobis cōstitutos reos ac-
 cusatos & delatos, quibus tam per
 vestram & quorumlibet vestrum relatio-
 nem ac propriā confessionem iudicialiter co-
 ram nobis factam in qua sepius repeti iura-
 mento vestro medio, quā per testium depo-
 sitiones eorūque accusationes & alias legiti-
 mas probationes, Ex dictis actis & processu
 resultantes nobis legitimè constitit & constat
 quod vos, & vestrum quilibet, Deum nostrū A. I. pars. p.
 omnium creatorem & opificem vnum & tri-
 num abnegastis, & immitē diabolum, hostem
 antiquum humani generis, coluistis; vosque illi
 perpetuò deuouistis, & sacratissimo baptisma-
 ti & his qui in eo fuerant susceptores leuantes
 & proparentes vestræque parti paradysi &
 eternæ hæreditatis, quam pro vobis & toto vide. A. I.
 genere humano dominus noster Iēsus Christus part. 2.
 sua morte acquisiuit, coram præfato cacode-

- mone, in humana specie existente abrenunciastis: infundente ipso rugiente diabolo denuò a-
 C. 3. quam quam accepistis: vestro vero mutato nomine in sacro baptismatis fonte vobis imposito; sicque aliud commentitium nomen vobis imponi fictitio baptis mate passi fuistis & accepistis, atque in pignus fidei dæmoni data & vestimentorum vestrorum fragmentum & particulam illi dedistis, & Ut à libro vitæ vos deleri & obliterari pater mendacii curaret signa vestrâ propriâ manu ipso mandante & iubente in reproborum damnatorum mortif-
 D. 4. que perpetuæ libro nigerrimo ad hoc parato apposuistis: & Ut ad tantam perfidiam & impietatem vos maiori vinculo deuinciret notam vel stigma cuilibet vestrum, veluti rei suæ propriæ, inussit & illius mandatis & iussis iureiurando super circulo, quod diuinitatis
 E. 5. symbolum est, in terram sculpto (quæ scabellum pedum dei est) per vos & quemlibet vestrum præstito vos obstrinxistis, signo dominico & cruce conculcato: & illi parendo adminiculo
 F 6. baculi quodam nephandissimo vnguento ab ipso diabolo vobis præscripto illiti cruribus & positi per æra ad locum constitutū intempesta nocte, hora cōmoda malefactoribus statisque diebus, ab ipso tentatore portati & translati fuistis: ibique in communi sinagoga

cōculcata - C. 7. part.
 prima.

H. 8.

plurimorum aliorum maleficiorum sortilegorum & hereticorum fascinariorum cultorumque demonum accenso igne tetro post multas iubilationes, saltationes, commensationes, com- I. 9.
 potationes, & ludos in honorem ipsius præst-
 dentis beelzebub principis demoniorum in for-
 mam & speciem foedissimi & nigerrimi hir- K. 10.
 ci immutati ut deum re & verbis adorastis:
 & ad illum complicatis genibus supplices ac-
 cessistis: & candelas piceas accensas obtulistis:
 & illius foetidissimum ac turpissimum anum
 (prospudor) summa cum reuerentia ore sacrile-th (prospudor)
 go deosculati estis, illumque sub veri dei nomi-
 ne inuocastis, illiusque auxilium & pro vin-
 dicta in omnes vobis vel infensos vel petita
 denegantes exercenda efflagitastis: atque ab
 ipso edocti vindictas, maleficia, fascinationes,
 tum in humanas creaturas tum etiam in ani-
 malia exercuistis: atque homicidia infantium
 quamplurima commisistis, imprecationes, abla-
 ctationis tabes, & alios grauissimos morbos
 ope iam dicti sathanæ immisistis: infantesque
 per vos, nonnullis etiam scientibus tantum &
 annuentibus arte iam dicta malefica oppressos, vide G. 7.
 confossos, & interfectos fuisse, ac denique in part. 2.
 cimiterio sepultos, noctu & clam exhumastis,
 atque in sinagoguam prædictam fascinario-
 rum collegum portastis: denique demoniorum

collegium

collegarum

principi in solio sedenti obtulistis, detractâ &
vobis conseruatâ pinguedine, capite, manibus
& pedibus abscisis: truncunq̃ue decoqui & e-
lixari & interdum assari curastis, iubentēque
ac mandante præfato patre vestro comedistis
& damnabiliter deuorastis. mala denique
malis addendo, vos viri cum succubis, vos mu-
lieres cum incubis fornicati estis; sodomiam
veram & nephandissimum crimen miserè cū
illis tactu frigidissimo exercuistis. Et quod
etiam detestabilissimum est, Augustissimum
Eucharistiæ sacramentum per vos in ecclesia
sancta dei aliquando sumptum iam dicti ser-
pentis à paradiso eiectionis præcepto in ore reti-
nuistis, illudque in terram nephariè expuistis.
Vt cum maiori omnis contumeliæ impietatis
& contemptus specie deum nostrum verum
& sanctum dehonestaretis; ipsum verò dia-
bolum eiusque gloriam, honorem, triumphum
& regnum promoueretis; atque omni honore,
decore, laudibus, dignitate, authoritate & ado-
ratione honoraretis, decoraretis, & honestare-
tis. Quæ omnia grauissima, horrendissima, ac
nephandissima, sunt directè in omnipotentis
dei omnium creatoris contumeliā & iniu-
riam. Quam ob causam, Nos frater Florus,
provincius ordinis fratrum prædicatorum, sa-
cræ theologiæ doctor, ac sanctæ fidei in tota

ista legatione Auenionēsi inquisitor generalis,
 dei timorem præ oculis habentes, pro tribunali
 sedentes, per hanc nostram sententiam diffini-
 tiuam, quam de theologorum & iuris peritorū
 consilio, more maiorum in his ferimus scriptis:
 Iesu Christi domini nostri ac beatæ Mariæ
 Virginis nominibus piè inuocatis, dicimus, de-
 claramus, pronunciamus, & diffinitiuè senten-
 tiamus, vos omnes supra nominatos & ve-
 strum quemlibet fuisse & esse veros apostatas
 - idolatras, sanctissimæ fidei defectores, dei om- + idolatras
 nipotentis abnegatores & contemptores, sodo- + defectores
 miticos & nephandissimi criminis reos, adul-
 teros, fornicatores, sortilegos, maleficos, sacrile-
 gos, hereticos, fascinarios, homicidas, infantici-
 das, demonūque cultores, sathanicæ diabolicæ
 atque infernalis disciplinæ & damnabilis
 ac reprobæ fidei assertores, blasphemos, per-
 iuros, infames, & omnium malorum facinorū
 & delictorum conuictos fuisse. Ideo vos
 omnes vestrumque quemlibet, tanquam satha-
 næ membra, hac nostra sententia curiæ secula-
 ri remittimus, realiter & in effectū condignis
 & legitimis pœnis eorum peculiari iudicio
 plectendos.

DISCOVRS

Scholies sur la sentence donnee contre
les sorciers.

I. A. Pars
prima.

Conste

PEr Vestrā propriam confessionem
Ec. & infra Ec. Cacodæmone
inhumana specie existente, Ec.

Comme il ~~contre~~ par le procès,
trestous hommes & femmes conuien-
nent en cela que le diable s'apparust à
eux en forme d'homme : mais les occa-
siōs sont diuerſes. Vne fême depose (car
il appert que les femmes ont tousiours
conduict les hōmes à ce malheur : com-
me Eue fist à Adam) qu'estant fort me-
lâchologique & presque hors de sens pour
la perte qu'elle auoit faicte d'une sien-
ne fille, n'auoit gueres trespasſée, vn cer-
tain homme tout vestu de noir aagé de
vingt cinq ou trente ans s'apparut à elle
en luy disant, ie vois bien (dit-il) bonne
femme que vous estes en grand fâche-
rie, toutesſois si vous me voulez croire
ie vous feray bien heureuse. Les autres
deposent que du temps de la grande fa-
mine, quand pauures gens estoient con-
traints de manger des herbes sauuages
& de faire seicher & cuire le fient des
cheuaux & des asnes, comme elles n'a

uoient nul moyen de bailler à manger à leurs enfans, vn certain homme s'apparust vestu de noir, aagé, saluât & parlant comme dessus est dict, pour les attirer à luy, vray est que la plus part d'elles depose que pour la premiere fois il ne les fist condescendre à son intention: mais bien à la seconde fois ou à la troiefisme, quand ils l'eurent vn petit accoustumé. Surquoy on se doit prendre garde combien est à Dieu agreable & profitable à nos ames, d'ayder aux pauvres gens en les consolant en leur desolation, ou les secourât en leur pauureté & necessité: attendu que c'est autât que les garder ou tirer de la gueulle de ce grand lion infernal: & n'est sans cause si des œuures de misericorde il nous sera faicte mention speciale au grand iour du iugement, ou à nostre salut, ou bien à nostre condemnation. Car comme dit saint Iaques, quiconque destournera vn ame du chemin de perdition, il *Matth. 25.* gaignera & sauuera la sienne & courra par ce moyen la multitude de ses iniquitez, ce q̄ cognoissant les Apostres *Iacob. 5.* pour la premiere pollice qu'ils ordonnèrent en l'eglise, ce fust d'auoir gēs deputez *Act. 6.*

au miniftre & feruice des pauures:& preuoyās qu'une famine deuoit furuenir en leur temps, ils firent de bōne heure vne quefte generale par toutes les villes où il y auoit des chreftiēs pour se-

Act. 2.

2. Cor. 16. courir les poures à leur neceffité. à quoy fingulieremēt S. Paul s'employe fort, cōme il appert par fes epiftres/& mandoit on tel argent de bien loin: cōme de Corinthe, Theffalonie, & autres villes, en Hierufalem & par la Iudee, où il y auoit grande pauureté à caufe des guerres ordinaires & garnifons qui eftoient mifes

Pfal. 18.

par les Romains, fi bien que comme de leur predication il eft dict, *In omnem terram exiuit sonus eorum*, auffi pourroit on dire de leur aumosne, *In omnem terram exierunt elemosinæ eorum*, & à leur exemple les premiers Empereurs & Princes chreftiens : comme Constantin & autres donnerent grande abondance de bien temporel à l'église & fonderent infinité des hospitaux; fi biē que Iulian l'apostat, ne pouuant nier que ce ne fust chose fort sainctement & piteusement faicte, il ordonna que plusieurs hospitaux fussent bastis & rentez richement, ne voulant estre en ce faict (comme

Nicepho.
Histo. eccle-
siasti. cap.

me

me il disoit) surmonté des Chrestiens. De ce fait d'oc tant execrable sont coupables ceux qui tiennent le bien de l'eglise, & aussi tous ceux qui ont honne^{ment} ^{abondamment} du bien de ce monde: à ceux cy, dis-je, seront presentés ces pauvres gēs qui se sont en ce monde vouez au diable & desdiēz à luy, à faute qu'on ne les a voulu secourir. D'autre part les pauvres gens doiuent considerer que Iēsus Christ vray fils de Dieu & Roy de gloire, il s'est voulu faire pauvre en ce monde, pour nous faire entendre qu'il nous faut pour l'amour de luy endurer toute pauvreté, quand il luy plaira nous l'enoyer, considerant que telle misere est instrument de salut & nous forge iournellement vne couronne de gloire, enrichie de tous les thresors & pierres precieuses qu'on pourroit dire ou penser: comme il est aduenü veritablement au pauvre Lazare qui n'auoit seulement des miettes de pain qui cheoiēt deffous la table aux chiens: encores *Luc. 16.* qu'il fist son pouuoir & deuoir d'en demander, ayant eu tousiours sa confiance en Dieu & prenant sa pauvreté en patience il a esté digne d'estre porté

- apres sa mort par les anges de paradis
 au deuant de Dieu. Iesus Christ : mes-
 men n'auoit le plus souuent vn oreiller
 pour reposer sa teste, & son berceau
 à sa natiuité fust vne creche, sa couëtte
 ce fust la paille & le foin; brief, comme
 dict saint Paul, *Cum diues esset, egenus pro*
nobis factus est. Or doncques quād à l'ap-
 parition visible du diable, on ne la doit
 trouuer estrange, mesmement en ce
 temps, duquel a esté predict que, *Soluetur*
Sathanas, car il est apparu visiblement à
 Eue parlant familièrement avec elle; &
 quand est de la forme humaine, on ne
 peut nier qu'il ne se soit en telle forme
 présenté à Iesus Christ iusques à pren-
 dre des pierres & les luy monstrier, en
 disant, *Dic ut lapides isti panes fiant*, pour
 le regard des bons anges il n'y a nulle
 difficulté, attendu qu'à tous propos, sin-
 gulièrement au liure du Genese, il est
 faict mention des anges qui se repre-
 sentoient aux hommes en forme hu-
 maine; & si les diables ont représenté
 des serpens grenouilles & autres cho-
 ses deuant Pharaon & tout le peuple,
 il n'est de merueille sil se représente
 à l'homme en forme d'homme, ainsi

Math. 8.

Luc. 2.

2. Cor. 8.

Apoca. 20.

Genese. 3.

Math. 4.

Exode. 8.

qu'il se presentoit souuent à Iob durant sa temptation: comme le mon-^{Iob. 2.}stre & preuue saint Iean Chrisosto-^{Christo.}me, disant que les messagiers qui luy^{homel. 3.} venoient apporter les nouuelles, sou-^{de patient.}dainement l'vne, quand & quand apres^{Iob.} l'autre, ~~disant~~ s'estoient diables en guise d'hommes, car autrement on ne sçauroit bien accorder comment par voye ordinaire vn homme estant dans vne maison qui s'accable, tout à vn coup puisse eschapper la ruine d'icelle maison, ny aussi que les degasts estans faicts bien loing l'vn de l'autre (comme des brebis consommées par le feu qui descendist du ciel, des chameaux qui furent prins par les Chaldéens, la maison qui fust abbatue) peussent estre rapportez si à propos, que ce pendant que l'vn parloit encores, l'autre venoit pour apporter d'autres nouuelles: ioint que Sathan (ayant permission de tuer non seulement les brebis: mais aussi les bergers: & non seulement accabler la maison, mais assommer tous ceux qui estoient dedans) il n'est vray semblable qu'il voulust faire grace à vn seul, luy qui est sanguinaire & meur-

trier de l'homme & loup rauissant, qu'il tue premierement tout ce qu'il peut rencontrer, attendu qu'il estoit en sa puissance de faire aussi bien les messages que les meurtres & desgats pour ce qu'il auoit eu permission de faire tout ce qu'il vouloit à l'endroit de Iob, excepté vne seule chose, *Tantum* (dict Dieu) *ne tangas animam eius*. Or c'estoient ces nouuelles qui le temptoient le plus, donc il n'y a inconuenient de dire que ce fust le diable : aussi le texte ne dict pas iamais, recitant les desgats, que vn seul en fust eschappé : mais seulement que celuy qui portoit les nouuelles le disoit : ainsi comme l'escriture a recité que L'Amalechite contoit à Dauid qu'il auoit tué Saul. Combien qu'en verité il ne fust ainsi : car Saul s'estoit

2. Reg. 1. tué luy mesme (comme il est dict, *Irru-*
-it super gladium suum) à plus forte rai-
 1. Reg. 28. son ce pere de mensonge pouuoit dire vne chose pour autre : ainsi donc saint Chrysostome ne trouue estrange de dire que le diable ce soit apparu à Iob en forme d'un messager ou seruiteur aagé (comme il est à presumer par tels messagers & tant soudains) de vingt-

cinq on trente ans. Sainct Augustin ne
 s'est contenté de dire que cela se puisse
 faire : mais aussi il donne la raison : August. lib,
7. de trinit.
c. 7. 8. lib.
83. quæst.
 comme cela se faict, c'est par l'applica-
 tion des causes naturelles, moyennant
 lesquelles il forme tel corps que bon
 luy semble quant aux qualitez & quan-
 tité, qui ne sont que purs accidens, &
 mouuent aussi d'un mouuement local
 tels corps : mais non qu'il les viuifient
 comme faict l'ame raisonnable le corps
 humain, car tel corps est vn corps
 mort & n'a que les seuls accidens ex-
 terieurs, qui semblent auoir vie par le
 mouuement qui est operé par les an-
 ges secrettement : tout ainsi que par
 les anges les corps celestes sont tour-
 nez & meuz d'un mouuement local,
 ores que tels corps ne soient viuans,
 par ainsi resoult sainct Augustin, *Dia-*
bolus aptat sibi corpus aliquod tanquam
vestem. & en telle maniere il est sou-
 uentesfois apparu visiblement à sainct
 Anthoine, comme le recite sainct A- Athanas.
In Antho.
Seuerus Sul-
pic.
 thanase : & aussi vne fois à sainct Mar-
 tin, comme l'escrit Seuerus Sulpitius,
 bref iamais aucun pere de l'eglise chre-
 stienne ne n'a que cela ne se puisse

*Epiphan.
Tertul. de
carn. chri-
sti.*

2. Cor. II.

Matth. 28.

*grego. Na-
zian. de
orat. Cy-
prius.*

faire, ou qu'il n'ait esté fait, en verité les Marcionistes & Manichéens, qui trouuoient estrange que Iesus Christ fust esté par vn diable touché; & pour ce ne nioient pas que le diable ne se fust visiblement & corporellement démontré à luy : mais ils aymoient mieux dire que Iesus christ n'auoit vraie chair, ains seulement vn corps tout semblable à celuy qui peut estre formé par les esprits : Nous auons d'abondant saint Paul qui nous enseigne que Sathan se transforme en ange de lumiere, c'est à dire qu'il prend quelquefois vn beau corps humain en la maniere des bons anges pour se familiariser aux hommes comme nous voyons à l'euangile des bons anges qui s'apparurent aux bonnes dames qui cerchoient Iesus Christ au sepulchre : elles virent deux anges qui estoient comme iouuenceaux de dixhuiet ou vingt ans. Doncques c'est vn point hors de controuerse en l'escriture & aux docteurs de l'eglise. Parquoy ce seroit ignorance & temerité d'en d'oubter, s'il y a à ce propos infinité d'histoires : comme de ce que recite saint Gregoire Nazienze-

ne d'un magicien auquel le diable parla familièrement : mais ce que dessus doit suffire pour n'exceder la iuste mesure d'escholies, seulement auons à remarquer qu'entre autres predictions de la fin du monde, saint Hipolyte a escrit que grand nombre de diables s'apparoistront aux hommes en forme humaine; & que estant ainsi couuers de forme humaine s'assembleront aux montaignes spelonques & lieux deserts, toutes lesquelles predictions conuiennent proprement aux depositions des fortieres. A ce propos sera bon de remarquer l'antiquité & autorité de ce glorieux martyr, pour resouldre plusieurs points trouuez au lieu prealegué qui pourroient offencer les personnes, il estoit plus ancien que Origene, au moins contemporané, attendu que *Hiero. libr. de scripto. ecclesiast.* saint Hierosime recite mesmes par ses homelies quil preschoit, Origene assistant à ses predications, il est donc à presumer, puis quil faisoit estat de parler des choses futures, non comprises expressement en l'escriture, ou bien quil auoit quelque fois le don de prophetie duquel plusieurs estoient douez en

Cor. 1. 13.
14.

Irenee lib.
cap.

Eusebe lib.
histo. ecclē.

pent

85. 6/38. 6

l'eglise primitiue : comme l'enseigne
sainct Paul, & duroit encores du temps
de sainct Irenee ou bien qu'il auoit ap-
pris telles choses des disciples des
Apostres; comme sainct Irenee recite
auoir escrit plusieurs choses, les ayant
aprinſes des disciples de sainct Iean
l'euangeliste, & qu'il luy soit aduenue
comme à certains autres voisins des
apostres, lesquels ayās fidellement gar-
de ce que les plus familiers disciples
des apostres leur en disoient, ont vou-
lu adiouster quelques autres choses de
leur cerueau : comme ils le pouuoient
coniecturer d'eux mesmes, enquoy ils
se sont abusez : ce qu'on void claire-
ment en Irenee, Papias, & autres, ainsi
est il aduenue à ce sainct personnage au-
quel on veut remarquer plusieurs pro-
pos veritablement procedens de l'es-
prit de prophetie, & aussi d'autres pro-
uenans de son iugement particulier.
à ces derniers il faut mettre celuy de
l'antechrist[#] qu'il dict deuoir estre vn
diable prenant forme d'homme ce
qu'il donne assez à entendre quand il
ne l'affirme absolument : mais il en-
tremesse que quant à luy il en a tel-

le opinion, *Hanc opinor* (dit-il) *dilecti carnis suæ substantiam phantasticam assumet organi vice*. Pourroit bien estre aussi que toutes ces choses luy auroient esté recitées par les disciples des Apostres: disans que sur la fin du monde vn prince des diables se demonstrera aux hommes ayant forme humaine & leur parlera comme vn homme faict à l'autre pour les seduire: & dauantage qu'il aura vn grand nombre d'autres diables avec luy en forme semblable: mais que ce bon pere auroit de là conclud par soy mesme que l'antechrist doncques seroit tel, & pour autant il adioust ce mot *opinor*, à ce propos, ce qui est fort vray-semblable & mesmes necessaire pour excuser ce grand personnage lequel adioust aussi qu'il y aura sur la fin du monde plusieurs malings esprits en forme humaine, *Dæmones inquit, congregabit humana specie*. Et c'est ce qu'en deposent les sorciers qu'il s'en trouue vn si grand nombre à leurs assemblées que hommes & femmes en ont chascun vn pour leur donner du plaisir abhominable: sainct Augustin ayant esgard à l'escriture qui dict que

Hipol. ora.
de fine se-
culi.

August. lib.
20. de ciuit.

cap. 8.

tertul. lib.
de anima
c. de som-
niis.

enfilés

les trois ans & demy derniers & auf-
quels regnera l'antechrist, toute puis-
sance sera permise aux diables; il de-
mande ceste question, à sçauoir si pour
lors les peres chrestiens pourront bap-
tiser leurs enfans & resister aux incur-
sions des diables, qui seront pour lors
fort frequentes. Tertulien dict qu'ils
n'ont aucune difficulté naturelle d'en-
trer par tout ou ils veulent: pource que
quant à leur nature Dieu ne les a point
circonscripts ou limitez à aucun lieu: &
pource, dict-il, il n'y a homme au mon-
de qui puisse nier que les diables n'en-
trent non seulement aux maisons: mais
aussi dedans les cabinets. *Nemo (inquit)
dubitauerit domos quoque demoniis patere;
nec tantum in adytis, sed in cubiculis homines
imaginibus circumuenire.* Et donnant la
raison, il adioust, *Utique non clausa vis
est, nec sacrariorum circumscribitur termi-
nis: vaga & peruolatrica & interim libera est.*
Et c'est ce que veut conclurre saint
Augustin que puis qu'ils seront pour
lors desliez, ils pourront facilement
aller par tout: mais non pas qu'il fail-
le entendre pourtant qu'ils puissent
estre en diuers lieux: comme bien le

preuue sainct Iustin martyr en la question quarantiesme. Or de cela on en void desia quelques commencemens par les frequentes apparitions qu'ils font à ceux qu'ils ont abusé, à l'endroit desquels ils font quelques operations qui sont manifestement diaboliques; & comme disoit sainct Paul parlant des disciples de Simon Magus & autres semblables: *Qui & nunc operatur in filios diffidentiae*, Conclusion, le diable peut former de telle forme & figure que bon luy semble, vn corps prins de l'air, & s'en reuestir, s'il n'est particulièrement cohibé par la diuine prouidence: comme nous auons déclaré cy dessus. & ainsi le resoult sainct Thomas, apres sainct Augustin en ces parolles *Potest formare corpus ex aëre cuiuscunque formæ & figuræ, vt illud assumēs in eo visibiliter appareat.* P. P. Q. II4. Ar. 4. Ad. 2. B 2.

Scholie seconde.

Deum Verum omnium creatorem & opificem vnum & trinum abnegastis &c. & infra, & sacratissimo

DISCOVRS

- baptismati*, &c. que le diable tafche per-
fuader à l'homme de nier fon Dieu c'est
chofe ordinaire, *V'ënit diabolus*, diët Ie-
fus Chrift, & *tollit verbum de corde eo-
rum, ne credentes falui fiant*, ainfi il eft au-
theur de toutes les heresies qui furent
iamais, entre lesquelles on en trouue
qui ont introduict pluralité de dieux:
comme Basilides, Carpocrates & autres.
Les Ariens ont nié la faincte Trinité,
il a perfuadé aux atheiftes qu'il n'y a
point de Dieu: & le tout il pratique feu-
lement pour vſurper la gloire de Dieu:
car il pretend touſiours paruenir à ce
qu'il diſoit dès le commencement di-
ſant dans ſon cœur. Je ſeray ſemblable
au treshaut: pour autant tresbien diët
ſainct Auguſtin, que ce que plus ſou-
haite le diable: c'eſt qu'on luy preſen-
te les honneurs qu'on a de couſtume
preſenter à Dieu; *Dæmones, inquit, diui-
nis honoribus gaudent*, ce qu'il ne peult au-
cunement extorquer des chreſtiens, ſi
premierement ils ne nient la Trinité
des perſonnes: la foy de la ſaincte Tri-
nité eſtant ſuffiſante pour empêcher
toute eſpece d'idolatrie: car par icelle
nous croyons vne ſeule vnité en Tri-

Luc. 8.

Irene. lib.

1. Tertul.

lib. aduer-

ſus Valëtin.

Eſa. 14.

Auguſt. lib.

10. de ci-

uitate cap.

& lib. 20.

com. Fauf.

Manich.

cap. 22.

nité & vne seule Trinité en vnité, que
faict que autre chose ne peut estre ado-
rée & recogneuë pour Dieu excepté le
Pere, le Fils & le saint Esprit; nostre
foy estant limitée à ces trois personnes,
& faisant par consequent exclusion de
toute autre chose, qui est à ces trois
personnes autant inferieure qu'est la
creature au createur / il failloit donc que
Basilides & autres semblables eussent
entierement perdu la foy de la sainte
Trinité, puis qu'ils admetoient plu-
sieurs dieux; & aussi les Arriens & Sa-
belliens, puis qu'ils n'accordoient les
trois personnes en vnité d'essence &
Trinité de personnes. Le diable donc
ny creature quelconque ne pouuant
estre adorée du chrestien, fil ne quitte
premierement la foy qu'il a en la sain-
cte Trinité; Ce n'est de merueille si le
diable en sa synagogue requiert cela
premierement des chrestiens : car au-
trement il ne sçaurroit passer plus ou-
tre, dont vient qu'à peine trouuera on
heresie, si on veut bien regarder de
pres, laquelle ayt iamais entierement
retenu la croyance de la sainte Trini-
té : ce que nous voyons estre pratiqué

DISCOVRS

sainctes
aux atheis
mes traicté
de la sain-
cte trinité.

Hipolyte
orat de an-
techristo.

82.6/88.6

Saintescript
vray h. v.

2. Thessal-
lonis. 2.

mesmes à ceux de nostre temps, qui
sont vrais Sabelliens & mal sentans de
la distinction des personnes: & qui ont
ouuert le chemin aux Trinitaires de
nostre temps qui se moquent de la
saincte Trinité : comme si c'estoit vne
chimere ou chose sainte par l'esprit hu-
main. Par mesme raison il faict renier
le baptesme lequel nous est conféré
au ^{nom} ~~nom~~ de la sainte Trinité. Sainct
Hipolyte, fort ancien pere & martyr,
ne faisoit difficulté d'accorder que le
diable s'apparoistroit sur la fin du mon-
de, visiblement aux chrestiens pour
leur dire, ie veux que tu renies ton ba-
ptesme : car il pense que l'antechrist se-
ra vn diable vestu d'un corps humain
seulement en apparence, enquoy il
n'est fuiuy, parce qu'il appert par saint
Paul qu'il sera vray homme & en fin
mis à mort par la puissance de Iesus
Christ : mais comme qu'il soit il dict
que le diable fera dire ces propres mots
aux chrestiens, *Nego creatorem coeli &*
terre, nego baptisma, nego adorationem à me
deo præstari solitam: tibi adhæresco, in te cre-
-de, & l'autre raison c'est pource qu'au
baptesme nos ames sont fiancées & es-

pouſſée à Ieſus Chriſt, où nous receuons de luy l'aneau de la foy, ſi avec cela nous renonçons expreſſément au diable & à toutes ſes œuvres : Au baptême auſſi exorcismes & comme les appelle ſainct Auguſtin *exuflations*, ſont faciles contre Sathan, & voila pourquoy il faiet pluſtoſt renier le baptême que tout autre ſacrement: & que de longue main il ayt voulu auſſi auoir ſon baptême pour faire touſiours le ſinge de Dieu, Tertulien en eſt teſmoin ſuffiſant, *Hic quoque, inquit, ſtadium diaboli recognoscimus, res dei æmulantis cū & ipſe baptiſmum in ſuis exercet*, & puis il vient à conclure que pour ceſte occaſion l'on venoit à experimenter de ſon temps que les diables frequentoient fort les fontaines & les puis.

*Tertul. lib.
de baptiſ.*

Scholie troiſieſme.

M*Utato vero nomine, &c. aliudque commentitium, &c.* Il y a deux choſes à cōſiderer ſur ce point pour l'inſtruction des peres & meres, le premier c'eſt de leur faire impoſer

DISCOVERS

noms qui puissent servir d'instruction
aux enfans pour faire teste au Diable:
le second de les pourvoir de parrins &
marrines qui soient gens de bien: car
puis que le Diable ne se contēte de fai-
re renier le baptesme, mais aussi il faiēt
renōcer aux parrins & marrines & leur
chāge le nom imposé au baptesme c'est
signe evident que telles choses luy sont
contraires: ce que est tres-veritable:
Pour autant nous voions que les anciēs
peres des Hebreux impositoient noms
à leurs enfans, le iour de leur circoni-
sion (ainsi qu'il appert par les histoires
euangeliques de la Circoncisiō de Ie-
sus Christ & de sainēt Iean Baptiste) à
cause que pour lors ils estoient entiere-
ment deliurez de la puissance de Sathā
& estoient enrollez sous l'enseigne
du vray Dieu pour virillement comba-
tre à l'aduenir cōtre son aduersaire qui
est le Diable: Comme dōc iadis les sol-
dats au iour qu'ils estoient receuz sous
l'enseigne d'un Empereur ou Capitai-
ne ils faisoient enregistrer leurs noms
pour estre tousiours prests à marcher
quand ils seroient nommez, tellement
qu'à l'Empire Romain *Nomen dare*: si-
gnifie

LUC 1. 2.

gnifie tout cela; ainsi à ce sacrement on imposoit les nōs pour faire auoir tousiours souuenāce aux enfans de ce qu'ils auoiēt promis & soubs qu'elle enseigne ils debuoient militer, mesmes, cōme remonstre saint Hierosme, telle estoit la coustume entre les gentils qui se conduisoient bien moralement selō la loy de nature, de n'imposer à leurs enfans noms vains ou friuoles, mais plustost prins des noms appellatifs qui signifiet quelque vertu : lesquels ils faisoient propres à leurs enfans pour leur donner instruction de viure iouxte la signi- *Hiero. pro*
 fication de leur nom : ainsi trouuons *log. in lib.*
 nous plusieurs auoir esté appelez de *1. cōmēt. in*
 ces noms, Victor, Castus, Commodus, *Micheam.*
 Pius, Probus, & entre les Grecs Sophronius, Eusebius, Theophilus : Mais il y auoit autre obseruation entre les peres de l'ancien testament : Car combien que plusieurs feussent appelez des nōs signifians les bonnes mœurs, comme le mot de Michée qui signifie humilité : toutesfois le plus souuent on y adiuoist le nom de Dieu, comme en Heliſee, Samuel, Abdias, Zacharias, Esayas, ce qui est regle generale aux Anges,

DISCOURS

*Chrysoſt.
hom. 12 in
1. ad Cori.
Gen. 45.*

qui ſont nommez Michaël, Gabriel, Raphaël: ou au moins ils retenoient le nom de quelque ſainct perſonnage, pour eſtre imitateur de ſes vertus & pour ceſte cauſe s'eſmerueilloiēt ceux qui aſſiſterent à la circoncifion de ſaint Iean Baptiſte, qu'on le vouluſt appeller Iean, attendu qu'il ny auoit perſonne de ſa race tant illuſtre qui fuſt ainſi nommé: Ce que monſtre aſſez qu'ils retenoient les noms de leurs bons progeniteurs, autant ou plus exactemēt que l'heritage qu'on leur delaiſſoit: qu'a eſté cauſe ~~que~~ ſaint Chryſoſtome admonēſtoit le peuple de n'vſer d'aucune choſe vaine au Baptēſme: ſinguliere-ment d'oſeruer ceſte reigle de n'impoſer autre nom aux enfans que les noms des ſaincts, & quant aux enfans de bien retenir ce nom, & ne permettre qu'il leur ſoit changé à autre par aucun euenement; & faire comme Ioseph auquel Pharaon ayant changé le nom en ſa mode Egyptienne ſi voulut il non-obſtant retenir ſon premier nom, comme il appert, quand il diſt *Ego ſum Ioseph frater Veſter*: Auſſi l'eſcripture l'appelle touſiours du nom

Dan. 3.

de Ioseph, mesprisant l'autre prophane imposé par Pharaon : autant en ont fait Daniel & ses trois compagnons : car bien que Nabuchodonosor eust nommé Daniel d'un nom Chaldeen de Balthazard, & les autres trois des noms, Sidrac, Misac, & Abdenago, nonobstant quand Daniel escript, son liure il dict tousiours *Ego Daniel*, comme aussi les trois enfans estants dans la fournaise : disoient. *Benedicite Anania, Asaria, Misael, domino* ; ne recognoissant autres noms fors ceux qu'on leur auoit imposé en Iudee : & la raison de cecy est baillee par saint Chrysostome, tels noms dict-il estoient imposez pour seruir d'instruction aux enfans d'estre imitateurs des saints dont ils portoient le nom : car si on n'est imitateur de tel saint, c'est chose assurée, (comme il dict ailleurs) que les prieres & merites de tel saint nous profiteront beaucoup à nostre salut / de là il vient à conclurre qu'il ne faut imposer les noms des hommes pecheurs, ores qu'ils soyent esté illustres en ce monde, ou bien nos progeniteurs ; à raison que telle imposition ne leur scauroit

de rien seruir sinon (peut estre) d'esguillon pour estre imitateurs de leur orgueil & mauuaise conuersation, doncques sont reprehensibles les peres & meres qui desdaignans les noms des saints, ils ayment mieux leur faire imposer les noms des Payens & Idolatres qui bruslent maintenât au feu d'enfer. Est à doubter que si nostre Seigneur eust voulu nommer le mauuais riche par son nom à l'Euangile, qu'on prendroit plustost ce nom pour l'imposer aux enfans que non pas le nom du Lazare ; mais il ne la voulu faire pour plusieurs & bonnes raisons: entre lesquelles, peut estre, celle icy en est vne / l'on void doncques que c'est vne Astuce de Sathan puis qu'il abhorre le nom baillé au Baptisme, & selon la façon de faire plus commune aux Chrestiens, prins des noms des saincts qui nous aident & portent faueur spécialement pour cela: & les Allemans sont remarquez d'auoir fort long tēps retenu vn certain barbarisme en deux choses, à sçauoir d'auoir mangé le lard sans cuire, & aussi la chair des cheuaux; & pour le second d'auoir imposé

Allemans, Caribares

les noms des Scytes à leurs enfans quand ils les baptifoyent, combien que en fin estants mieux instruits, ils s'en soient emandez. Pareillement il leur faut choisir parrins qui soyent gens de bien, laquelle coustume est fort ancienne en l'Eglise & practiquee depuis Thelesphore Pape en ça, lequel n'estoit que cent ans apres la mort & passion de IESVS-CHRIST. Car pour ce que la foy au Baptisme n'est infuse au petit enfant pour operer, mais seulement pour purifier l'ame; il luy faut vn parrin pour l'instruire aux œuures de la foy & protester pour luy qu'il croira en IESVS-CHRIST, & fera de son eglise/autant en faut il faire pour vn muet & sourd: comme a touché sainct Hierosme:& aussi pour l'induire à receuoir le sacrement de cōfirmation où l'enfant baptisé viēt à ratifier la promesse par ses parrins & marrines faicte par luy au baptisme:& consequemmēt il vient à receuoir nouuelle grace pour estre corrobore en icelle contre tous assauts de temptations/dont vient que pour autant qu'en ce temps ce sacremēt ^{de cōfirmation} est negligé de plusieurs, le diable trom-

DISCOURS

Euſeb. lib.
hiſtor. eccl.
Cip. li. cpi.

pe tant de gens: & leur faiſt renoncer facilement leur baptême qu'ils n'ont encores approuué, en leur faiſant dire ſeulement, ie ne tiens pour faiſt ce que mes parrins & marrines ont faiſt pour moy: & pour ceſte meſme raiſon ſainct Cyprian ne ſ'eſmerueilloit ſi Nouatus auoit quitté la foy promiſe au baptême: car il ne l'auoit dict-il ratifiée par le ſacrement de cōfirmation. A quoy doiuent eſtre vigilans les paſteurs de l'eſgliſe & auſſi les peres & meres de peur qu'il n'aduienne aux vns & aux autres, comme à Hely & a ſes enfans, auſquels ſont oppoſez diametralement Anne & le petit Samuel.

Scholie quatrieſme.



ESTIMENTORVM *veſtro-
rum fragmentum*, &c. Le
diable n'a beſoin d'aucune
choſe que nous puiſſions
auoir en ce mōde (excepté
la foy infuſe & la grace de Dieu) toutes-
D.4. fois, pour ce que comme ia auons
allegué de ſainct Auguſtin, il ſe plaïſt
grandement qu'on luy face hommage

comme à Dieu, il veut que ses pauvres hebetez en signe de recognoissance, luy presentent quelque chose, comme est vne piece de vestemēs à ses pauvres gēs qui n'ont rien plus cher entre les biens de fortune, que leur vestement; & pour autant Dieu prohibe fort estroitement en la loy ancienne, que aucun ne prenne pour gage le vestemēt du pauvre; ou sil le prend, il fait commandement à telle personne de luy rendre deuāt que le soleil se couche, autrement, il menace telle personne d'en prēdre vengeance. Ainsi verrons-nous que ceste maudite beste veut qu'on luy presente le meilleur de ce qu'on peut auoir: quant aux biens de fortune il veut du vestement; & quant aux biens de nature il demande les enfans; & quād aux dons de grace & biens spirituels, il demande la Foy & le Baptisme, il a demandé aussi quelquefois le sang de l'homme, cōme nous trouuōs des sacrificateurs de Baal, quād ils vouloient faire descendre le feu du ciel, ils picquoient leur chair avec des lancettes: Mais pour ce qu'on auroit horreur de ce faire, il luy suffist de ce qui viēt apres aux biens personnels qui

3. Reg. 18. sont les vestemens, & peut estre qu'il
veut estre par cela recogneu speciale-
mēt comme Roy : car c'estoit la coustu-
me des Iuifs, quand ils vouloient reco-
gnoistre quelqu'un en qualité de Roy,
de despouiller leurs vestemens, & les em-
ployer au seruice de tel Roy, en les
mettāt deffous ses pieds, dequoy no^s en
auons l'histoire de Iehu, & aussi de Iesus
Christ receu en Hierusalem avec triō-
phe le iour des rameaux. On pourroit
donc bien appliquer à ces pauvres mi-
serables l'adage des Grecs, qui dit tra-
duit en Latin, *Veste circumfers ignem*. Car
4. Reg. 9. tel vestement leur sert d'un signe exte-
rieur, qu'ils se sont obligez à iamais au
feu eternel; & d'auantage leur accom-
moder l'autre qui dit, *Vestis virum facit*.
Math. 21. A ce propos fait aussi ce que disoit Ter-
tulien, *Diabolus tunc se regnare putat, quā-
do sanctos à religione Dei deturbat*.

Scholie cinquiesme.



IGNVM seu stigma cuilibet ve-
strum, &c. Le seul poinct est
suffisant pour conuaincre tous
ceux qui pensent que ce soiēt

songes: car l'experience monstre eui-
 demment que telle marque qu'ils ont *Tertul. lib.*
en leur corps est tellement lepreuse, *2. aduersus*
qu'elle est parfaictement insensible, si *Indæos. c.*
 bien que (comme auons veu de noz *probatio*
 œils, & prouué avec vne esguille ou es- *Natiuit.*
 pingle) si subtillemēt, on vient à ficher *Christi*
 là dedans vne espingle, elles ne sentent *E. 5.*
 non plus que si elles ou eux estoient
 vray ladres: mais il se faut garder qu'ils
 ne s'en apperçoient, car ils font sem- *Tertul. lib.*
 blant de sentir, comme que soit goutte *de corō.*
quelconque de sang. n'en sont iamais: *mili. & de*
 cestefacon de faire est fort ancienne à *baptismo* *† fort*
 Sathan. Tertulien dit que le diable a de *Ephe. I. 4.*
 coustume de marquer les siens; & c'est
 pour cōtrefaire Dieu qui nous marque *Iean. 2.*
 interieurement au Baptisme d'une
 marque ou caractere inherant à nostre
 ame, comme le disoit saint Paul & saint
 Iean; & aussi il veut que nous soyons
 marqués exterieurement par le chref-
 me & signe de la croix, aussi Sathan
 marque en l'ame des siens de la marque *Tertul. lib.*
 de peché & non content encores il veut *de veland.*
 adiouter vne merque exterieure, & *virg.*
 combien que possible il ne merquoit
 iadis les siens d'une merque semblable,

Apoc. 13. 14.
16. 19.

Apoc. 13.

Hypolit. o-
rat. de con-
summat.
mundi.

Hippolyte

H 82. 6 / 85. 6 /

(car comme dit Tertulien le propre du Diable c'est de controuer tous les iours quelques nouuelles façons de faire) cy est-ce que ce point est si clair en l'écriture que rien plus saint Iehan predisant souuent en l'Apocalypse, que sur la fin du monde il y aura certaine maniere de gens qui porteront la marque ou caractère de la beste &c qu'il faut entendre corporellement à la lettre, comme les textes le donnent entendre, quand il est dict que par telle marque on aura accez avec les hommes peruers qui porteront ladiete marque à la main ou ailleurs, & quand il n'y auroit que ceste seule experience elle nous donne assez à entendre qu'il faut ainsi prendre ces textes à la lettre comme aussi quād le Diable est appellé au mesme passage vne beste qu'il faut entendre qu'il se doibt presenter en forme de beste comme nous le verrons practiqué cy apres, ce que fort bien remarque & predict S. Hypolyte martyr tres-ancien vsant de ces propres mots & parlant du Diable, qui debuoit prendre vn corps fantastique: *Adducet inquit, eos ad adorandū ipsum ac sibi obtemperantes sigillo suo notabit. De*

maniere qu'il semble veoir que ces pauvres idiots de forciers & forcieres eussent leu l'oraison de ce glorieux martyr si proprement leurs depositions conuiennent à ce qu'il en apredict.

Scholie sixiesme.

S*V*per circulo quod diuinitatis symbolũ,
est &c. La raison est bonne de dire ^{F.6.}
que ce cercle est Symbole de la diuinité à cause que telle figure n'a ny commencement ny fin: on pourroit aussi dire que la figure qui plus est esloignée de la figure de la croix, c'est la figure circulaire la croix, ayant par nécessité quatre bouts: ou ceste icy n'en a vn seul, il vse des marques les plus esloignées qu'il peut trouuer au signe denostre redemption & de sa ruine: qu'il ne peut voir ~~comme~~ ^{comme} aux siens, comme l'escrypt Nazianzene de Iulien l'Apostat ^{NaZian}
lequel il quitta soudainement qu'il eut ^{senus orat.}
fait le signe de la Croix/à quoy s'accordent plusieurs histoires recètes de certains qui se trouuans en telles assëblées ^{quarta cõ}
faisant le signe de la croix estoient de- ^{Iullian. apost.}
laissëz seulz sur le champ: ce que aduint

dernièrement (ainſi qu'il eſt plus ample-
 ment deduiſt au procéz faiſt en Aui-
 gnon contre ces forciers) à vn ieune
 garçon mené à la ſynagogue par ſon pe-
 re voyant choſes toutes enormes il fiſt
 (comme tout eſpouuanté qu'il eſtoit)
 le ſigne de la croix, en diſant ces paro-
 les, Jeſus qu'eſt-cecy ? & ſoudain tout
 diſparuiſt & il demeura ſeul; & le lende-
 main s'en reuint à ſon village qui eſtoit
 loin de ceſte Synagogue (qu'ils appel-
 lent) de trois lieux & accuſa ſon pere
 de l'auoir mené là, depuis les villageois
 ſes compatriotes l'appelloyent en leur
 langage maſguillon, c'eſt à dire le petit
forcier, lequel garçon eſt encores à ce
 iour aux priſons du palais d'Auignon,
 detenu pour luy faire deſcouvrir d'au-
 tres choſes. Ainſi doncques Sathan fait
 effacer la croix en ſa préſence, & enſei-
 gne à ſes diſciples de faire d'autres mar-
 ques qui ſoient fort différentes, & voi-
 re (s'il ſe peut dire) contraires au ſigne
 de la croix, dequoy on ſe pourroit ap-
 perceuoir aux caracteres des magiciens
 qui ont eſté mis meſchamment en lu-
 miere par Agrippa grand promoteur
 de la ſecte de la beſte. On peut encores

mediter (car le diable sous vne chose
 externe couure mil impietez) ce qu'en
 sçauoit Iulian l'Apostat, qui estoit hom
 me fort familier au diable, lequel inter-
 pretoit que la croix enclose dans vn
 cercle signifioit qu'il falloit presser &
 abolir la religion de Iesus Christ : &
 qu'en peu de tēps apres tel signe, cela se
 roit executé. Lō trouue aussi que le Liō
 bruiāt voulāt deuorer sa proie il faict a-
 uec sa queue premicremēt vn cercle, du
 q̄l la pauvre beste n'ose sortir en manie-
 re quelconque, de grande peur qu'elle
 conçoit de son aduersaire: & ainsi pou-
 uons nous appliquer au Diable ce petit
 mot, apres saint Pierre, *Circuit quæres*
quem deuoret. Si bien que ces pauures he-
 bestes depuis qu'ils ont presté le sermēt
 ils sont tousiours en craincte qu'on leur
 rompe le col, mesmes par leur confessiō
 propre, s'estans librement asseruiz à ce
 cruel tyran & pratiquans ce qui est es-
 crit: *Qui facit peccatum, seruus est peccati:*
à quo quis superatus est, eius & seruus est. Cō
 me au contraire il est dict des gens de
 bien. *Si manseritis in sermone meo vere li-*
beri eritis; & ubi spiritus domini, ibi libertas.

Nazianze.
 orat.

In Iullian.
 Apostat.

I. Pet. 5.

Ioan. 8

II. Petri II

Ioan. 5,

2. Corinth.

3.

Scholie septiesme.

Abben Ezra
In leuitic.
Leuitic 19.
Sanct. pag.
in thesau.

AD MINICVLO baculi quodā nefā-
disſimo unguento, &c. Que de
longue main les forcieres ayēt
vſé des baſtons, il appert par
ce qu'en a eſcrit Abben Ezra ſur le Le-
uitique, où eſt prohibé de faire aucun
acte appartenāt à l'art diabolique, où il
explique par quels moyens cela ſe pra-
tiquoit, & dict (comme Sanctes Pagni-
nus a traduit ſes poroles) *Non facietis ex-
perimenta per figuras, per baculos, per opera,
per motus, per dies, & per horas*: En quoy
il ſemble auoir touché les principaux
points comprins en ceſte ſentence &
procés des forcieres: car pour les figures
nous y voyons le cercle; pour les œu-
res, les mauuais actes qu'ils commet-
tent ſur les morts, & ſingulierement ſur
les petits enfans (comme nous dirons
cy apres) pour le mouuement, le tranſ-
port des corps d'un lieu en autre; pour
le iour & heures, le Ieudy enuiron la
minuiēt, auquel ſeulement ils ſont trāſ-
portez comme treſtous ont conuenü en
cela: peut eſtre pour ce que le diable

veut auoir les premices & estre reconnu au premier reng de la sepmaine: car les Turcs celebrent le Vendredy, les *Apoc. 2.* Iuifs le Samedy, les Chrestiens le Dimanche, & quant à luy il s'est mis deuât tous pour auoir la premiere celebratiõ: Et n'est-ce pas la hauteſſe de Sathan de laquelle est eſcrit en l'Apocalypſe, que heureux ſeront ceux-là qui n'auront point cogneu ny experimenté, *Altitudinem Sathanæ*: Finalement par les baſtons dont parle ce Docteur Hebrieu, nous y voyons les baſtons qu'ils mettent entre les iambes, choſe laquelle ce grand & docte Rabin n'a point aduacé ſans bon teſmoignage de l'Eſcripture: car comme remarque propremēt Arias Montanus, De cela eſt faite mentiõ en *Oſe. 4.* Oſée quand il eſt dict: *Populus meus in ligno ſuo interrogauit, & baculus eius annunciauit ei*; Pourroit eſtre que le diable cõtrouuoit ceſte maniere de faire pour cõtrefaire Moyſe qui vſoit d'un baſton ou verge pour faire choſes admirables; & auſſi Aaron lors que ſon baſton ſe fleurift, & porta des fruiçts miraculeuſemēt: mais quant à l'onguent duquel ils viennent à oindre tel baſton, & auſſi leur

*Arias mon-
ta. in Oſee*

corps, c'est chose asseurée que le diable pour abuser les gens, & couvrir plus cautelement sa rage, il y fait mettre plusieurs drogues du tout vaines & inutiles à cela, comme herbes, racines & autres choses; Le diable sçachant bien que tels meslanges ne peuvent de rien servir à transporter les corps par l'air d'un lieu en autre, & l'expérience le peut suffisamment enseigner: il fait donc cela pour couvrir sa malice: car son but n'est autre chose en cela sinon de faire commettre des meurtres; ainsi qu'il appert clairement par les depositions de toutes les forcieres, qui conuiennent en cela, que pour la premiere fois suffit d'emprunter de l'onguent de leurs voisines: mais comme elles sont à l'assemblée, il leur est déclaré par Sathan, qu'il faut d'hors en la auoir de l'onguent, & qu'il ne se peut faire sans auoir de la gresse des petits enfans par elles suffoquez: il est doncq bien vray que toutes ces herbes & fleurs ne sont que (comme lon dict) *Parerga* c'est à dire choses que ne seruent de rien qu'à donner quelque lustre à ce qui est principal & premier à l'intention: comme quād vn painctre faict

faict quelques traictz ou lignes à l'en-
tour de l'imaige parfaicte: & ce sont
les belles œuures dont faisoit cy dessus
mention Aben Ezra; Helie leuite aussi
quand il recite que Lilith (c'est à dire la
fême qui va de nuit) entre d'as le cabinet
des acouchées pour tuer les petis en-
fans qui n'ont plus de huit iours, & dit
aussi que les Cherafins, d'ont l'escripture
faict mention, ne se pouuoient faire sans
occasion: saint Hierosime a escrit que
les forciers font leurs malefices par
les moyens des corps mors, *Attingunt,*
inquit, malefici corpora mortuorum. Et Ter-
tulien le dict encores plus clairement à
nostre propos disant, *Pluribus notum est*
demoniorum quoque opera & immaturas &
atroces effici mortes quas incurfibus depu-
tant & vn peu deuant: Per vim (inquit) &
iniuriam seuus & immaturus finis extorsit
& dict là que le diable faict toutes ces
belles besognes par le moien de ceux
qui se sont voüez à luy. A ce propos S.
Augustin s'esmerueille en soy mesme,
& demande pourquoy est-ce que Dieu

G 7 Pars. 2

Helias in
thiboy. 7 61. ap. 61Hieros. lib. 1
comment.in dan. ad
c. 2.Tertul. lib
de animaf.
3. 79.August. lib
de ciuit. c.

cela procede du iugement de Dieu qui est à nous occulté & caché: & que quand il n'y auroit autre chose que l'obligation que nous auons à la mort pour le peché originel, ce seroit asses pour conclure que Dieu permet tout cela en toute equité: qui n'est chose nouuelle, puis que par diuine permission tant de petits enfans feurent tuez en Egyte par Pharaon & en Iudée par Herode, à cela estant induictz par Sathan: d'abondant il nous faut bien remarquer ce qu'en a escript Apuleius, lequel ioua luy mesme l'histoire l'ayant veue premierement iouer à vne damoizelle sourciere: dont il feust preueni d'estre forcier: & pour autant que de son temps les forciers estoient sans misericorde mis à mort (comme il dict) il fut contraint de faire deux belles apologies par lesquelles il s'en purge deuant les magistrats d'Affrique, bien est vray que aucuns pourroient penser que son histoire fust fabuleuse: mais comme il recite d'un grand orateur, lequel voyant qu'Apuleius ne vouloit croire qu'on pouuoit estre porté en l'air ou changé en chat huant, il luy dit tout court, mon amy vous parlez comme

*Apuleius l.
de asino au
1^{er}o cap. 19.*

*Apuleius
Apol. 1. &
2.*

vn ieune homme qui n'est point experimenté encores en choses d'importance, ioinct qu'il recite qu'apres il en a eu l'experience, & ce qui doit donner plus d'autorité à son histoire c'est que saint Augustin plusieurs fois l'allegue & ne l'estime fabuleuse: il recite doncq que vn soir par le moien d'une chambriere, il vit qu'environ la minuiet la maistresse de la maison s'oignit de certain onguent qu'elle tenoit dans vn pot & que cela faiet elle fut chāgée en chatuant & commença à voller & s'en aller hors de la maison; il designe aussi de quoy tel onguent estoit faiet, à sçauoir de certaines herbes aromatiques & des membres des corps morts ensepuelis & puis deterrez, le tout estat bouilly dans vne chaudiere de cuiure avec de l'eau de la fontaine, du lait de vache, du miel de montaigne, & autres choses semblables, en proferant quelques parolles, de l'art magique, ce qui a esté trouué veritable en ses forcieres qui ont confesse qu'il faut bouillir les corps morts qu'elles viennent à desterrer de nuit, & de la gresse des roignōs en faire l'ōguet avec certaines herbes, & c'estoit la vraie

D I S C O V R S

raison pourquoy les Romains du tēps
d'Apuleius faisoient mourir les forciers
ou forcieres, pourautant qu'ils violoi-
ent les sepulchres pour raur les corps
mors: qui est contre le droict non seule-
ment de nature, mais aussi de toutes gēs
qu'on appelle *Ius gentium*: car si ceux qui
violent les sepulchres, pour y desrober
les bagues & anneaux qui estoient avec
les corps, estoient sans misericorde iadis
mis à mort comme sacrileges, à plus for-
te raison ceux qui se prenoient aux corps
morts estoient griefuement prins, si biē
que Apuleius recite aussi que la nuit
qu'on gardoit vn corps mort à vne mai-
son, on auoit de coustume de gager cer-
tains personages pour le garder, de peur
que les forciers ne le vinssent ou mor-
dre ou despecer: adioustant qu'estant
luy pour vn soir à vne salle commis à
garder vn mort, il vit venir vne bellet-
te qui vouloit ronger ce corps, mais
l'ayant d'escouuerte elle s'enfuit par où
elle estoit entrée/ c'est doncq chose fort
authentique que le Diable ait pratiqué
ceste maniere de faire, que ne pouuant
exercer sa rage sur l'homme qu'il haït
capitalement, il la faict exequuter par

punis.

ses membres, ainsi il contente aucunement sa sanglante malice qu'il a sur l'homme & pour autant il est appelé souuent en l'Apocalypse le dragon ^{ro}ge c'est à dire furieux, eschauffé, & sanguinaire; en ensuiuant ce que disoit Iesus Christ il est homicide dès le commencement: aussi comme Dieu est appelé par les Grecs, *φιλάνθρωπος*, c'est à dire amateur de l'homme, aussi le Diable est appelé *μισάνθρωπος*, c'est à dire haineux de l'homme.

Scholie huiétiesme.

PER *aëra ad locum constitutū, &c.*
 Aucuns doutent s'il se peut faire qu'un corps humain soit porté en l'air, mais cela procede faute d'auoir la cognoissance de la nature & propriété des esprits & aussi de la sainte escripture vn esprit est excellent par dessus tous corps, pour autant il le peut naturellement mouuoir à sa volonté, & c'est que l'homme est spécialement soubz la garde & protection de la prouoiance de Dieu: nonobstant Dieu le permet quelque fois comme il est tout

DISCOVRS

euident quand il trāsporta Iesus Christ du desert au clocher du temple & de là sur vne montaigne; à plus forte raison il peut aduenir quand l'homme miserable abandonne son Dieu pour adorer le Diable, le Diable aussi apportoit du desert d'Egypte de gros serpens au deuant de Pharaon & du peuple: ce que accorde saint Augustin, concluant qu'ils estoient vrais serpens: & apres luy saint Thomas en dit tout autant/ il se faut aussi souuenir de ce que nous auons dict cy dessus d'Apuleius qui recite l'auoir veu de ses œils & de tout ce qu'en auons traité au chapitre sixiesme de ce liure. & ne faut que l'homme trouue cela estrange, que Simon Magus fut porté en l'air par les Diables/ & de peur qu'on ne pense que ce fust par fantasie, il est dict en l'histoire qui se rompit le col estant abandonné (par commandement de Dieu & des bons Anges,) des Diables qui l'auoient esleué en l'air/ aussi saint Hypolyte dict que l'Antechrist se fera porter en l'air par ses Diables/ dequoy il y a apparence en l'escriture. & pour venir aux auteurs plus recens, aucuns chroniqueurs & historiographes recitent que

Berengarius (lequel estoit forcier) fut vne certaine nuit à Rome & à la mesme nuit, il fist vne leçon à Tours en Touraine.

Scholie neuvesme.

Clemens
lib. recogn.
Hyp. or. de
Antichrist.
Thessaloni.
Polid. li. 9.
Histor. ang
Guliel. nau
giac.

l. 9.

Gal. 5.

Exod. 34.

Hieronym.

lib. 3. comē.

in epist. ad
ephes. cap.

4.

S Altationes, compotationes, comestationes, &c. Les œuvres de Satan ou de la chair sont (comme dict saint Paul) méger, boire, yurongner, & paillarder ce que fust effectué au peuple d'Israël quand il dāsoit au deuant du veau. Comme font nos forciers au deuant du Diable, il est dict d'eux. *Comederunt, & biberunt, & surrexerunt ludere. i. fornicari:* ainsi le diable faict icy saulter & danser ses gens, (comme il les apelle) puis il les faict baqueter en fin (comme nous verrōs) aussi paillarder. Saint Hierosme a remarqué ce poinct quand il escrit ces propres mots, *Nam & barbara quedam nomina eorum esse dicuntur, ut sepe confessi sunt hi quos verè vulgus maleficos vocat: & incantationes & preces & colores varii & diuersa vel metallorum quam vel ciborum, atque innuocati asistere dæmones & infæ-*

lices animas capere memorantur. Or quand sainct Hierosme dict que les Diables conuiennent en quelque lieu à cause de certaines viandes qu'on leur promet, il faut cela entendre des corps morts qu'on luy vouë & promet on porter en certain lieu, la ou il les faict cuire & puis manger aux assistans par vne miserable anthropophagie, soit ou pour infirmer l'article de la resurreccion, car cōme argumentoit Pline vray atheiste, comment pourroient les corps resusciter, mesmes par diuine puissance, en leur propre substance, la chair estant par d'autres mangée & desia changée en la propre substance de ceux qui l'ont mangée ? pour leur faire aussi transgresser la pure loy de nature qui est les rendre du tout bestes brutes. Tant y a que quand saint Hierosme escript que les Diables font plusieurs choses pour ceux qui luy promettent certaines viandes; il ne faut entendre qu'ils mangent telles viandes, car ils sont esprits, mais qu'ils induisent les autres à les manger par ce que en cela il y cognoist de l'impieté ou meschanceté, car c'est contreuenir au premier commandement que

Dieu fist à l'hōme apres le deluge pour reformer le droict de nature qui auoit esté par les geans & mauuais garçons fort prophané & contēné. Je vous donne, dict il, permission de manger de tous animanx viuants sur terre, mais ie vous deffens de respandre le sang humain. il faut adiouster & entendre pour manger la chair humaine, car en ce passage de Genese, comme il appert par le texte, il n'estoit question de l'homicide mais seulement de l'usage des viandes, & par ce texte est expressement prohibé l'anthropophagie laquelle le Diable fait exercer à ses gens, comme estant chose toute inhumaine & hors de toute raison: & c'est pourquoy il s'assemble & donne du passetemps aux gens. Au reste quand aux autres viādes qu'il leur fait menger & boire par la disposition des forciers, biē qu'en les māgeāt & beuuāt ils ayēt de la volupté, si est ce q̄ pauures gēsestās de retour en leur maison ils ont autant ou plus de faim que auparauant, & c'est ce que remonstre Saint Thomas disant que, combien que tous corps naturels obeissent aux esprits quand au mouuement & qualitez si est-ce qu'ils ne peu-

Confes

uent changer les substances desquelles
 le seul Dieu est createur, mais seule-
 ment alterer ou changer les accidens: de
 là vient que le Diable ne peut changer
 vne pierre ou autre chose en pain pour-
 tant il faut conclurre que puis que telle
 chose est hors de sa puiffance naturelle, q̃
 telles viandes sont là seulement en ap-
 arence ayās quelques qualitez de pain
 vin ou chair mais telles qualitez ne peu-
 uent long temps durer, car comme dict
 aussi S. Thomas, les œuures du Diable
 ne sont point ny ne peuuent estre long
 temps permanentes, à cause qu'elles
 n'ont point leur vraye substance pour-
 quoy en cela Ies^s christ s'est mōtré vray
 3. Reg, 19. Dieu d'auoir nō seulemēt faict manger,
 mais aussi d'auoir repeu pour long tēps
 les cinq mille hōmes & aussi le pain cuit
 Psal. 14. foubz la cendre mangé par Helye feust
 par diuine puiffance formé; car en vertu
 de tel pain il chemina apres quarante
 iours & quarante nuietz autant en fait
 il dire de la manne du desert laquelle
 fūloit ceux qui en mangoient, comme
 il est dict *Pane cœli saturauit eos* nourrir
 donques & saouller corporellement les
 personnes, cela appartient au seul Dieu

ou par le moyen de ses creatures, ou par
autre puissance extraordinaire: *Iacta*, Psal. 54.
disoit Dauid, *Super dominum curam tuam,*
& ipse te enutriet. & aperies tu domine ma-
num tuam & imple omne animal benedi-
ctione Ce que ne scaichant ces pauures
gens s'abusent apres Satan au temps de
leur necessité, pensant qu'il soit en sa
puissance de les garder de la faim ou d'au-
tre necessité de viandes, ou d'argent cō-
me il leur promet de ce susdict propos
il faut aussi conclure avec sainct Tho-
mas, que quand telles gens sont chan-
gés en chatz, loups, ou outre chose sem-
blable comme les sourcieres ont depo-
sé, & sainct Augustin en fait ample mē-
tion cōme de chose de son temps tou-
te euidente, Apuleius aussi, Vincentius
pareillement en son histoire, & aussi E-
phordiēsis, il ne faut pēser que la vraye
substance de l'homme ou de la femme
soit en ces bestes chāgées (car cela n'est
en la puissance du diable) mais biē qu'il
couure leurs corps d'une nuée d'air ay-
ant telle forme de beste & pour autant
tout ainsi cōme il semble veritablemēt
hōme (car il a prins telle forme de l'air)
ainsi il semble à ceux qui regardent tel-

les perſōnes, & auſſi à elles meſmes que
 ce ſont beſtes, iacoit qu'ainſi ne ſoit en
 verité, ſainct Thomas le conclud ainſi
 diſant, *Illæ tranſmutationes corporalium re-*
um quæ non poſſunt Virtute naturæ fieri; nul-
lo modo operatione dæmonum ſecundum rei
veritatem perfici poſſunt. Sicut quod corpus
humanū mutetur in corpus beſtiale &c. Et
 puis apres deſcriuant le moyen com-
 mēt il ſe faiet en apparance, il diēt: *Cū*
dæmon poſſit formare corpus ex aère cuius-
cunque formæ & figuræ, Vt illud aſſumens
in eo Viſibiliter appareat: poteſt eadem ratio-
ne circumponere cuicunque rei corporeæ quā-
cunque formam corpoream: Vt in eius ſpecie
Videatur. Et le preuue quand & quand
 par vne ſentence de ſainct Auguſtin
 prinſe du dixhuietième liure de la cité
 de Dieu il ſe peut bien faire auſſi, com-
 me il eſt diēt au ſuſdit lieu, que le diable
 imprime en la fantaſie des ^{hommes} ~~Anges~~ telles
 eſpeces, & lors il leur ſcblera voir qu'ain-
 ſi ſoit en verité; comme on void l'expe-
 rience des phrenetiques auſquelz il
 ſemble qu'ilz voient des Crapeaux Ser-
 pens & Dragons volans en la chambre
 où ilz ſont decombans: & ne leur ſçau-
 roient on perſuader du contraire, puis

que telles especes sont autant proprement inherentes au sens commun & en la phantasie, comme si elles y auoient esté transmises par le moyen des yeux: mesmes de Nabucodonosor on ne doit estimer qu'il soit esté veritablemēt chargé en beste, nonobstant qu'en cela la diuine puissance y interuinist: mais qu'il a esté pour vn temps hebetté d'entendement en peine de son peché & puis par grace speciale remis en son bon sens, aussi le texte ne dict pas que sa substance soit esté changée, mais bien son cœur: ce que luy mesmes vient apres à interpreter quand il dict, *Sensus meus reuersus est ad me.* surquoy dict sainct Hierosme, *Quando dicit sensum sibi fuisse reditum: ostendit se formam non amisisse, sed mentem.* Cōme donc vn homme insencé ne faict difficulté d'habiter avec les bestes & manger avec elles: ainsi en est aduenue à Nabucodonosor, iusques à ce que Dieu a eu pitié de luy: & lors il s'est recogneu demandant pardon à Dieu, quand à la femme de Loth, elle a esté veritablement changée en statue de sel: mais ç'a esté apres sa mort où à l'instant d'icelle, comme aussi son corps par succession de

Nabucodonosor.

La femme de Loth.

*Parabola faginis Oniacti.
et Galde inter p̄s et
pluribus habitis h̄c
statua salis vasis deposit.*

*Voluit accipere salis, it̄m ignis qui salis admixtu habet: it̄m statua posuit
exposita quia sal posuit in p̄p̄t̄u est f̄c̄t̄u p̄p̄t̄u. f̄c̄t̄u p̄p̄t̄u
m̄c̄t̄u 13. f̄c̄t̄u. 13. f̄c̄t̄u p̄p̄t̄u f̄c̄t̄u p̄p̄t̄u p̄p̄t̄u p̄p̄t̄u.*

DISCOVRS

temps se feust redigé en terre, ainsi dō-
 q̄s le diable ne peut riē ny sur la substā-
 ce ny sur la figure de l'homme, mais il la
 peut bien couvrir d'autre chose & telz
 seront les miracles de l'Antechrist qui
 seront signes mensongers en toute de-
 ception par art diabolique, ainsi quand
 sainct Augustin traite l'histoire des ho-
 stesses d'Italie qui en baillant vne
 certaine maniere de fromaige qu'elles
 cōposoient, à leurs hostes, & soudaine-
 ment estoient changés en cheuaux mu-
 letz ou asnes leur faisant porter toutes
 charges & hardes qu'elles vouloiēt iuf-
 ques à certain lieu, tels hommes ne per-
 dant point pourtant la raison humaine
 avec laquelle il se voyoient & iugeoient
 estre bestes quant au corps & estans ar-
 rivez audict lieu ils retournoient com-
 me auparauant; il ne dict pas que ce soi-
 ent fables, mais bien que telles choses
 peuuent estre en verité, ou bien par pre-
 stiges seulement. Concluant que quā
 il est ainsi en verité, il ne faut pēser que
 la substance de l'homme soit changée
 en substance de beste, mais que c'est seu-
 lement en aparence externe par opera-
 tion diabolique. *Nec sanē, inquit, demo-*

Miracles de l'Antechrist.

nes naturas creant, si aliquid tale faciunt, de qualibus factis ista vertitur quæstio: sed specie tenus quæ à vero deo sunt creata commutant, ut videantur esse quod non sunt. Et vn peu deuant, parlant d'Apuleius qui recite auoir esté changé en vn asne, il dict qu'Apuleius ou bien il a controuué & fait telle chose, ou bien il a couché par escrit tout ainsi comme elle estoit aduenue, *inquit, ista aut indicauit aut finxit.* Et quant aux fardeaux qu'il portoit il dict que c'estoit le diable qui portoit & soustenoit tel fardeau.

Scholie dixiesme.

K 10.

Q *Olulistis & adorastis in formã & speciem fœdissimi & nigerrimi hirci &c* Que le diable ne cherche rien mieux sinon d'estre adoré cōme dieu, nous l'auons cy dessus monstré: mais à sçauoir en qu'elle forme visible il se presente, nous auons aussi monstré par saint Augustin qu'il ne luy est tousiours permis de prédre telle forme qu'il voudroit ou pourroit naturellement, mais seulement telle qu'il plaist à Dieu luy permettre, & pource dict S. Augu-

DISCOVRS

stin il ne faut faire aucun doubte que si Dieu l'eust permis il eust prins vne plus belle forme que celle d'un serpent quand il voulust tenter la premiere fême: mais Dieu ne le voulust permettre. Singulieremēt quand il se veut faire adorer, il ne se presente point en forme humaine, mais comme les sourciers ont depose quand il est questiō de monter sur l'autel (qui est aux champs vn petit rocher) pour y estre adore il se change soudainement en forme d'un bouc noir, combien qu'à tous autres affaires on le voye ayant figure d'homme. Dieu ne le voulāt permettre parce que Iesus Christ son filz naturel est vray homme, & adore Dieu & homme tout ensemble, à cause de l'union hypostatique qui est aux deux natures laquelle est tant estroicte & indissoluble qu'elle ne cōstitue que vn seul estre, ou qu'une seule personne. Si aussi le diable se feust présenté en forme humaine, noz premiers parens eussent peu estimer que c'estoit le Messie qui estoit desia reuelé & promis à Adam, ainsi que l'explique saint Paul. Dieu donques ne luy permet prédre telle forme du filz de Dieu quād
il se

Genes. 2.
Ephes. 5.

il se veut faire adorer, mais seulement
ou de beste ou de chose monstreuse qui
est demy beste, cōme l'on diēt des Cen-
taures & autres semblables monstres
qui n'estoient en verité que diables. &
luy aduient cōme ce que diēt Plin des
mōstres marins qu'ilz ont trestous vne
queue de serpent par laquelle on co-
gnoist que ce sont vrais monstres. à ce
sens saint Iean repete souuant en l'a- Apoc. 3
pocalypse qu'on viendra à adorer la be-
ste: par laquelle on peut entendre Sa-
than prenant figure de beste. car il n'est
besoin d'aller chercher sens mystiques,
ou ~~ce~~ ^{quand l'on peut} l'on peut veritablemēt verifier
les paroles de l'escripture à la lettre.
Mais quand à la forme de la beste qu'il
prend, c'est chose fort autentique qu'il
se soit présenté en forme de bouc sur-
quoy il faut noter qu'il y a trois ou
quatre passages en l'escripture qui ont
grande apparence de ce poinct: le pre-
mier est au Leuitique dixseptième ou il Leuitic. 17
est diēt, *Nequaquā vltra immolabūt hostias*
suas demonibus. Le second & le tiers sont
en Esaye treisiesme & trente quatrieme Esaye 13 34
où nous auons, *Pilosi saltabunt ibi.* Aus-
quelz lieux y est le mot Hebrieu Schir

DISCOVRS

lequel signifie singulieremēt trois choses au texte de la bible. Premièrement vn bouc, secondement vne chose velue comme Esau qui estoit velu feust surnommé *Sehir*, & les montaignes où il habitoit *Montes Sehir*: Troisiemement signifie vn diable, ainsi a traduit saint Hierosme ce mot au dixseptiesme chapitre du leuitique & aussi l'auteur de la version Chaldaïque. Quant aux deux premieres significations, il appert que l'une depend de l'autre à cause qu'un bouc est fort velu entre tous les autres animaux: mais quant à la troisieme & pourquoy les diables sont appellés du mot de bouc ou de velu, Rabby Quinhi interpretateur souuerain entre les Hebreux des motz hebraïques, il dict que le diable est ainsi appellé parce que il se demonstre en telle forme velue de bouc à ceux qui croient en luy, & pour autant le chaldeä interprete & saint Hierosme ont par ce mot entendu & interpreté le diable bouc, qu'est ainsi appellé mesme par les fourciers cōme ilz ont depōsé. Ce n'est donc chose nouvelle que le diable se demōstre en forme de bouc à ceux qui se desdient à son

¶ Enale sagin

*versio. cal-
da.*

*ff. quimhi
in lib. ra-
dic.*

seruice & luy font hommage . suiuant
 laquelle signification Sainctes Paguin⁹ *E/ay. 13. 34.*
 sur Esaye treiziesme & trantequatries-
 me, où le texte dict que les Sehirin sau-
 teront ou dâseront aux desertz il a traduit
 ainsi les diables y sauteront; ce que a e-
 sté verifié par le tesmoignage des for-
 ciers qui disent que le Diable bouc saul-
 te & dâse auéc eux en la synagogue qui
 se faiet de nuit aux deserts. Est bon en-
 cores à remarquer que les septante inter-
 pretes au Leuitique dixseptiesme cha-
 pitre ont traduit ce mot Hebrieu au *Septuagin. interprete.*
 mot Grec *ματρίδς* idest fatuelles que
 les Italiens vsurpent le mot Grec ap-
 pellent Mathous c'est a dire foullastres;
 & de faiet en ce pays de Prouence on
 appelle tels esprits follettons, par ce que
 ils font plusieurs folies, comme de rire,
 sauter, danser & sifler, à quoy ayant eu
 esgard les septante interpretes ils ont
 bien traduit le mot en *ματρίδς*. A ce *S. Thom. 1.*
 propos saint Thomas dict que bien *2. 9. 89. art.*
 souuant les diables font plusieurs lege-
 retés comme rire, sauter, & sifler qui ne
 sont aux hommes sinon que peché ve-
 nielz, mais c'est pour se rēdre familiers
 aux hommes, & les attirer en fin à eux

DISCOVRS

parce moyen/ & pareillement sainct Athanase faict mention des diables qui chantoient des chansons. Quant aux histoires prophanes l'on trouue que les deux plus anciens oracles l'vn appellé Hammonium qui viēt du nom de ham ou comme nous prononcerons cham, l'autre appellé dodonœum qui vient du nom de Dodonum duquel est parlé en Genesē dixietime chapitre entre les nepueux de Noé le premier estoit en forme de bouc & le second en forme de mouton à grād cornes il ny a doncques rien de nouueau en cela de dire que le diable se face adorer en forme de bouc. Et pour venir aux plus recents le docteur Alphonse de Castro recite que au pays de Bisquaye ilz trouuerent que les femmes & aucuns hommes s'assemblerent à la montaigne où se presentoit vn bouc noir visiblement lequel ilz adoroient trestous.

Gene. 10.

Alphon. de
castro ad-
uersus he-
ref. lib. I.
ca. 15.

Nota

Scholie unxième.



Os Viri cum succubis, vos mulieres cum incubis fornicati estis, &c. L'on pourroit d'icy prendre la raison pourquoy il apparoiſt en

forme de bouc: car entre tous les animaux c'est l'un des plus puâts, il est aussi le plus luxurieux de tous, car il n'a point temps déterminé à ses chaleurs naturelles comme toutes les autres bestes. Or il assemble là son peuple pour les faire paillarder, & luy-mesme s'y met le premier, prenant forme d'homme aux femmes, & forme de fême aux hommes, les induisant à vne tressale & tref-vilaine paillardise pour estre commise avec luy, non qu'il y ait aucune delectation. Mais cōme dit saint Thomas, donnant raison pourquoy saint Augustin a dit, que plus se plaît le diable au peché d'Idolatrie & de paillardise qu'à tout autre; c'est dit-il, pour autāt que par le premier il vsurpe la gloire de Dieu qui est son premier but, & par le second il tient les hommes & les femmes plus serrez à ses pattes; à cause que par le peché de luxure, pour la vehemē-

2^e bouc

*Augusti in
Leuitic.*

s. Thomas

*q. 3. art. 5.
ad. 2.*

DISCOVRS

te delectation corporelle qu'il apporte
 avec soy fait que l'homme y est plus te-
 nace, & plus souuent il y tombe, & avec
 plus grande difficulté il s'en releue; fait
 aussi que l'homme perde entierement
 l'usage de sa raison, & n'en peut nō plus
 vser que s'il estoit beste, singulierement
 sur la fin de la delectation, qu'à esté cau-
 se que Tertulien a cuidé que comme le
 corps de l'enfant est engēdré d'une por-
 tion de la substāce corporelle, que aussi
 l'ame estoit engendree d'une portion
 de l'ame du pere: car, dit-il, on void qu'à
 l'acte de generation, l'ame comme estāt
 couppee par pieces ne peut auoir aucu-
 ne operation de raison. Le diable donc
 il se plait d'auātage à ceste ordure pour
 toutes les raisons susdites. Et ne faut
 douter si telle chose se peult faire par le
 ministere du diable, puis qu'il est hors
 de controuerse, qu'il peut prendre hors
 de l'adoration) telle forme externe que
 bon luy semble, particulieremēt à l'en-
 droit de ceux qui se sont desia donnés à
 luy, luy faisant hommage. Et quād il n'y
 auroit autre preuue sinon que les deux
 plus celebres Docteurs l'un entre les
 anciens peres, l'autre entre les Docteurs

*Tertul. lib.
 de anima.*

*faulx opinion de
 Tertullien.*

*August. lib.
 15. de ciuit.
 c. 5. Tho-
 mas. p. q.
 1. art. 3.
 ad 6.*

scholastiques (qui sont saint Augustin & saint Thomas) conuiennent en ce point, & dient expressement que c'est impudence de vouloir nier cela, & seroit argumēt suffisant pour faire à croire que c'est chose tresasseurée & mesme voila pourquoy le Turc ne treuve estrāge ce que nous disons en nostre symbole qu'une vierge a conçu du saint esprit & le croient avec nous: car ilz pensent que c'est chose possible à toutes vierges ayans veu souuent par experience que leurs vierges bien qu'elles feussent estroictement closes & sans auoir eu aucun accès aux hommes, elles se trouuoient grosses d'enfant: telle chose aiant esté pratiquée par le diable, *Qui surripit ac demum infundit semen.* Laquelle chose se trouue à tout propos aux poëtes & histoires anciennes, où il est souuent repeté que les dieux venoiēt coucher avec de belles dames & en auoiēt d'enfans. Apuleius en recite autant de son tēps, mais ces deux estoient diables comme il est escript, *Omnes dii gentium demonia.* Pour conclusion de la precedente & presente scholie en ce que Dieu veut que le diable se demonstre

*Apuleius
de asino au.
psal. 113.*

DISCOVRS

en guise de bouc, il donne entendre à ses
pauvres hebezez d'entendement qu'ilz
l'assœurēt d'estre avec les boucz au grād
iour du iugemēt, puis qu'ils ont familia-
rité & cōmerce avec eux en ce mōde &
leur adorent vilainement comme leurs
dieux, seulemēt adiousterōs que la plus-
part des anciēs peres Grecs & latins ac-
cordent clairemēt que les diables desi-
rent & pratiquēt l'acoinctāce charnelle
avec femmes & mesmes sainct Hierof-
me vse desdicts mots *demonēs quibusdam
amoribus seruiunt* & c. Et sainct Iustin
martyr dit q̄ ce n'est seullemēt avec les
femmes, mais aussi avec les hōmes (dō-
nant entendre clairement qu'ils chan-
gent de sexe & en cela ils sont approu-
uez par S. Augustin, vray est que ceux qui
ont voulu interpreter & accōmoder le
fixieme chapitre de Genese a ce propos
sont par luy à bon droit reprins, parce
que le texte precedent & subsequent
donne entendre qu'il y est parlé des
hommes & non des anges, comme bien
demonstre sainct Augustin: ce pendant
il n'improue pas l'oppinion des anciēs
quand au fait de la cōmixtiō charnelle,
ains il dit q̄ ce sōt impudēces de le nyer.

Fin des Scholies.

*Hieronime
in 6. ca. E-
pist. ad E-
phesi.*

*Iusti. mart.
apolog.
August. I.
lb. 15. de
ciuitate dei
ca. 23.*



CONCLVSION DV LIVRE

OV EST TRAICTÉ, A SÇAVOIR,
*si les articles contenuz en la deposition des
 forciers, doiuent estre prins comme adue-
 nuz par songe, ou biē en verité ou realité.*

LA question que i'ay à trai-
 cter, suyuant la promesse
 que i'en ay faict à mon epi-
 stre, elle est, amy Lecteur,
 autant difficile que necessaire. difficile,
 pource que ie ne sçache m'estre encores
 escheu entre mains aucun autheur an-
 cien ny moderne, qui l'aye esmeüe ou
 debatue; necessaire, à cause qu'en ce seul
 point gist le nœud de la difficulté, qui
 est de resouldre à sçauoir si ce que les
 forciers deposent, leur aduient seule-
 ment par songes & illusiōs diaboliques,
 ou s'ils le pratiquent realement & de
 faict. Sainct Iustin martyr (comme re-
 cite saint Hierosme) feist de son temps
 vn liure exprés de la nature & proprie-
 té des esprits malins, lequel si l'iniure
 du temps ne nous eust comme rauy des

*Hieronym.
 lib. de scri.
 eccles.*

mains, & qu'il feut encores aujourdhuy,
 nous en pourrions tirer à nostre propos
 (ainſi que pouuons coniecturer par ſes
 autres eſcripts qui ſe trouuēt) d'amples
 & claires reſolutions, pour faire enten-
 dre que ce qu'ō dit des forcieres ce n'eſt
 point tout fable, ains pure verité. Car en
 ſa premiere Apologie qu'il fait pour les
 Chreſtiens, il oſe tout haut & tout clai-
 rement affermer que les malings eſprits
 ont bien ſouuent accointance charnelle
 par ſois avec des femmes, parſois auſſi a-
 uec d'hommes. Puis en ſa ſeconde Apo-
 logie, il donne entēdre que les Diables
 ne veulent touſiours faire ce qu'on veut
 ſi ce n'eſt avec certaines conditions, cō-
 me en la Necromantie (diēt-il) veut
 qu'on luy ameine vn ieune garçon qui
 n'aye encores atteinſ l'aage de puberté:
 & ſi avec cela il nous donne aſſés entē-
 dre (en q. 52. qu'il adreſſe aux chreſtiē)
 que en ce faiēt icy des eſpritz malings
 & des forciers il y faut ſagement & fort
 droictement proceder. En quoy il nous
 faiēt auſſi entendre que d'auancer d'eux
 choſes eſtranges au ſimple peuple (cō-
 me ſont celles que nous venons de re-
 citer de luy) ce n'eſt point proceder tou-

fiours à la volée, Et ainsi le deuons estimer apres ce grand personnage : attendu mesmement que saint Paul nous dict que les œuures de Sathan seront avec toute puissance en signes & prodiges ; & en somme par dessus toutes nos forces naturelles. Pour resouldre doncques il faut faire vne distinction, car à faute de ce plusieurs ce sont abusez. La distinction est, que entre les choses que Sathan opere a l'endroiect des personnes qui s'attendent à luy elles sont en deux manieres, Premièrement elles peuuent estre en dormant. Secondement elles peuuent estre aussi en veillant. on pourroit faire encores plusieurs subdiuisions, mais nous nous contenterons d'en toucher cy apres aucunes qui seront necessaires à ce propos. Or que cela aduienne en ses deux manieres, l'escripture y est toute claire en plusieurs passages, laquelle faisant enumeration des œuures dont Sathan vse a l'endroiect de ceux qui font pacte expres avec luy, elle y met presque tousiours d'un costé l'obseruation des songes, & de l'autre costé les malefices, (il est beau à voir que les songes se font en dormant, comme

DISCOVRS

les malefices en veillant, le premier lieu est au Leuitique 19. où est dict, *non augu-*

Leuitic. 19. rabimini nec obseruabitis somnia. L'autre

2. *paralip.* est au second liure de paralipomenon

33. chap. 33. ou est dit du Roy Manasses ob-

Hieremie *seruabat somnia, sectabatur auguria, maléfi-*

17. *cis artibus inserviebat: habebat autem secum*

zacharie *magos & incantatores, multa que mala opera-*

10. *tus est, &c.* Vn autre passage est en Hie-

remie chap. 27. où Dieu dict à son peu-

ple. Vos ergo nolite audire prophetas vestros

& diuinos, & somniatores, & augures, &

maleficos. Le quatriesme est en Zacharie

Num. 22 chap. 10. ou est dict, *Diuini viderunt mē-*

dacium, & somniatores loquuti sunt frustra.

Mesmes Balaam le pratiquoit ainsi, le-

quel auoit de constume d'observer pre-

mierement ses songes, puis estant es-

ueillé il faisoit ses malefices, ainsi qu'on

peut voir au liure des nombres chap. 22.

Je sçay bien qu'on pourroit tergiverser

& dire que tels songes estoient d'autre

qualité que ceux de noz forciers du

iourd'huy, monobstant à nostre propos

il nous suffit monstrier par l'escripture

que entre les œuures mauuaises & pro-

hibées de Dieu que Sathan opere en

ceux qui s'adonnent à luy, les vnes se

Balaam.

font par songes, les autres en veillant,
 & en verité. Car quant aux qualitez
 des songes attendu qu'ils peuuent estre
 infiniment diuersifiez (chose qui est
 cōmune à tous songes soient ils diuins,
 naturels, ou diabolics; qui est l'entiere
 & vraye diuision des songes qu'en faiēt
 Tertulien en son liure de l'ame au cha-
 pitre intitulé, *De somniis*) telle qualité,
 ou diuersité ne peut pour ce respect em-
 pescher, que tels songes ne soient
 vraiment œuures de Sathan; comme
 au semblable la diuersité n'empesche
 qu'ils ne soiēt diuins ou naturels. Ceste
 distinctiō no⁹ en produit vne autre c'est
 que biē souuēt, ce qui est songe à l'vn
 est verité en l'autre, ce qui est aussi com-
 mun aux songes diuins & naturels:
 pource qu'il ny a point repugnance que
 vn homme puisse faire veritablement
 ce que vn autre songera en soy mes-
 mes. cōme au liure des iuges nous auōs
 d'vn soldat qui songeoit que Gedeon
 venoit pour renuerser tout le camp; &
 veritablement pour lors Gedeon ap-
 prouchoit du camp & executa ce que
 l'autre auoit songé de soy mesmes à des
 autres aussi tost qu'il eust faiēt le songe.

Songes

Tertul. lib.
de anima
cap. de som-
niis.

iudicum 7

Aug. lib.
18. de ciui.
dei cap.et recite à autres
il late

DISCOURS

I'en laisse sciemment plusieurs autres,
 soit diuins, naturelz, ou diaboliques, reci-
 tés par Tertulien cy dessus cité, me con-
 tentât d'un qui a esté couché par escript
 sur ce propos que nous traictons par S.
 Augustin au liure. 18. de la cité de Dieu
 chap. 18. où il fait mention d'un certain
 personnage de son temps lequel estoit
 fort desireux de sçauoir l'explication
 d'un passage de Platon à luy fort obscur
 & à ces fins il s'adressa souuent à un
 Philosophe dans sa maison pour en au-
 uoir l'intelligence, lequel ny voulut ia-
 mais entendre. En fin comme ce per-
 sonnage veilloit vn soir dans son estude
 vint (comme il luy sembloit) ce Philo-
 sophe & commençant à luy parler il
 luy expliqua si clairement ce dict passa-
 ge qu'il en feust bien resolu: certains
 iours apres rencontrant ce Philosophe
 il luy demande pourquoy dans sa pro-
 pre maison n'auoit il voulu expliquer
 ce passage, veu qu'il le luy auoit exposé
 en la maison d'autrui? lors respondit ce
 Philosophe. Iay bien songé dict-il t'a-
 uoir expliqué ce passage, mais en verité
 ie ne l'ay poinct fait, de là conclud S.
 Augustin que vne mesme chose peut

estre songe à l'un & verité en l'autre: car pendant que le Philosophe songeoit d'expliquer tel passaige, l'autre en veillant receuoit veritablement les paroles de telle explication. Il recite d'un autre lequel aiant dormy par plusieurs iours ne pouuant estre par maniere quelconque esueillé, aiant acheué son sommeil il recitoit à ses domestiques qu'il luy sembloit voir qu'il estoit chagé en cheual & qu'il portoit des viures à certain endroit du camp qu'il designoit & feust trouué que veritablement telle chose auoit esté ainsi faicte: ces deux suppositions faictes, nous disons que quand à ce qu'on recite des forciers cela peust estre aduenü par songe & aussi en verité. D'abondant il peust estre songe à l'un & verité en l'autre. A ce premier rang on doit mettre tout ce qui est escript en la distinction. 26. du decret. 4. 5. chap. *Episcopi*, Si souuent repeté par ceux qui tiennent que ce sont tousiours songes: & par mesme moyen il faut aussi rapporter toutes autres sentences & autorités semblables. Au second rang il faut mettre tous les malefices & œuures mauuaises exercées par les forciers &

*Distin. 26.
4. 5. c. Epif*

DISCOVRS

magiciens, dont la saincte escripture, les peres & les histoires font mention cōme de choses veritablement aduenues. Et en ceste maniere on accorde aisēmēt tant l'escripture que les peres, & aussi les histoires, lesquelles bien souuent semblent estre contraires, cōme pour exemple nous lisons au second liure de Iean baptiste Neapolitain chap. 26. que luy estant curieux de sçauoir s'il y a aucune verité en ce que les forcières deposent, il donna ordre de regarder de ses propres œilz ce qu'elles en faisoient, & de faict aiant gaigné vne vielle forcieriē il veid toutes leurs manieres de faire par la fente d'une porte & veid qu'une vielle femme toute neüe s'oignoît d'un certain vnguent ce qu'ayant faict elle s'endormist si profondement que en la battant de verges on ne la sceut esueiller. En fin s'estant esueillée elle affermoit d'auoir passé la mer & veu choses admirables qu'elle recitoit en sa presence, & de certains autres qui l'auoient contemplée comme luy. Et quant on luy oppo-
soit les playes qu'elle auoit receu en son corps pendant qu'elle dormoit elle n'en vouloit rien croire. Au contraire nous
auons

auons Apuleius qui recite auoir esté scē-
 blablement curieux & d'auoir regardé
 (conduit de vne chambriere) & regar-
 dant aussi par la fante de la porte du ca-
 binet où vne forcierre toute neuë s'en-
 gressoit de son vnguent, & dict que ce
 pendant qu'elle s'en frottoit elle se chā-
 geoit peu à peu (comme il sembloit en
 vng chat huant. Et en fin ayāt des aisles
 elle senuolla par la fenestre dequoy (cō-
 me dit est) il en feust spectateur : Ces
 deux histoires contemplées véritable-
 ment par deux hommes fort curieux de
 scauoir la verité de ce fait monstrēt
 bien que l'vn & l'autre peut estre, car on
 ne doit pas d'auantage adiouster foy à
 Iean baptiste Neapolitain, que à Apu-
 leus Affricain; attēdu mesmement que
 saint Augustin en faiēt cas, & nōse dire
 que ce feussent fables ce que Apuleius
 en escriuoit, ains il enseigne comment
 cela se pouuoit faire. Il est donc questiō
 d'accorder l'vn & l'autre & non pas d'vn
 faiēt particulier en faire consequence
 vniuerselle; comme font ceux qui rap-
 portent toutes ces choses seulemēt aux
 sōges contre la reigle de dialectique qui
 dit à *particulari ad vniuersale consequentia*

*Apulius
de asino
aureo.*

*Aug. li. 18.
de ciuit.
cap. 18.*

nulla. Il y peust aussi auoir prestiges en ces affaires; comme saint Augustin le donne entendre au lib. & chap. prealeguez quant il traite l'histoire de Iphigenia disant qu'elle ne feust veritablemēt sacrifiée comme tous les assistans l'estimoient, ains que ce feust vne biche au lieu d'icelle, laquelle par prestiges du diable represētoit la mesme Iphigenia. Pourroit aussi aduenir par mesmes prestiges du diable qu'on pēseroit voir vncorps humain qui ne le feroit en verité, ou bien prendre vn pour l'autre, de quoy il y a assez d'histoires en saint Clement recitant aux liures de ses recognitions ce qu'il en auoit veu faire à Simon Magus. d'autre part il n'est tousiours vray que cela soit par prestiges & illusions, comme bien l'enseigne l'histoire de Hermotyme qui faisoit entēdre à sa femme que quant il dormoit il s'en alloit parmy le monde l'ame quittant le corps & puis y reuenant & ainsi il se le persuadoit. Ces ennemis voulant faire preuue de cela luy couperent la gorge. Mais comme dit Tertulien par ironie) l'ame ne reuint assez de bonne heure, tellement qu'il ne se reueilla plus. Or

*Iphigenia. pages
suivantes.*

*Clemens in
recogniti-
onibus.*

*Tertul lib.
Hermotimus de anima.
cap. de Her-
motimo.*

si c'eust esté prestigieusement faict il ne
 feust pourtant mort, car on n'eust point
 touché à son vray corps. C'estoit don-
 ques son propre corps : Et ainsi toutes
 les manieres de faire pouuans estre, à
 sçauoir & que telle chose aduienne par
 songe seulement, & qu'elle aduienne
 aussi veritablement, & que le corps
 qu'on void dormant ce ne soit qu'un
 phantome, ou aussi qu'il soit le vray
 corps de celuy qu'on pèse. Il est questiō
 sçauoir discerner quant telle chose ad-
 uient en verité, ou seulement par songe,
 ou par prestige. Sainct Augustin en ce
 riche chapitre cy dessus allegué nous en
 resoult s'il est bien entendu : Et en som-
 me il nous donne entendre qu'il fault
 tousiours bien & fidellement obseruer
 trois reigles dont la premiere est qu'il
 en fault faire iugement par l'experience
 & realité qui en ensuit : car quāt il veult
 resouldre à sçauoir s'il y auoit realité au
 sacrifice de Iphigenia, il respond que
 non, ains que par art diabolique vn au-
 tre chose feust supposée à sa place : dau-
 tant (dit-il) que l'experience le donna
 entendre par apres : Iphigenia estant trou-
 uée en vne autre contrée bien loin de

Nota

*Aug. lib. 18
de ciuit. dei
cap. 18.*

pag. 18. p. 18.

DISCOVRS

là où elle auoit esté soudainement traſ-
portee par les diables toute pleine de
vie, puis qu'elle y ſurueſquiſt lon tēps.
Par la meſme experience il cōclud que
les compagnons de Diomedes ne furēt
changez en oyſeaux comme on l'eſti-
moit. Car fort lon temps apres ceſdits
oyſeaux y feirēt leurs nids, multipliāts
leur eſpece tout ainſi comme les autres
oyſeaux. Et telle propagation d'eſpece
eſt vne realité: qui eſt ſuffiſante preuue
que tels hommes furēt tranſportez ail-
leurs par les diables, ſi ſoudainement
qu'on ne ſ'en print garde; tels oyſeaux
eſtans ſuppoſez a leurs places, leſquels
ne pouuoient eſtre preſtigieux, dit-il,
ains veritables; l'experience de la reali-
té repugnant à toutes illuſions, ioinēt
que les preſtiges du diable, comme a
dit bien doctement ſainct Thomas,
ne peuuent lon temps durer, à cauſe
qu'elles ne ſont natures ſubſiſtentes:
mais ſeulement accidens communs (cō-
me on les appelle en Dialectique) deſ-
quels le propre c'eſt d'eſtre facilement
changez par l'alteratiō naturelle. Ceſte
reigle fait entendre que ce que Moyſe
 faiſoit en Egypte & au deſert, ce n'e-

Les compagnons de

Diomedes. 114. a

D. Thom.

Moyſe.

stoit par illusions: car veritablement les poissons moururēt dans la riuere chāgée en sang. Et aussi veritablement les chenilles & autres bestiolles gasterent les bleds, les orges, vignes & arbres d'Egypte. Fait aussi entendre que ce que feist le diable contre Iob, ce feust pure verité, comme font foy la mort de ses enfans & seruiteurs, & ruïne de leur maison. Il en faut autant dire des sorcieres, & regarder fil y a point quelque realité en ce qu'elles pensent auoir fait. Et puis qu'on y en trouue tant & plus, il est question de plus n'en douter. Il y a realité aux infanticides; comme il a esté verifié que tels enfans qu'elles disoient auoir suffoquez, furent veritablement trouuez de leurs parens, tout ainsi cōme elles auoient depose. Mesmes l'exhumatiō de leur corps a esté verifiée par les ossemēs qui n'ont point esté trouuez dans leurs sepulchres. Il y a realité en la marque qu'ils portent en leurs corps, laquelle seulement est toute lepreuse & insensible, marque qu'on ne scauroit trouuer à autres que ceux qui se disent estre tels, vne autre realité est d'une piece de leur vestement qu'ils exhibēt

Exod. 7.

Iob. 2.

*La marque du diable
au corps des sorcieres*

DISCOVERS

par hommage à Sathan. Et auons veu de noz œils que telle piece falloit au vestemēt, tout ainsi comme ils l'auoiēt designée. Il y a realité manifeste aux malefices qu'ils exercent sur hommes & bestes, les rendant stupides & presque morts; puis à leur seule parole les remettants comme au parauant. Non (comme dict Lactance) qu'ils puissent guerir les maladies (car cela est hors de la puissance naturelle du diable). Mais il est bien en sa puissance naturelle de mettre empeschement en quelque partie d'un corps viuant; ce qui se void en l'histoire du ~~demoniacle~~ ^{demoniacle} sourd & muët, & de la femme courbe qui ne pouuoit aucunement regarder au ciel. Et peust par mesme moyen oster tel empeschement, si bien que ce n'est guerir: mais laisser d'empescher les conduits naturels; Dieu le permettant ainsi par son iuste & occulte iugement, sur lequel il ne faut passer plus outre, comme le conclud souuent sainct Augustin. Resulte donc par la premiere regle, que les choses confessées par les forciers, ne sont tousiours songes, & qu'il y a pure verité du faict.

Infernalment

Lactance
lib. 2. diuina-
rum inst.
cap. 16.

demoniaque -

Luce. 11.
Luce. 13.

Aug. lib. 2.
cōt. aduer-
sae legis ca.
12. & lib.
22. contra
faust. cap.
72. & lib.
de sancta
virgine
cap. 40.
42.

La seconde reigle, qui est de saint Augustin & saint Thomas, est de regarder si tout ce qu'on dict gist en la puissance naturelle du diable; laquelle remarque tacitement saint Augustin quand traictant le fait de Diomedes il dict que cela feust par subtraction & transportement de corps, raison pource qu'il n'est poinct à la puissance naturelle du diable de transmuier vn corps en autre quant à la substance. & pource il falloit que ce feust en presentant par transport, ou autrement, vn autre corps au lieu & place d'iceluy. Saint Augustin ne veut accorder le premier poinct pource que (comme il auoit desia dict) telle chose estoit hors de la puissance naturelle du diable. Et accorde le second, à cause qu'il n'est hors de ses forces naturelles, *Neque enim dicitur demonibus iudicio dei permissis huiusmodi prestigia discipula esse possunt.* Et comme il explique ailleurs cela aduient quand le diable veut, & tout ainsi comme il veut, pource que Dieu ou leur cōmande expressement, on leur laisse faire naturellement, *Quando volunt & quomodo volunt, deo vel iubente vel sinente.* Saint Thomas

#iii.6/

Aug. lib. i.
de ciuit.
cap 18.

August.

D. Thom. i.
p. q. 114.
art. 4. ad 2.

DISCOVRS

ensuit ceste reigle quand il di^{it} que s'il s'agist de la resurrection ^{par le Diable} des morts ou autres semblables choses supernaturelles, ^{qu'il} faut penser que ce n'est qu'illusions, car combien que Dieu par sa providence vniuerselle employe les malins esprits à plusieurs effects, non pas toutes fois à œuures miraculeuses, qu'il reserue à foy & aux siens; les Diab^{les} aussi n'estans capables des dons supernaturels. ceste reigle a faict discerner aux premiers Chrestiens les œuures magiques de Simon Magus, d'auec celles de saint Pierre & autres Apostres, cōme font foy entre autres saint Clemēt & Irenee/ fera aussi discerner les œuures de l'Antechrist d'auec celles des Chrestiens, Ceste reigle a aussi occasionné S Augustin de dire que non seulement les œuures admirables du Diable comprises à l'ancien & nouueau testament estoient croiables, mais aussi plusieurs autres choses dont les histoires prophanes font mention, & mesmes les poëtes, lesquelles presque tout le monde estimeroit fabuleuses. Saint Augustin par sa grande subtilité d'esprit & profond sçauoir des lettres saintes n'ose dire

*Clemens
in recogni-
ti lib. 3.
Ireneus lib.
2. cap. 57.*

que ce fussent fables, mais il monstre
que cela pouuoit estre en verité ou en
apparence. Et pource que comme disoit

Tertulien *Dæmones soli Vouere Christiani.*

Et les Chrestiens ne le sçauēt pas mieux

que par la saincte escripture : resulte

qu'on n'en peut droitement iuger, si

on n'est verifié en la leçon de la saincte

escripture & des anciens peres, qui en a-

uoient la vraye intelligence de resour-

dre maintenāt tout ce qui est en la puis-

sance naturelle du Diable, ce n'est pour

maintenant à mon propos pour en fai-

re l'og discours, seulement diray avec

sainct Thomas (qui auoit, comme on dit,

l'ame de S. Augustin) qu'il est en la puis-

sance naturelle faire tout ce que natu-

rellement se peut faire vsant des moiës

dont nature a de coustume d'vser appli-

quant vne chose a l'autre, comme natu-

re faiet, comme vn homme faiet soudai-

nement du feu applicquant l'alumette

au charbon, ce que nature feroit, mais

tout à loysir: comme aussi il appert des

foudres où nous faisons soudainement

desbender vne artillerie. Et l'experience

l'enseigne. car les Anges qui tournent

les cieux apliquants les mouuements

*inquit qui fuit a
cognomere on nomme*

*Tertul. lib.
de anima.*

*S. Thomas
p. 9. 114 ar.
4.*

*Sixtus Senē
sis Biblioth.
sacra lib. 3.
in Thoma.*

*Vide Iustin
9. 24. ad
orthodox.*

DISCOURS

des cieux aux elements, ils font produire toutes choses naturelles (supposant la matiere & forme, lesquelles ont esté créés de Dieu immediatement. Et pour ceste occasion ils sont appelez tant au Pseaume 32. que à l'Euāgile de ces mots, *Virtutes celorum*). Car sans eux les cieux n'auroiēt point de vertu nō plus qu'un corps sans ame) ce qu'à bien touché en passiāt S. Augustin au liure 3. contre Maximin Arrien, chapitre dixseptiesme. Or est il que tout ce q̄ les forciers deposent est de la puiffāce naturelle des malins esprits, comme on se pourra aduiser par les discours de ce liure, signamment aux Scholies, sur la sentence dōques la seconde regle fait entendre que ce ne sont tousiours songes. Ioinct qu'il n'y a rien repugnant à l'Escripture, aux peres, aux Histoires, moins à la raison. De l'Escripture, on peut remarquer pour ceste seconde reigle, de ce qui en est escrit au liure de l'Exode où est parlé des Magiciens de Pharaon, & aussi ce qui est couché aux trois premiers chapitres du liure de Iob.

Psal. 32.
Luc. 12.

Aug. lib. 3.
cont. Maxi-
mi. cap. 17.

Exodi.

Iob. 1. 2. 5. La troisieme reigle est fondée sur la

generalité. Car sainct Augustin n'osât
 reduire semblables choses en fables, il
 admeine en somme ce qui en auoit esté
 fait long temps au parauant luy, & ce
 pratiquoit encores de son temps en plu-
 sieurs quartiers du mode, les vns asseu-
 rats l'auoir ouy dire à gēs digne de foy:
 les autres affermant l'auoir ainsi expe- *Aug. lib. 18.*
 rimenté: vois sainct Augustin aux cha- *de ciuit.*
 pistres seize, dixsept, dix huiet du liure *cap. 16. 17.*
 dixhuietiesme de la cité de Dieu/mes- *18.*
 mes ceste generalité à faict que *Hipocrates.*
lib. 2. de
 Hipocrates na point failly en ses raisons quāt *morbis &*
 il veut denier les vrayes causes des ma- *lib. de af-*
 ladies, & dict que la peste quant elle est *fection.*
 vniuerselle ne peust prouuenir des cau-
 ses ordinaires en nature: mais qu'il le
 faut rapporter à Dieu & causes inuisi-
 bles. I'en dis tout autant en ce faict icy
 qui n'est de moindre importance. C'est
 grand chose que les forciers de France
 & de nostre temps, deposent ne plus
 ne moins que celles d'Allemagne, qui
 sont & ont esté il y a soixante ou qua-
 tre vingts ans: Et si bien qu'il semble
 à voir qu'elles ayent estudié aux liures
 qui ont esté composez en latin par gens
 doctes, couchants par escript tous les

DISCOVRS

deportemēs iouxte la .verificatiō qu'ils en auoient faiçte apres leur depositiōs. Et toutesfois on trouue que ce sont gēs mechaniques; (voire pour la stolidité d'entendement) plus approchans des bestes que des hommes. Telle generalité & conformité donne assēs entendre la verité du faiçt, si nous voulons venir a toute raison, qui est l'autre fondement que nous proposons tantost disans que cela ne cōtreuenoit à la raison. Car comment est il songé ce qui n'aient iamais que le ieudy au soir si cestoit songe, il leur pourroit aussi bien auenir à vn autre iour. Toutesfois trestous conuiennent à cela, que telle assemblée ne se faiçt iamais qu'au ieudy seulement. Nous doutons apres, la raison pourquoy plustost à tel iour qu'à autre. d'abondant si ce n'est que songe, comment tant de gens qui ont esté en diuers temps & regions fort esloignées par consequent l'vn de l'autre, pouuoïent ils songer trestous vne mesme chose? Les medecins accordent que la diuersité des viandes & quantité d'icelles cause la diuersité des songes: toutes telles personnes vsoïent elles iadis de mesmes viā

*quand ils sont en la posture
au songe synagoge de l'abbaye*

des & en pareille quātité avec ceux qui songent aujourd'huy choses pareilles & toutes egalles? Ils accordēt aussi que la complexion des personnes fait songer diuerfement: vn sanguin songera volontiers choses plaisantes, vn melancholique choses fascheuses, vn martial songera guerres, vn ieune garçon songera ordinairement autres choses qu'un vieil homme, & vn hōme qu'une femme. Je m'en rapporte à Aristote, Artemidorus, & autres qui ont faict liures des songes, estant doncques la pluspart de telles gens diuers en complexions, aage, sexe, & secte, comment se peust il rencōtrer qu'ils songent ou ayent songé trestous vne mesme chose, l'un ne variant en rien de l'autre, & qui plus est en iour & heure semblables. On pourra dire qui c'est le diable qui procure cela. Bien, on approche desia de la verité puis qu'on accorde que c'est chose qui est par dessus les forces humaines, & qu'il faut rapporter cela aux effectz du diable. De là ie demande, puis qu'on accorde que c'est vray songe à cause que le diable le peut ainsi faire, pourquoy faict on difficulté d'accorder la realité

*Aristo. lib.
de somno.*

*Artemido-
rus de som-
ni . inter-
pretatione.*

du faict, attendu que c'est chose qui est
 aussi bien en la puissance du diable:
 Ioinct que les experiences y sont, &
 que cela ne contreuient ny à l'escrip-
 ture, ny aux peres, ny aux histoires: &
 qu'il a esté predict que sur la fin du mô-
de telles choses seront plus frequentes
que iamais n'auoient esté au parauant
ainsi que nous le monstrerons/ Au reste
 il n'est vray semblable que telle gene-
 ralité & conformité puisse estre songe
 procuré du diable. Car premierement
vn diable ne peust operer qu'à vn seul
lieu ainsi que le monstrent saint Iustin

Iustin mar.

q. 40.

Didimus.

lib. I. de S.

sancto. S.

Tho. I. p. q.

martir, Didimus, & saint Thomas. Ce
 ne seroit donc poinct vn seul diable
 mais plusieurs qui traualleroient apres
 cela. Et faudroit qu'il y en eust autant
 pour le moins qu'il y a des forciers &
 forcieres songeants & qu'ils trauailla-
 sent tant seulement à cela à tel iour &
 heure: chose qui est autant estrange cō-
 me mesme la realité du faict. Car pour-
 quoy les Diables s'accorderoient ils de
 ne trauailler à autre chose plustost à
 ce iour & heure, seulement qu'à autre:
 il n'est vray semblable, car pourroit e-
 stre qu'ils y auroient interests, pource-

que se pourroit pour lors preséter quelque grande commodité de tēpter d'autres gens en choses biē plus execrables que ne sont les songes; Et ainsi aduendroit que vn ou plusieurs des forciers ne songeroit à sa sinagogue comme les autres, pource que son Diable seroit occupé à meilleurs negoces selon son art & fantasie. Ioint que le Diable peut bien mouuoir la fantasie de l'homme, (comme il appert par les tentations qu'il nous presente, & ainsi le pratiqua à l'endroit de Iudas, d'Anamas, & Saphira) ^{Ioan. 13. Act.} mais cepēdāt il ne peut vser à sa volōté ^{s. Thom 1^o p. q. 111 art 3. ad 2.} de nos fantasies, & leur represēter tout ce qu'il voudra à son apetit. Car comme dit saint Thomas, il ne sçauroit mettre ou imprimer en la fantasie de vng auugle né, les couleurs, ny à vn sourd de nature, le son des voix (comme aussi nature ne peut) mais il peut bien mouuoir la phantasie & luy représenter les obiects qu'elle a autrefois conçu. Or les phantasies de toutes ces gens ne sont point en tout semblables, ny tousiours en mesmes temps & heure pareillement disposees. Il est donc bien difficile à monstrier que

DISCOVRS

ce soient songes: Et voire plus que non
pas de prouuer telles choses auoir esté en
verité pratiquees; supposans ce qu'en au-
uons dit cy dessus: Car en ce secōd point
il n'y a nul inconuenient, ny (comme au-
uons ia dit) contre l'escripture, les peres,
les histoires, & la raison. Mais au pre-
mier il y a des absurditez que nous ve-
nons d'en toucher les aucunes. Reste de
resoudre encores vn point qui pourroit
elbranler les personnes peu auisees à la
leçon des peres. Louys Viues Grana-
tin, qui a commenté saint Augustin sur
les liures de la cité de Dieu, Quand il
vient à commenter ce beau & docte
chapitre que nous venons d'alleguer, il
se monstre assez petit Theologien, cō-
me tel il estoit en verité, ores qu'il feust
fort docte aux lettres humaines, & de
fait ceux qui liront ces Commentaires
se pourrōt souuent prendre garde qu'il
estoit (s'il faut ainsi parler) plus grand
idologien que Theologien. Voyant
donc que saint Augustin disoit tout
clairement que telles choses ne sont
rousiours fables, ains qu'elles peuuent
ainsi aduenir en verité, mesmes de ce
que Apuleius recite de foy, d'auoir esté
changé

*Le 6^e vint mal
vise de theologie.*

changé en asne, c'est à dire, couuert d'une
 semblance d'asne, ne pouuant cela
 comprendre avec saint Augustin, il com- *Les fautes de*
 met trois fautes. Dont la premiere est *Long & vaines.*
 qu'il accuse saint Augustin d'ignorance,
 disant qu'il n'auoit leu Lucian pour
 n'auoir cognoissance de la lague Grec-
 que. La seconde faute est qu'il dit qu'A-
 puleius auoit tiré son discours de Lucian,
 lequel Lucian dit auoit cela controuué
 de sa teste pour passe-temps. La troisieme
 faute & plus grieve est que quand
 saint Augustin conclud que telles choses
 pouuoient estre ou fables controu-
 uees, ou veritez pratiquées, (qui est la
 resolution de nostre discours) Viues s'y
 oppose, & dit que vraiment tout cela
 ne pouuoit estre que fable, à cause que
 Plin dit au liure 8. que toutes ces choses
 ne peuuent estre que fabuleuses. Or
 d'accuser saint Augustin d'ignorance,
 & dire qu'il n'auoit leu les œuvres de
 Lucian, il ne luy en appert rien. Et si
 nous pourrions amener auteurs Grecs,
 sacrez & prophanes citez tout à propos
 par saint Augustin. Combien qu'il eust
 naturellemēt en hayne les lettres Grec- *Aug. lib.*
 ques, ainsi qu'il s'en confesse aux liures *conf.*

DISCOVRS

de ses confessions. Et à ceste occasion il n'y feust tant versé cōme aux lettres Latines. Au reste vn cōmentateur ne doit facilement condēner d'ignorance l'auteur qu'il se propose à expliquer; ains il le doit en toutes choses soustenir, si elles sont soustenables. Quant à l'autre, qu'il dit Apuleïus auoir tiré son Histoire de Lucian, il ne luy en appert nō plus: ains il appert plustost du contraire: Car Lucian diēt que ce qu'il en escriuoit, c'estoit fables controuuées, où Apuleïus dit clairement que ce qu'il en escriuoit estoit pure verité, iusques là, de reprendre ceux qui pensent estre songes ce qu'il en escriuoit. Disant telles personnes estre peu versées aux affaires & se-

*Apuleius
apologie 2.*

crets d'importance. Et si Apuleïus eust eu opinion que choses semblables feussent imaginaires, pourquoy ayant eu adiournement personnel pardeuant le gouuerneur d'Aphrique, pour auoir esté accusé de Magie & malefices, ne disoit-il brieffuement en ses deux Apologies qu'il a faiētes pour s'en purger, que ce n'estoit qu'un bruit populaire & vraie fable; ce qu'il ne fait; mais seulement il tasche à prouuer qu'il n'estoit tel qu'on

*Tertul. lib
de anima
Aug.*

l'accusoit. Et pour le troisieme Viues où il n'auoit leu au moins retenu les sentences de Tertulien & de saint Augustin apportees en l'Epistre liminaire de ce liure, par lesquelles est demonstré que les Payens estoient du tout aueuglez en la cognoissance des esprits bons & mauuais: attendu que Viues vient à preferer la sentence de Pline, homme Payen & atheiste, à celle de saint Augustin Docteur plus celebre & irrefragable en l'Eglise de Dieu: Certainement si Viues eust voulu continuer ceste façon de faire, iusques à ses derniers commentaires, quand saint Augustin dit, Et montre prolixement qu'il se fera vne resurrection generale en mesme chair & os: Viues eust peu dire sur cela qu'il ne le faut croire, par ce que Pline dit autrement, & s'en mocque comme de chose fabuleuse & impossible. Or donc ce que saint Augustin en disoit, il ne l'auoit appris en l'escole des Philosophes: mais en l'escole de l'escriture & des Chrestiens qu'ils appellent la cité de Dieu. Et pour ce beaucoup mieux a touché ce chapitre de saint Augustin vn bon Docteur qui auoit commenté les susdicts

DISCOVRS

liures au parauant Viues lequel combié que ne feust si docte aux sciences humaines, il estoit toutefois (comme il appert) meilleur Theologien que luy. Or venant à l'explication de ce chapitre il ne dict autre chose sinõ qu'il baille ce brief aduertissement: *Hic (inquit) diligenter notandus est modus possibilitatis quem posuit Augustinus in Transformationibus hominũ & bestiarũ: qui à minũ studio videtur difficilis ad intelligẽdũ.* Enquoy preuenant Viues il le touche au vif puis

qu'il trouue cela nõ seulement difficile, mais impossible. Au reste qui voudra voir vn docte & ample cõmentaire sur ce chapitre de sainct Augustin qu'il lise S. Thomas en sa premiere partie question cõt quatorziẽme article quatriẽme.

Ioannes
Georgius
Godelmanus in dis-
putatione
habita Ro-
stockij
xxvj feb-
ruarii anni
1584 in
collegio
fratris n

Il y a eu ceste presente annee 1584. vn Iurifconsulte Allemand nommé maistre Iean George Goldeman lequel a publiquement disputé (comme il dict) puis faiet imprimer quatre vingts propositions tendentes aux fins de monstrer que tout ce que les sorciers deposent ce n'est que songes & imaginatiõs. auquel il n'est besoin faire vne response à part, d'autant qu'elles sont toutes

confutees en diuers endroicts de c'est *excussa sñ*
 ceuvre: seulement auons à remarquer *co fori pro-*
 ce qu'il dict que iusques à luy nul n'a *positione*
 sceu faire distinction entre Magicien, *prima secō-*
 Sorciere, & empoisonneur ou venefi- *da & ter-*
 que: & que de là est aduenue que nul n'a *tia.*
 sceu encore resoudre ceste matiere. Il
 accorde toutefois que les magiciens & *propositio-*
 empoisonneurs sont dignes de mort, *ne 11. 13. 14.*
 mais non pas les forcieres ny ayant en
 elles autre chose de mauuais, mais pures
 imaginations & illusions, iusques là de
 dire que combien qu'elles estant esueil-
 lées consentent à telles imaginations
 elles ne sont nullement coupables ny
 deuât Dieu ny deuant les hommes alle- *a propositio*
 guant pour toutes excuses qu'il y a de *ne 38. v/que*
 leur part du dol & fraude sathanique *61.*
 erreur & ignorance ^{pure} peur, & crainte
 auecque contraincte: en quoy il se mon-
 stre trop ardent à les soustenir. Car s'il
 y a consentement & du plaisir sur telles
 imaginations il n'y peult nullement
 auoir contraincte: & si la seule concupif-
 cence charnelle selon nature est chose
 damnable par la loy de Dieu, comment
 l'impure commixtion charnelle avec le
 Diable ne sera elle plus execrable, ores

qu'il ny a^{est}ist que la feule conuoitise & delectation dans le cœur ? Or pour le confondre à vn mot, puis qu'en sa proposition douzième il diét que veritablement les magiciens renoncent leur Dieu & leur baptême, adorēt le diable, font tout ce qu'il leur commande, mettent toute leur esperance & confiance en luy, iusques à luy recommander à l'article de la mort leurs corps & ames, Nous luy demandons: si les forcieres font aussi tout cela pourquoy ne seront elles aussi bien dignes de mort comme ceux qu'il appelle magiciens? Car (pour exemple) si l'homicide est digne de mort, à plus forte raison le parricide: & si le fornicateur doit estre puny, à plus forte raison le stuprateur. Or il est ainsi qu'on trouue aux forcieres tout ce que il accorde des magiciē, doncques elles sont plus punissables qu'eux. Et qui empesche que toutes ces choses ensemble ne puissent estre en vne personne: veu mesmement que l'escripture fait mention de certains qui estoient enchanteurs, magiciens, deuins, venefiques & forciers tout ensemble cōme entre les autres vn Roy Manasses? Et sur ce on

peust remarquer les sentences de l'es-
cripture cy dessus citées & aussi celles
qui sont admenees au chapitre 6. de ce
liure. Mais la faute de c'est hōme proui-
ent de ce qu'il pense estre chose impos-
sible que le diable puisse porter les
hommes ou femmes en l'air ou auoir
compagnie charnelle des femmes, ou
que les personnes puissent ressembler
aux loups chiens ou chatz comme il
s'explicque en sa proposition. 68. Et
aussi en la 69. & 71. Contre toutes les-
quelles erreurs sera cōbatu en ce liure.
La grace de nostre Seigneur t'assiste
toufiours (Amy lecteur) Et à moy aussi.

Amen.




TABLE DV DISCOVRS
DES ESPRITS, POVR EN-
tēdre la matiere difficile des sor-
ciers , comprinse en la sentence
contre eux donnee en Auignon,
1582.

Selon l'ordre Alphabetique.

D

DE la Creation bonté ou
malice des Anges, chap.
iii. fol. 24.

Des moyens qu'ont les
malings esprits pour venir vers
nous, & du lieu où ils resident,
chap. iiij. fol. 34.

Des sorciers & que les femmes y sont
plus adonnees que les hommes,
chap. vij. folio 60.

T A B L E.

*Des noms que doiuent dōner les par-
rins & marrines, qui puissent ser-
uir d'instruction aux enfans pour
faire teste au Diable, scholie iij.
folio. 87.*

L

L *E cercle simbole de la diuinité,
scholie vj. fol. 89.
Le pretendu du Diable n'est que de se
faire adorer comme Dieu & trom-
per les hommes chap. v. fol. 40.*

Q

Q *ue le Diable n'a besoing d'au-
cune chose que nous puissiōs
auoir en ce monde sinon la foy in-
fuse & la grace de Dieu, scholie
iiij.fol. 87.
Quel iour sathan celebre, Scholie vij.
folio. 91.*

T A B L E

*Quelles sont les œuvres de Sathan;
scolie ix. fol. 96.*

*Pourquoy le Diable apparoyt en for-
me de Bouc scolie xj. fol. 105.*

*Conclusion du liure assauoir si les ar-
ticles contenuz en la deposition des
sorciers doiuent estre prins comme
aduenus par songe ou biē en verité
ou realité. folio. 108.*

R

R *Esponce à ceux qui demandent
quel danger il y a de soy seruir
du Diable chap. viij. fol. 63.*

S

S *Il y a des esprits ou non, chap. i.
folio. 1.*

*Sorcellerie peché enorme & detesta-
ble chap. vi. fol. 50.*

Si les esprits ont corps, chap. ij. fol 11

T A B L E

Sentence donnée contre les sorciers en

Auignon. 1582. fol. 73.

*Scholies sur la sentence donnée contre
les sorciers, fol. 76.*

*Seul point suffisant pour convaincre
ceux qui pensent que ce soyent son-
ges, scholie v. fol. 88.*

*Si un corps humain peut estre porté
en l'air, scholie viii. fol. 95.*

F I N.



